






LIBRARY OF THE
UNIVERSITY OF ILLINOIS
AT URBANA-CHAMPAIGN

Emblems
096.1
B469i
1580

Rare Book & Special
Collections Library







de idem
tradidisse piaque se em 1691.

7830

Digitized by the Internet Archive
in 2009 with funding from
University of Illinois Urbana-Champaign

<http://www.archive.org/details/iconesidestverae00bz>

I C O N E S.
id est
V E R A E I M A G I N E S
V I R O R V M D O C T R I N A S I M V L
E T P I E T A T E I L L V S T R I V M , Q V O R V M P R A E-
cipuè ministerio partim bonarum literarum studia
sunt restituta, partim vera Religio in variis orbis Chri-
stiani regionibus, nostra patrumque memoria fuit in-
staurata; additis eorundem vitae & operæ descriptio-
nibus, quibus adiectæ sunt nonnullæ picturæ quas
E M B L E M A T A vocant.

Theodoro Beza Auctore.



C E N E U Æ,
APVD IOANNEM LAONIVM.

M . D . LXXX .
n.



JACOBVS. 6. DEI · GRA · REX · SCOTOR ·

IN VTRVNQUE
PARATVS.



SERENISSIMO PER DEI
GRATIAM SCOTIAE REGI,
IACOBO EIVS NOMINIS SEXTO,
THEODORVS BEZA GRATIAM AC
PACEM A DOMINO.

NIRTUTEM laudari boni omnes libentissime, nemo, nisi malus audiu*t* inuitus. Itaque sicut Regiae tuae Majestati bonisque omnibus non inuicendum, ita solis malis displiciturum hunc meum laborem spero, quo præcipua virtutis, id est vera pietatis, non amicos modo & fautores, sed etiam conciliatores, si non pro rei & personarū dignitate, (quis enim hoc preſtiterit?) at certè pro viribus laudare conſtitui. Quisquis autem ex aduerso, non quidem institutum hoc meum reprehenderit, sed impietatis potius damnandos existimauerit, quos ego cœp*u* pietatis magistros celebro, errore sane suo fruitor, nisi ampliari iudicii hac de re diem sustinere malit. Sed erunt fortassis ex nostris nonnulli, qui præteritas imagines vel eam ob causam mallent, ne aduersariis, quos idolatriæ accusamus, calumnian*d*i occasio præbeatur: Iſtis vero illud ipsum respondeo, quod minimè ignorant, neque picturam videlicet, neque cœlataram, cœterasve artes eiusmodi, per se reprehendi, quarum

* ij.

E P I S T O L A.

multiplicem esse utilitatem constet. Certe si viua vox audiētes magnopere afficit, nemo merito inficietur, quum non nisi praesentes audiamus, plurimum etiam ipsorum hominum cōspectu nos commoueri, adeo quidem ut magnos viros etiam tacientes reuere amur. Quid igitur vetat quominus sicut scripturæ beneficio doctos & pios homines, quāuis mortuos, quasi nobiscū adhuc loquentes audimus, ita quoque ex veris illorū imaginibus quos studiose viuos obseruanimus, hoc cōsequamur ut eos ipsos adhuc intueri & amplecti videamur? Quod si qui vel in colendis viuis modū non tenet, vel mortuorū imagines temere & contra Dei mandatum in sacris locis colloca-tas tandem etiam superstitionē, atque adeo impie venerantur, atque adeo suas mutas imagines libros esse idiotarum nугantur, quid hoc ad nos, qui nedum ut tale quicquam admittamus, Christianorum quoque templa diligenter ab his sordibus repurgamus? Ne quidem certe testari possum tantorum hominum non modo libros legentem, sed etiam expre-sos vultus intuentem, haud multò aliter affici, & ad sanctas cogitationes impelli, quam si coram adhuc ipsos docentes, admonentes, increpantes his oculis aspicerem. Hanc igitur causam habui cur istas (non omnium quidem, quod iusta fortasse reprehensione non careret, sed prestantissimorum, & quidem mortuorum dūtaxat, ne viuis adulatus videar) imagines partim iam nactus, partim adhuc nancisci sperans, vacuo nondum repertis spatio relicto, alteras, addita breui singulorum vitæ ac studiorum descriptione, edendas puta-re. In his autem digerendis hunc sum ordinem sequutus, ut Gentium & Ecclesiarum, in quibus floruerūt, seruata distin-
ctione,

E P I S T O L A.

Eione, ipsis & doctis eorum nacostatis, ut pote quorum ministerio nostra patrumque memoria Ecclesiae bona &que literae sunt instauratae, primum hunc locum tribuerim: altero Regibus, Principibus, & ciuitatum & magistratibus, Ecclesiae nutritiis, militaribus denique fortissimis viris seruato, qui pro tueda vera religione sanguinem etiam profuderunt. Horum autem recensionem quum differre me plurimæ grauißimæ causæ cogant, vehementer interim eos rogo quibus hic meus labor non displicebit, ut missis saltem eorum veris Iconibus, quos hanc laudem mereri existimauerint, adiuuare meum hunc conatum non grauentur. Quod autem iis quos nunc commemo, non nullos in ipso præsertim Galliae vestibulo adiunxi, quorum nonnulli pietatem ipsam, non tamen certa (ut arbitror) improbitate, sed ignorantia oppugnarunt, alii religionem cum populo colere quam suæ conscientiæ rationem habere quantam oportuit maluerunt, nullus ut spero indignabitur, qui mei consilii causa ex ipsis eoru elogiis cognouerit. Subiunxi præterea E M B L E M A T A quadraginta & quatuor, quæ, quod graues & pias sententias complectantur, eruditis letoribus non ingrata fore mihi persuasi. Sunt autem opinor, sic appellata, quod imagines eiusmodi sententiosæ opere tessellato parietibus aut vasis inseri consueuerint. Cæterum cur Regia tuae Maiestati meum hunc qualemcumque laborem audeam consecrare, iustissimam, ni fallor, causam habui. Quium enim te costet ab ipsa pueritia, diuino quodam impulsu (ad scitis etiam eruditissimis illarum doctoribus, D. Georgio Buchanano, quem mihi liceat omnis liberalioris eruditonis ac præsertim poëtices parentem appellare, & D. Petro

E P I S T O L A.

Iunio, eximia quoque doctrina prædicto) linguarum & bona-
rum artium studia tanta mentis contentione tantoque succes-
su amplexum, ut, fauente Deo, veterum illorum, tum rebus
fortiter gestis tum etiam eruditione clariſimorū Regum me-
moriā nostro seculo renouaturus videare: atque adeò illos
propemodum omnes in eo superaturus, quod te veræ pietatis,
quæ illis plerisque defuit, studioſſimum re ipsa in primis o-
stendas: cui tandem existimauerim gratiorem fore virorum
& doctrina & pietate præstantiſimorum commendatio-
nem? Ad hæc & illud accedit quod quum Christi regnum
quanto maximo animi ardore fieri potest apud Scotos tuos
promoueras, vsque adeò ut ad extremas vsque terras huius tuæ
singularis pietatis fama permanarit, sit autem huius Christi
regni pars etiam aliqua Geneuensis haec Ecclesia, putari mei
esse officii memetipsum tuis populis aggregare, & gratam com-
munis tanti beneficii memoria Regia tuæ Maiestati qua pos-
sem ratione testificari. Prieterea (quod citra inuidiam dictū
sit) quum, per Dei gratiam, hæc Ecclesia partem sibi vendi-
cet non pænitendam beneficium in Scotiæ regnum, maximorum
virorum D. Ioannis Cnoxi Scotti & D. Christophori Gudman-
ni Angli ministerio collati: & peculiari quodam commu-
nis non modo confessionis, verum etiam Ecclesiastica & tra-
vinculo videri possint Ecclesiæ Scotica cum Geneensi cōiun-
ctæ: sic quoque mutuam hanc in Christo connexionem testari,
ac veluti sancire, consilio minime, ut arbitror, reprehēdendo stu-
dui. Quid plura? quum ad Gallicæ usque gentis ministros
Genevæ non ita pridem, Religionis causa, exulantes, Scotica-
rum

E P I S T O L A.

rum Ecclesiarum beneficentia redundarit, & hanc scholam
non pauci Scoti multis modis exornarint, veluti Henricus ille
Scrimgerus, eruditissimus apud nos iuris ciuilis professor, in-
tempesta nobis morte sublatus: Andreas Melvinus nostri
non ita pridem, nūc autē vestri gymnaſii singulare ornamen-
tum: insignis denique generis adolescens Georgius Keytus ab
illustri patre Scotici regni Mareſcallo, ad nos usque studiorū
cauſa missus: ac nunc quoque regiae familiæ iuuenem Domi-
num Franciscum Stuardum, Illustrem Comitem à Botuel, ſin-
gulare nobis in tenera aetate maximarū virtutum exemplum
prabentem cernamus, quinam iſtam non referendorū quidem,
ſed agnoscendorum beneficiorum occasionem praetermisſem?
Accipe igitur, Serenissime Rex, munus hoc meū, pereſigū
quidē illud, ſi quidquid in eo meum eſt ſpectetur, ſed pulcher-
rīorum exemplorum plenum, quibus utinam, fruſtra repu-
gnante Satana, Scoticum tuum regnum magis ac magis flo-
rere atque redundare conſpicias. Fxit, in quam, Rex ille Re-
gum, ut qua Regiae tuæ Maieſtati maximarum virtu-
tum ſemina tam liberaliter infudit, felicissimè tecum adole-
ſcant, & quam de te expectationem in orbe toto Christiano
conciitasti, non modò ſuſtineas, ſed etiam longè latēque ſupe-
res. Geneuæ Cal. Martii, Anno ultimi temporis C I O.
I O. L X X X.

100
101
102
103
104
105
106
107
108
109
110
111
112
113
114
115
116
117
118
119
120
121
122
123
124
125
126
127
128
129
130
131
132
133
134
135
136
137
138
139
140
141
142
143
144
145
146
147
148
149
150
151
152
153
154
155
156
157
158
159
160
161
162
163
164
165
166
167
168
169
170
171
172
173
174
175
176
177
178
179
180
181
182
183
184
185
186
187
188
189
190
191
192
193
194
195
196
197
198
199
200
201
202
203
204
205
206
207
208
209
210
211
212
213
214
215
216
217
218
219
220
221
222
223
224
225
226
227
228
229
230
231
232
233
234
235
236
237
238
239
240
241
242
243
244
245
246
247
248
249
250
251
252
253
254
255
256
257
258
259
260
261
262
263
264
265
266
267
268
269
270
271
272
273
274
275
276
277
278
279
280
281
282
283
284
285
286
287
288
289
290
291
292
293
294
295
296
297
298
299
300
301
302
303
304
305
306
307
308
309
310
311
312
313
314
315
316
317
318
319
320
321
322
323
324
325
326
327
328
329
330
331
332
333
334
335
336
337
338
339
340
341
342
343
344
345
346
347
348
349
350
351
352
353
354
355
356
357
358
359
360
361
362
363
364
365
366
367
368
369
370
371
372
373
374
375
376
377
378
379
380
381
382
383
384
385
386
387
388
389
390
391
392
393
394
395
396
397
398
399
400
401
402
403
404
405
406
407
408
409
410
411
412
413
414
415
416
417
418
419
420
421
422
423
424
425
426
427
428
429
430
431
432
433
434
435
436
437
438
439
440
441
442
443
444
445
446
447
448
449
449
450
451
452
453
454
455
456
457
458
459
460
461
462
463
464
465
466
467
468
469
470
471
472
473
474
475
476
477
478
479
480
481
482
483
484
485
486
487
488
489
490
491
492
493
494
495
496
497
498
499
500
501
502
503
504
505
506
507
508
509
510
511
512
513
514
515
516
517
518
519
520
521
522
523
524
525
526
527
528
529
530
531
532
533
534
535
536
537
538
539
540
541
542
543
544
545
546
547
548
549
549
550
551
552
553
554
555
556
557
558
559
559
560
561
562
563
564
565
566
567
568
569
569
570
571
572
573
574
575
576
577
578
579
579
580
581
582
583
584
585
586
587
588
589
589
590
591
592
593
594
595
596
597
598
599
600
601
602
603
604
605
606
607
608
609
609
610
611
612
613
614
615
616
617
618
619
619
620
621
622
623
624
625
626
627
628
629
629
630
631
632
633
634
635
636
637
638
639
639
640
641
642
643
644
645
646
647
648
649
649
650
651
652
653
654
655
656
657
658
659
659
660
661
662
663
664
665
666
667
668
669
669
670
671
672
673
674
675
676
677
678
679
679
680
681
682
683
684
685
686
687
688
689
689
690
691
692
693
694
695
696
697
698
699
700
701
702
703
704
705
706
707
708
709
709
710
711
712
713
714
715
716
717
718
719
719
720
721
722
723
724
725
726
727
728
729
729
730
731
732
733
734
735
736
737
738
739
739
740
741
742
743
744
745
746
747
748
749
749
750
751
752
753
754
755
756
757
758
759
759
760
761
762
763
764
765
766
767
768
769
769
770
771
772
773
774
775
776
777
778
779
779
780
781
782
783
784
785
786
787
788
789
789
790
791
792
793
794
795
796
797
798
799
800
801
802
803
804
805
806
807
808
809
809
810
811
812
813
814
815
816
817
818
819
819
820
821
822
823
824
825
826
827
828
829
829
830
831
832
833
834
835
836
837
838
839
839
840
841
842
843
844
845
846
847
848
849
849
850
851
852
853
854
855
856
857
858
859
859
860
861
862
863
864
865
866
867
868
869
869
870
871
872
873
874
875
876
877
878
879
879
880
881
882
883
884
885
886
887
888
889
889
890
891
892
893
894
895
896
897
898
899
900
901
902
903
904
905
906
907
908
909
909
910
911
912
913
914
915
916
917
918
919
919
920
921
922
923
924
925
926
927
928
929
929
930
931
932
933
934
935
936
937
938
939
939
940
941
942
943
944
945
946
947
948
949
949
950
951
952
953
954
955
956
957
958
959
959
960
961
962
963
964
965
966
967
968
969
969
970
971
972
973
974
975
976
977
978
979
979
980
981
982
983
984
985
986
987
988
989
989
990
991
992
993
994
995
996
997
998
999
1000




ANTESIGNANI PATRVM
MEMORIA INSTAVRANDI CHRI-
STIANISM MARTYRES, EX DI-
VERSIS SIMIS ORBIS TERRA-
RVM REGIONIBVS, ANGLIA,
BOHEMIA, ITALIA, DIVINITVS
SELECTI.

A. j.



IOANNES
WICLEFVS
ANGLVS, IN A-
CADEMIA OXONI-
ENSI THEOLO-
GIÆ PRO-
FESSOR.



I. WICLEF.



IOANNES WICLEFVS.

It hoc tuum in primis verum & immortale decus, Anglia, quāuis à te postea cōmaculatum, quod Ioānem Wiclefum edideris, primum ausum, post multa secula, Romanæ meretrici securè inebriatis Europæ regibus illudenti, bellū palam indicere: idque tanto successu, vt iam tum vulnus gladio verbi diuini abs te vibrato inflictum acceperit, quod, vt ad tempus sanatum videri potuerit, semper tamē recruduit, ac tandem lethale, Dei beneficio, euasit. Supererat tanto athletæ martyrii corona, quam viuo frustra expetitam quadragesimo demum post mortem anno crematis ossibus tuis es adeptus, hoc vel uno scelere Antichristo sibi ipsi quidem perpetuam crudelitatis notam inurente, tibi vero tanto maius decus conciliante.

Floruit anno Domini, C¹3. CCC. LXXII.

*Obiit post varia certaminæ C¹3. CCC.
LXXXVII.*

*Cremata sunt eius ossa Oxonie, anno Domini
C¹3. CCC. X.*

A. ij.

IOANNES HVSSVS.





IOANNES HVSSVS BOHEMVS. IN ACADEMIA PRAGENSI THEOLOGVS.

VIGILIS anseris hoc (enim patria Bohemorum lingua cognomētum illud sonat) minimè obstreperum, sed suauissimum, ac planè tempestiuum clāgorem! quo cœlitus potius quām ex terra sonante, veternosī tot seculis Christiani sunt excitati, non vt, anserum Capitolineorum exemplo, Tarpeia rupes aduersus inuasores seruaretur, sed contra vt immanis prædo ex illa eadem arce, partim astu, partim vi occupata, in Christianum orbem diu grassatus, deturbaretur. Vt autem illum idem iste perfidè correptum vſtularit, quid aliud tamen efficit, quām quòd tum sibi ipsi, tum aliis suis mancipiis indelebilem perfidiae notam inussit, tu vero, Husse, quasi ex cauea in cœlum emissus ingrata terra relicta euolasti? Quin etiam (dictu mirabile) tot illos qui & iam tum sunt audit, & nunc adhuc audiuntur, olores tibi succinentes, cur nō meritò velut ex fœcundissimis tuis phœnicis potius, quām anseris, cineribus (quod etiam diceris iam iam moriturus prædixisse) enatos dixerimus?

Crematus est viuus, violata publica fide Constantiæ ex pseudo-synodi decreto, anno Domini
CIO. CCCC. XV. VI July.



HIERONYMVS
BOHEMVVS
PRAGENSIS.





HIERONYMVS BOHEMVS PRAGENSIS.

PORTEBAT scilicet coniuratos diuinæ veritatis hostes, duobus minimū testibus conuinci, vt nihil haberent quod obstinatissimæ improbitati, ne corā hominibus quidem, possent prætexere: & par erat fortis & constantes in eodem certamine socios, pari quoque vel potius eodem triumpho nobilitari. Sequutus es igitur, Hieronyme, Ioannem tuum, à quo ne morte quidem diutius diuidi sustinuisti. Qui verò fueris & qualem te ipsum in extremo præsertim certamine, in quo posita est victoria, præstiteris, æquum est vt ex teste minimè omnium fidei suspecta audiamus, ex quo iudices inquisimi fuisse qui te damnarunt coarguantur.

E X E P I S T O L A P O G I I F L O R E N T I
ni ad Leonardum Aretinum, Constantie scripta, eadem die qua
Hieronymus Pragensis crematus est, nempe **I I I Calendas Iunias, C I O. CCCC. XVI.** altero post Ioannem Hussen anno.

VVM multa in hunc Hieronymū congesta essent quibus arguebatur hæresis, atque ea testibus firmata: tādem placuit vt publicē singulis, quæ sibi obiiciebantur responderet. Ita in concionem deductus, quum iuberetur ad illa respōdere, diutius recusauit, asserens se debere prius causam suā agere, quām respōdere maledictis aduersariorum. Ita se priūs pro se dicentem audiendum esse asseuerabat, tandem ad æmulorum suorum probra in se congesta deueniendum.

SE D quū hæc cōditio sibi denegaretur, tū stans in me dio concionis: quænam est hæc iniquitas, inquit, vt quū **CCC. XL** diebus, quibus in durissimis carceribus fui

in fôrdibus, in squalore, in stercore, in compedibus, in rerum omnium inopia, aduersarios atque obtructatores meos semper audieritis, me vnam horam audire nolitis: hinc est, ut dum illis singulorum aures patuerunt, atque in tam longo tempore vobis persuaserunt me hæreticum, hostem fidei, Ecclesiasticorum persecutorem, mihi autem me defendendi nulla datur facultas, vos me prius improbum hominem iudicaueritis in mentibus vestris, quâm qui forç potueritis cōgnoscere. Atqui, inquit, homines non dii estis, non perpetui, sed mortales: labi, errare, falli, decipi, seduci potestis. Hîc mudi lumina, hîc orbis terrarum sapientiores esse dicuntur: maxime vos decet elaborare nequid temerè, nequid inconsultè, néue quid præter iustitiam faciatis. Equidem ego homuncio sum, cuius de capite agitur: nec pro me hæc loquor qui mortal is existo: verùm indignum mihi videtur sapientia, aliquid tot viros aduersum me statuere præter æquitatem, non tam re, quâ exemplo nocitum.

Hæc & multa præterea ornatè disserebat, strepitu & murmure plurimorum sermonem eius interpellante. Tandem decretum est, ut primùm ad errores, qui in eum conferebantur, responderet: deinde loquendi quæ vellet, daretur facultas. Legebantur igitur ex pulpito singula capita accusationis, deinde testimoniis cōfirma bantur: tum rogabatur an quid vellet obiicere. Incredibile dictu, quâm callidè responderet, quibus se tueretur argumentis. Nihil vñquam protulit indignum bono viro, ut si id in fide sentiebat, quod verbis profitebatur, nulla in eum nedum mortis causa inueniri iusta posset, sed ne quidem leuissimæ offensionis. Omnia esse falsa dicebat, omnia crimina conficta ab æmulis suis.

INTER cætera quum recitaretur illum sedis Apostolicæ detractorem, oppugnatorem Romani Pontificis, Cardinalium hostem, persecutorem Prælatorum & Cleri, Christianæ religionis inimicum: tum surgens quare-

3

quærebunda voce, & manibus porrectis: quò nunc me
vertam, inquit, patres cōscripti: quorum auxiliū implorā:
re: quos deprecer? quos obteste? Vosne? At isti persecu-
tores mei vestras mentes à mea salute abalienauerunt
quam vniuersorū hostem me esse dixerūt, eorum præ-
cipuè qui me sunt iudicaturi. népe arbitrati sunt, si etiā
quæ in me finxerunt, leuia viderentur, tamen vos ve-
ſris sententiis oppressuros communem omniū hostem
atque oppugnatorem, qualem me isti falsissimè mentiti
sunt. Ita si eorum verbis fidem dabitis, nihil est quod de
mea salute sperandum sit. Multos salibus perstrinxit,
multos lædoriis, multos persepe in re mœsta ridere coē-
git, iocando in illorum obiurgationes.

Quod vobis rogaretur quid sentiret de Sacramēto, inquit
antea panem, postea verum CH RISTI corpus, & reli-
qua secundūm fidem. Tum quidam, aiunt te dixisse
post consecrationem remanere panem. Tum ille: apud
pistorem, inquit, panis remanet. Cuidam ex ordine
prædicatorum acrius inuechēti: Tace, inquit, hypocrita.
Alij per conscientiam suam contra se iuranti, hæc, in-
quit, tutissima est ad fallendū via. Quendam præcipuum
aduersarium, nunquam nisi canem aut asinum appellā-
uit. Quum verò propter criminū multitudinem ac pon-
dus, res eo die transfigi nequiret, in diem tertium est di-
lata. Qua die cum singulorum criminum argumenta
recitata essent, ac subinde plurimis testibus adfirmaren-
tur, tū surgens ille: Quoniam, inquit, aduersarios meos
tam diligenter audistis, conueniens est ut me quoque
dicentem æquis animis audiatis. Data tandem est, licet
multis perstrepentibus, ei facultas dicendi.

Hic primùm à Deo exorsus, deprecatus est eam sibi
mentem dari, eam dicendi facultatem, quæ in commo-
dum ac salutem animæ suæ verteretur. Deinde, scio,
inquit, R.D. plures fuisse excellētissimos viros, indigna-
suis virtutibus perpresso, falsis oppressos testibus, ini-

quiissimis iudiciis condemnatos. Incipiens autē à Socrate, quē iniustē à suis cōdemnatū retulit, nec, quum posset, euadere voluisse, vt duorum quę asperrima hominibus viderentur, metū demeret, carceris scilicet & mortis. Tum Platonis captiuitatē, Anaxagoræ fugam, ac Zē nonis tornienta: multo rumpræterea gentilium iniquas damnationes, Rupiliī exiliū, Boetii simul & aliorū, quos ipse Boetius refert, indignam mortem commemorauit.

D E I N D E ad Hebræorum exempla transiit. Et primum Mosen illum liberatorem populi & legumlatorem s̄epissimè à suis calumniatum esse dixit, tanquam seductor esset aut contemptor populi. Joseph insuper à fratribus venditum ob inuidiam, post, ob stupri suspicionem, in vincula coniectum recensuit. Præter hos Esaiam, Danielem, & fermè Prophetas omnes tanquam contemptores Dei, tanquā seditiosos, iniquis circumuentos sentētiis. Hinc etiam Susannæ iudicū subiecit: multorum præterea, qui quum viri sanctissimi extitissent, iniustis tamen sententiis perierūt. Postea ad Ioannem Baptistam, deinde ad Saluatorem nostrum descendens, falsis testimoniis condemnatos inquit omnibus constare: deinde Stephanum à sacerdotum collegio interfectum, Apostolos autem omnes mortis damnatos, non tanquam bonos, sed vt seditiosos populorum concitatores, contemptores deorum, & malorum operum effectores. Hæc disertè & magna cum omnium attentione disseruit.

A T Q V E quum omne pondus causæ in testibus situm esset, multis rationibus docuit nullam his testibus fidem adhibēdam, præsertim quum non ex veritate, sed ex odio ac malevolentia & inuidia omnia dixissent. Tum odii causas ita explicuit, vt haud procul absuerit à persuadendo: ita erant verisimiles, vt (excepta fidei causa) parua illis testimoniis fides adhibita esset. Commotæ erant omnium mentes, & ad misericordiam flectebantur.

tur. Addiderat enim se sponte ad concilium venisse, ad sc̄ purgandum & vitam suam, & studia exposuerat officiorum plena ac virtutum. Dixerat hunc morem priscis doctissimis viris ac sanctissimis fuisse, vt in rebus fidei sententiis discreparent, non ad pessundandam fidem, sed ad veritatem reperiendam. Ita Augustinum & Hieronymū dissensisse, nec solum diuersa sensisse, sed etiam contraria, nulla haeresis suspicione.

EXPECTABANT autem omnes, vt se in se purgaret retractando obiecta, vel erratorum veniam postularet. At ille nec se errasse asseuerans, nec se retractare a liorum falsa crimina velle ostendens, tandem descendit in laudem Ioannis Husli ad ignem damnati, virum illum bonum, iustum & sanctum appellans, & illa morte indignum: se quoque paratum quoduis supplicium adire forti animo & constanti, sequere inimicis suis cedere & testibus impudenter mentientibus, qui tamen aliquando coram Deo, quem fallere nō potuerint, essent rationem eorum quae dixissent reddituri. Magnus erat circumstantium animi dolor: cupiebant enim virum tam egregium saluari, si bona mens adfuisset. Ille autem in sententia sua perseverans, vltro mortem appetere videbatur, laudansque Ioannem Hussen, ait, Nihil illum aduersus Ecclesiam Dei statum sensisse, sed aduersus abusus Clericorum, aduersus superbiā, fastum ac pompam Prælatorum. Nam quum Ecclesiastū patrimonia primò deberentur pauperibus, tum hospitibus, deinde ecclesiastum fabricis, indignum illi bono videri, dispendi illa meretricibus, conuiuiis, equorum ac canum saginæ, cultui vestimentorum, & aliis rebus indignis religione Christi.

HIC autem maximi ingenii fuit. Quum interrumperetur saepius oratio sua variis rumoribus, lacescere turque à nonnullis sententias eius carpentibus, neminem eorum intactum reliquit, pariterque omnes vlsicis-

12

scens, vel erubescere coēgit, vel tacere. Surgente murmurc silebat, turbam quandoque increpans, postea orationem persequebatur, orans atque obtestans, vt se loqui paterentur quē non essent amplius audituri. Nunquam ad hos rumores expauit, mente firma atque intrepida.

ILLUD verò fuit admirabile memoriae argumentum. CCC. XL. diebus fuerat in fundo turris fœtidæ atque obscuræ, cuius asperitatem ipsemet quæstus est, asserens se, vt fortè & bonū virum decet, non propterea ingemiscere quòd indigna perpeccus esset, sed mirari aduersus se inhumanitatem. Quo in loco, nedum legendi, sed ne videndi quidem habuit facultatem. Mitto anxiatem mentis, qua oportuit quotidie illum agitari, quæ omnem memoriam excutere debuisset. Tamen cum tot doctissimos & sapientissimos viros in testes suarum opinionum allegaret, tot doctores ecclesiasticos in medium protulit in sententiam suam, vt satis superque fuisset si toto hoc tempore, summo in otio, summain quiete, sapientiæ studiis operam dedisset. Vox eius suavis, aperta, resonans erat, quadam cum dignitate: gestus oratorius, vel ad indignationem exprimendam, vel ad commouendam commiserationem, quam tamen nec postulabat, nec consequi cupiebat. Stabat impavidus, intrepidus, mortem non contemnens solùm, sed appetens, vt alterum Catonem dixisses. O virum dignum memoria hominum sempiterna! Non laudo, si quid aduersus instituta Ecclesiæ sentiebat: doctrinam admiror, plurimorum rerum scientiam, eloquentiam, dicendi suavitatem, argutiam respondendi. Sed vereor, ne hæc omnia in peccatum suam sibi à natura fuerint concessa.

DATVM deinde spacium penitendi biduò. Multi ad illum accessere viri eruditissimi, vt ipsum à sententia sua dimouerent, inter quos Cardinalis Florētinus eum adiit,

adiit, ut flecteret ad viam rectam. Sed quum pertinacius in erroribus perseveraret, per concilium hæresis damnatus, & igni combustus est. Iucunda fronte & alacri vultu ad exitum suum accessit: non ignem expauit, non tormenti genus, non mortis. Nullus vñquam Stoicorum fuit tam constanti animo, tamque forti, mortem perpessus, quām iste appetuisse videtur. Quum venisset ad locum mortis, seipsum vestimentis exuit. Tum procumbens flexis genibus veneratus est palum, ad quem post ligatus fuit: primū funibus madentibus, tum catthena nudus ad palum constrictus fuit: ligna deinde circumposita, pectus tenus non minuscula, sed grossa, paleis interiectis. Quū flamma adhibita fuit canere cœpit hymnum quandam, quem fumus & ignis vix interrupit. Hoc maximum constantis animi signum, quū licet ignem post tergum (ne id videret) iniicere vellet: huc inquit, accede, & in conspectu accende ignem. Si enim illum timuissim, nunquam ad hunc locum, quem fugiendo facultas erat, accessissim. Hoc modo vir (præter fidem) egregius consumptus est. Vidi hunc exitum, singulos actus perspexi. Siue perfidia, siue pertinacia hoc egerit, certè ex Philosophiæ schola interitum viri descripsisse.

HIERONYMVS SAVONAROLA.





HIERONYMVS SAVONAROLA
ITALVS FLORENTINVS, CONCIO-
NATOR, EX DOMINICANORVM
ORDINE.

Si s verò non miretur tam miseris temporibus tantam in homine cucullato, & quidem sub Dominicanis, professi iam olim piorum hostis, nomine, pietatem tanto cum zelo coniunctam, quanta hæc in te, Hieronyme Sauonarola, extitisse plurima tua scripta testantur? Sed & ipsa mors tibi laudatissimæ vitæ estimonium tribuit, tēque facilè ab obiectis criminibus falsissimis absoluit: siquidem homini tam perditè scelerato quām fuit Alexander ille Borgia, Romanus eius nominis Pontifex VI, usque ad eò displicuisse, ut non nisi te indignissimè damnato & cremato quiescere potuerit, maximum esse videtur singularis tuæ pietatis argumentum, quam meritò postea Marcus Antonius Flaminius, excellentissimus poeta, versibus istis optimis celebrauit.

Dum fera flamma tuos, Hieronyme, pascitur artus,
Religio sanctas dilaniata comas,
Fleuit, & ô, dixit, crudeles parcite flammæ,
Parcite, sunt isto viscera nostra rogo.

Strangulatus est ac postea crematus Florentiae,
postulatus Pontificis Alexandri VI, maxi-
mo cum bonorum ciuium luctu, anno Domini

C I S. C C C C . X C V I I I .

B ivi

17

PRAE CIPVA CHRISTIANISMI,
NOSTRA PATRVMQVE MEMORIA,
INTER GERMANOS INSTAVRATI
ORGANA.



19

IOANNES REVCHLINVS, SIVE CAPNIO, GERMANVS. PFORTZENSIS.

ON TICVERAT integro penè seculo Pietas ad
Constantiensis synodi perfidiam ac crudelitatem
obstupefacta, quanquam aliquot subinde martyribus
illam minimè interiisse frustra in medio flammorum
suppicio sonorè clamitantibus, quum Pfortza,
Marchionatus Badensis ciuitate, prodiens Ioannes
cognométo Reuchlinus, (quem græcè Capnionē, latine
Fumeum possis vocare) incredibili cum successu
hebreæ linguæ studia iampridem consopita, coniunctis etiam græcis literis, excitauit: nēpe vt ex ipsis deinceps fontibus veritatem haurire posteris liceret. Iстis vero tam Ecclesiæ necessariis, quām superstitioni tūc grāf
santi exitialibus conatibus fese tenebriones sophistæ,
(Colonienses videlicet, Hocstrato quodam duce, Matæologi, huius summi vi, tāquā alter Cacus ex antris suis
exciti) mox tanta contentione opposuerunt, vt Romanam usque ad Leonem decimum, tunc Pontificem, bonis literis non inimicum, causæ cognitio sit delata. Hic
verò quis futurum credidisset, vt eo sedente Iudice in
quem potissimum hoc telum torquebatur, vinceret
veritas? Vicit tamen, damnatisque Pontificis ipsius iudicio, sophistis, Capnio, & quamuis non claro prorsus
igne, fumo tamen edito qui superiorum temporum
caliginem discuteret, sequuturæ mox limpidissimæ
pietatis flammæ viam præmonstravit. Hic enim ille
est ex cuius auditorio nominatim, præter inumeros
alios minus celebres, Oecolampadius, Pellicanus, Munsterus prodierunt.

*Obiit in partia magnis auctus honoribus, anno
Dominii 1518. cuius dñi Erasmus po-
stea magnopere propterea Sophistis inuisus
elegantissime descripsit.*

C. ij.

DESIDERIVS ERASMVS.



DESYDERIVS ERASMVS BATAVVS, ROTERODAMVS.

DE SIDERIVM Erasmū Roterodamum quantuis
inehausta ingenij vbertas, pari dicēdi facultate,
ad summā gloriæ fastigium nostra memoria euexerit,
mihi tamen quædam religio fuit vel in huius sacrarij
limine collocare, vt qui suum quoddam, vt in plerisque,
ita in religionis etiam negotio, iudicium sequutus, &
superstitiones ridendo carpere contentus, res ipsas usque
adeò, vel per se vel ab aliis discere recusarit, vt pes-
simæ quoque causæ patrocinium susceperit. Quum ta-
men illi tantum bonæ literæ renascentes, quantum alij
ætatis illius nemini debeant, age, locus etiam illi in hoc
vestibulo, & quidem hoc addito elogio tribuat.

*Ingens ingentem quem personat orbis Erasnum
Hæc tibi dimidium, picta tabella refert.
At cur non totum? mirari desine, lector,
Integra nam tantum terra nec ipsa capit.*

In eundem.

*H'μιου τὸ παντὸς πλάστρον Ἀ'σχετικόν εἶπεν,
Η'μιου δὲ οἵμη τὸ πλάστρον λογιστήματον.*

*Obiit Basileæ III. Idus Iulii, anno Domini
CIO. CCCCC. XXVI. annum
agens septuagesimum.*

C iii

MARTINVS LVTERVS,





M A R T I N V S L V T E R V S.
G E R M A N V S I S L E B I V S , A N T I C H R I -
S T I R O M A N I F L A G E L L V M , W I T -
T E B E R G E N S I S E C C L E S I A E P A S T O R .

Mo c vultu fuit Martinus ille Luterus, Islebij in Mansfeldensium Comitum ditione natus, ore toto diuinitus afflatam animi magnitudinem, ipsamque adeò pietatem, cum singulari zelo coniunctam testans: Euangelicæ lucis flammæ, è densissimis tenebris sensim proferendæ, præco à Deo Opt. Max. humani generis miserto excitatus, & quidem (diētu mirabile) ex media Satanæ sentina, pseudomonachorum videlicet Augustinianorum cœnobio, ad repurgandum Dei tem plum euocatus, eo ipso Antichristo occasionem ei præbente, quem arrepto verbi Dei flagello erat ex occupata Christi domo profligaturus: quem non Cæsares, non Reges, non fulmina ex arce Tarpeia vibrata, non ullæ innumerabilium Sophistarum phalanges, vel tantillum terruerunt: cuius denique laboribus Ecclesia instaurata, quantum à multis seculis vix cui quam debet, plura tamen debitura, si tantum in omnibus illum moderationis ac scientiæ retinere, quantum zeli vehementioris diuinitus ipsi concessum erat, peccata hominum, & discipulorum quorūdam turbulentum ingenium permisissent: cui nos carmen hoc triumphale ecclinimus:

(Roma -

Roma orbem domuit, Romam sibi Papa subegit,
Viribus illa suis, fraudibus iste suis.

Quanto isto maior Luterus maior, & illa,
Istum illamque uno qui domuit calamo?
In nunc, Alcidem memorato. Gracia mendax,
Luteri ad calamum ferrea clava nihil.

Obiit placidè anno Domini C I O. CCCCC.
X L V I. Februarii die XVII, annum vitæ
 agens EXIII, quum anno ætatis XXXIII,
qui fuit annus Domini C I O. CCCCC.
XVII, Ecclesiam Christi cœpisset repurgare.



D. j.

PHILIPPVS MELANCHTHON.





27

PHILIPPVS MELANCHTHON,
GERMANVS BRETTENSIS, THEOLO-
GIÆ ET BONARVM OMNIVM ARTIVM
DOCTOR WITTEBERGÆ.

Vis te verò, Philippe Melanchthon, Martino Lutero diuinitus succenturiatum, pro dignitate celebrauerit, singulare nostri seculi ornamentū: utpote summam & eruditionis in omni disciplinarum genere, & tú in dicēdo ac scribendo perspicuitatis, tum in docendo candoris laudem omnium eruditiorum consensu, consequutum: pietate, virtute innocentia, ac in primis incomparabilis modestiæ exemplo, non modò cæteris, verùm etiam teipso superiorē: quē denique odit nemo nisi omnium odio dignissimus. Scilicet hoc tuis laudibus vnum deerat, ut ingrati discipuli nonnulli, qui te viuum pene adorarant, mortuum incesserēt: admirabili certè Dei prouidentia, ne quos ipsi sibi commenti sunt teterimos errores, ex te, communi quādiu vixisti omnium ferè gentium doctore, didicisse viderētur. At nos contra, vel ipsa crepante inuidia, venerandā memoriam tuam sic iuuerit celebrasse.

*Etu igitur tandem tumuli sub mole repositus,
Die ô Philippe, nunc iaces:
Et quam inuidisti viuus tibi tute quietem,
Cunctis quietem dum paras,
Ipsa tibi cura & sancti peperere labores,
Charum ô bonis cunctis caput.*

28

At iufunde roſas, funde iſti lilia tellus,
Ut lilia inter & roſas,
Quo nil candidius fuit & nil ſuauius unquam,
Recubet & elanchthon molliter.
Et grauis huic ut ſis caueas, iuuenis veſe, ſenex veſe,
Qui nemini vixit grauis.

Obiit Wittebergae annos XLII Theolo-
giam bonaque artes ſumma cum fide &
eruditione & incredibili cum fructu profeſſus,
anno Domini 1560. Aprilis die XIX,
quum annos vitæ LXIII & dies totidem
vixifſet.



30
GEORGIVS ANHALTINVS,





GEORGIVS ANHALTINVS ASCANIÆ PRINCEPS.

GEORGIVM illustrissimis Germaniæ principi-
bus, familia antiquissimè nobilitatis prognatū, ne-
mo Theologis miretur annumerari, quum hoc ipse vi-
uus sanctissimo zelo affectarit. Sit igitur hoc tanti Prin-
cipis singulare & rarissimi à multis seculis exépli decus,
quod & optimi principis & diligentissimi pastoris mu-
nus obiit, vt felices illius subditi haberet, quem & in ter-
ris dominum agnoscerent, & vt ducem in cælum præ-
euntem sequerentur. Neque verò tam angustis limiti-
b⁹ cōtineri tot tātæque virtutes potuerūt. Itaque & vi-
cinae & longius remotæ Ecclesiæ in tanti viri consiliis,
quædam etiam in eius autoritate acquieuerunt, patēte
ipsius domo bonis piisque omnibus, ac præsertim ma-
gno illi Philippo Melanchthoni, quem turbulētissimis
illis Germanici ciuilis belli tempestatibus cōseruatum
debemus. Singulari denique omnium virtutum exem-
plum pius hic Princeps suppeditauit, quod vtinam pau-
culos saltem inueniat imitatores, qui videlicet eo sint
iudicio prædicti, vt quod extructum volunt, ipsimet ab
Ecclesiarum vastatoribus decepti non euertat. Salue tu
verò Anhaltina nobilissimā domus, adiunctūmque tibi
splendidissimum istud decus perpetuis seculis tuctor.

*Obiit felicissima morte annum agens vitæ dun-
taxat XLVII, XV Cal. Nouembris, an-
no Domini CIO. Io. LIII.*

IOANNES BVGENHAGIVS PO-
meranus, Eccles. Viteberg. Pastor.



Quo doctore fidem profiteretur Dania Christi:
Iessae Citharelaus Pomeranus eram.

M. D. LIX.



IOANNES BVGENHAGIVS, GERMANVS, POMERANVS.

IOANNES Bugēhagium, ex monasterii quoque cloacis erutum Luterus in pastoris munere collegam habuit, moribus quidem dissimilem, sed doctrina & vita instituto penitus concordem. Nam ut ille natura vehemens & asper, ita iste mansuetus & moderatus est semper habitus, quod & ipsius scripta testantur: in quo fuit hoc quoque eximium, quod ab ambitione & avaritia prorsus alienus, quum ad altiora s̄epe inuitaretur, in illa sua sorte totos annos triginta quatuor, summa tum fide tum diligentia vbique pr̄stata, perseverauit, placidē tandem, quum annum septuagesimum tertium ageret, viribus corporis paulatim deficientibus, inter charissimorum fratrum manus, beata sui memoria relictā, defunctus.

IVSTVS IONAS
S. Theol. D.



*Mystes Iuris eram: sacrorum denique mysteria,
Iuris diuini sancta magistra, facit.*

M. D. LV.



36

I V S T V S I O N A S , G E R M A -
N V S , S A X O , W I T T E B E R G E N S I S E C -
C L E S I Æ P A S T O R .

V S T V M Ionam, iuris humani consultum, Theologia, iuris diuini magistra, sibi cōmodissimū restituēndae in Saxonia Ecclesiæ, futurum adiutorem asseruit: in quo munere præstando, neque doctrinam neque prudētiā ipsi defuisse, vel illud ostendit, quod primis illis turbulentissimis instaurati Euangelii temporibus nihil insigne, nisi ipso conscio, & suas etiam partes agente, in Germania gestū fuit, vicinarum quoque Ecclesiarū, ac præsertim Hallensis Saxoniciæ inspectore: in cuius etiam veluti sinu Martinus Luterus animam exhalauit.

Obiit autem in Ecclesia Eyssefeldensi, magni illius principis Electoris Ioannis Friderici filiorum in acerrimis illis tempestatibus constantissimus comes, annum agens vitæ sexagesimum tertium, anno Domini C. D. I. D. L. X. C.

IOANNES FORSTERVS
Hebreus Theologus.



Patria sit quamvis Augusta & Sueuica tellus:
Arguit Hebraum me sacra lingua magis.

M. D. LVI.



IOANNES FORSTERVS,
GERMANVS, AVGVSTANVS, HEBRAI-
CÆ LINGVÆ IN WITTEBERGENSI
ACADEMIA PROFESSOR.

FOANNEM Forsterū Augusta Windelicorū, Wittebergæ Saxonum, vel Ecclesiæ toti poti⁹ genuit, Hebraicæ linguæ professorem longè doctissimum, vt lexicon eius linguæ ab ipso editum testatur: in quo sicut in ipsis rebus, sic etiam in vocibus non raro cœcutiuisse Grāmaticos hebræos contendit, qua in re vt non omnes habeat adstipulatores, sic tamen ad linguam sacram accuratiū cognoscendam doctorum ingenia magnoperè exacuit, iisdem studiis, quibus contentus vixerat, feli- citer anno Domini **CIC. CI. LVI** immortuus.

CASPARVS CRVCIGER
S. Th. D.



Lipsia dat patriam: cathedralm dat Leucoris alma,
Ac tumulum: nomen crux mibi sancta Dei.

M. D. XLIX.

I ij



33

GASPAR CRVCIGER, GER MANVS, LIPSIENSIS, ECCLESIASTES WITTEBERGENSIS.

GASPARVM Crucigerum res ipsa demonstrauit
fuisse Martino Lutero , in opere domini confici-
endo, adiunctum : trium linguarum egregiè peritum, in-
genio acré, & miræ, vt aiunt, in exscribendis illius enar-
rationibus celeritatis : cuius etiam iudicio Luterus in
Germanica Bibliorum tráslatione fertur plurimùm vti
consueuisse. Fuit præterea physices, tum geometriæ,
tum veræ illius Astronomiæ, atque adeò Medicinæ quo
que mirificè studiosus, adeò vt nisi Theologiæ profes-
sionem cæteris omnibus studiis sapiëtissimè anteposuif-
set, in singulis illis excellere potuisse meritò iudicetur.

*Obiit autem in sua statione Wittebergæ, corporis
viribus tantum ingenii minimè adæquantibus,
florente adhuc ætate, anno vitæ videlicet con-
fecto quadragesimo quinto, anno autem à Chri-
sto nato CIC. IO. XLVII. XVI.
Nouembris.*

IOACHIMVS CAMERARIUS,




L 1

IOACHIMVS CAMERARIVS,
GERMANVS, PABEMBERGENSIS, GRÆ-
CÆ LINGVÆ ET PHILOSOPHIÆ PRO-
FESSOR LIPSIÆ.

Ovo plures eruditos homines Germania nostris
temporib⁹ protulit, cò maior & illustrior est Ioachi-
mi Camerarii gloria, qui honorata familia Pabembergæ
natus, quùm literarum studia cæteris rebus anteposuit-
set, cò prouectus est eruditionis, vt, communis doctorū o-
mniū cōsēsu, peritiorē lingua Græcæ neminē, in latina
verò lingua disertiores per paucos, exactiorē autē nul-
lum scriptorem habuerit Germania, sicut plurima ipsius
monimenta testantur. Ad hanc autem in omnibus bonis
disciplinis eruditionem accesserat pietas singularis, pru-
dentia longo rerum usu confirmata, quum etiam magno
illi Philippo Melanchthoni id ipsum esset quod Atticus
ille Ciceroni, tantum denique iuuādæ rei literariae stu-
dium, vt, spretis dignitatibus omnibus, quas alioqui faci-
lē suis virtutibus consequi potuisset, in nobilissimis Aca-
demiis Wittebergensi, Tubingensi, Heidelbergensi docen-
do consumptis aliquot annis, Lipsiæ tādem positis sedi-
bus, in extrema senecta fortiter idem munus obiens, lu-
gētibus bonis piisque omnibus, & mox sequuturam re-
rum commutationem præsagientibus, in Domino pla-
cidè obdormierit: hoc quoque beneficium à Deo cōse-
quutus, vt doctissimós patrīque simillimos liberos reli-
querit. Nos autē hoc epigramate sumus illū prosequuti.

*Extinctis olim, Musæ, flevisti alunis,
Et vitam vestra restituisti ope.
Nos contrà vobis, Ioachimi in funere, Musæ,
Has miseri extinctis soluimus exequias.
Namque omnes tecum, tecum, Ioachime, Camœna
Ut vixere simul, sic periere simul.*

F. j.




13

MATTHIAS PFARRERVS ET IACOBVS STVRMIUS · ARGENTI- NENSES PATRICII.

Deo illa non Argentinensis tantum reip. verùm etiam totius Germaniæ lumina, Matthiam Pfarrerum & Iacobum Sturmium, absit ut silētio præteream: vtrunque literis politum, ingenio magno, prudentia singulari, pietate eximia, studio in iuuanda patria indefesso. Hi sunt igitur quorum præcipue hortatu Christianismus in vrbe citrā tumultum initio instauratus, & schola illa celebris, adhibito in consilium doctissimo viro Ioanne Sturmio adhuc superstite, fuit constituta: quorum denique consiliis Argentinensis resp. tum domisapien-
tissimè gubernata, tum foris fortissimè citra vim armorū, Iacobi præsertim Sturmii facūdia, defensa, difficilli-
mis asperrimisque temporibus stetit: adeò quidem vt quemadmodum olim Cicero vnius eloquentiæ vi Ligarium Julio Cæsari vel inuito reconciliauit, haud paulò aliter Sturmii Cæsari Carolo armato & victori occurritis eloquētia omnem illius iram infregisse meritò censemur. Itaque Pfarrerum ciuitas minimè ingrata (quod antea nemini concessum fuerat) septies consulem creauit, & quamvis penè octuogenarium mortuum, tamen non secus quām intempestiuè sibi creptū luxit: & Iacobū Sturmium aliquoties eiuitatis magistrum (qui summus est illius reip. magistratus) declaratum, ac licet Pfarrero ætate iuniorem, priorem tamen, anno vita videlicet L X I I , qui fuit annus Domini C I C . I C . L V , mortuum, vt patriæ patrem maximo cum mœrore sepeliuit. Istud tamen in Sturmio fortasse quispiā meritò reprehenderit, quod in perpetuo cœlibatu viuēs, hæredem suorum virtutum patriæ videri possit inuidisse. Sed quid si veritus est vetus illud & quidem re ipsa frequenter approbatum, Heroum filii noxæ?

F. ij.






PETRVS BVFLERVS, GERMANVS, ISNENSIS.

Vero rariores Petri huius Bufler i mercatoris, & quidem locupletis, virtutes fuerunt, eò digniores sunt quarum exemplum omnibus proponatur. Certarunt igitur in hoc homine cum diuitiis, honesta mercatura partis, propagandæ veræ pietatis studium incredibile, charitas vera, liberalitas lögè maxima. Hic enim ille est qui Ambrosio Blaucero, domū suā perducto, Christianismi Isnae instaurandi primus autor fuit: qui, Paulo Fagio suasore, officinam typographicā, accersitis etiā maximo sumptu doctissimis Iudæis, ad hebræos excudendos libros, nulla non modò lucri spe, sed etiam maximo dispédio, Isnae constituit: qui quum ex vicinis oppidis non paucis selectos adolescentes, quorum opera postea Ecclesię vterentur, Argentinam suis stipendiis erudiēdos misisset, Senatum Argétinensem sancta quadam æmulatione ad scholam illam nobilem instruendā erexit: cuius domus, vt Abrahami alterius, pauperibus semper patuit: cuius vxor vt altera Sara neque liberalitate, neque in suscipienda pauperum, præsertim ægrotantium inspectione marito cessit: qui denique in ipsa morte sui similis, bonorum suorum trientem piis viisbus consecravit, hoc etiam à Domino consequutus, vt qui piorū hominum multorum vitam fouerat, diutissimè quoque, annos videlicet LXXVI, viueret, anno demum Domini CIC. LI, anima illi per placidè reddita cuius gloriam omnibus opibus anteposuerat viuus.

F. iii.






47

MATTHIAS ZELLIVS, GER-
MANVS, KEYSSERSPERGENSIS, AR-
GENTINENSIS ECCLESIAE PASTOR.

MATTHIAM quoque Zellium, Dei prouidentia ex
obscurissimis tenebris, Laurentiani videlicet tem-
pli in Argentinensi ciuitate parochum, ad illam admirabilem Euangelii sui lucem euocauit: qui prius An-
tichristianæ doctrinæ in vrbe frequentissima & episco-
po suo addicta, palam, non sine magno vitæ discrimine,
aduersatus, certare prius non destitit quām profligatis pla-
nè superstitionibus, Ecclesia, Bucero & Hedione adiu-
toribus, anno Domini millesimo quingentesimo vice-
simo nono, autore Senatu, constitueretur: homo non do-
ctrina tantum, sed etiam christianis virtutibus, ac præ-
fertim modestia, temperantia, & charitate in pauperes
insignis. Docuit autē in Argentinensi Ecclesia annos vi-
ginti sex, anno vitæ septuagesimo primo placidè mor-
tuus anno Domini **CIO. IO. XLVIII.**

MARTINVS BVCERVS.





de 9

MARTINVS BVCERVVS, GER-
MANVS, SELESTADIENSIS, ECCLESIAE
ARGENTINENSIS PASTOR, ET DE-
MVM IN ACADEMIA CANTABRIGI-
ENSI THEOLOGIAE PROFESSOR.

Bæc illa est Martini Buceri facies grauitatis comi-
tate temperatæ speculum. Cui ex Dominicanorum
cloaca Lutheri voce Wormaciæ coram Cæsare libe-
rè loquentis excito, variisque post insidiis appetito,
ciuitas Argentinensis restitutam apud se Ecclesiam de-
bet: cuius & eruditioñem singularem, & zelum pietatis
eximum cum excellente prudentia coniunctum, omni-
bus seculis testabuntur tum doctissimæ ipsius lucubra-
tiones, & in publicis Imperii comitiis disputationes ha-
bitæ, tum pro Ecclesiarum pace, quamuis non satis fœli-
ci semper successu, labores suscepit. Quæris quam tan-
dem mercedem retulerit: quam nimirum mundus per-
soluere piis Dei seruis confueuit. Illum igitur eadem il-
la tēpestas quæ Germanicas Ecclesias penè pessunde-
dit, in Angliam usque expulit: ubi ab Eduardo sexto
religiosissimo Rege humanissimè except⁹, & in acade-
mia Cantabrigiensi Theologiam summo cum docto-
rum piorumque omnium concursu circiter biennium
professus, quum placida morte pridie cal. Martias anno
Domini 1551, annum ætatis agens sexagesimum pri-
mum obiisset, quinto post anno, euerso post Eduardi
Regis obitum Religionis statu, & impio apostata Regi-
naldo Polo Cardinali, Mariæ Reginæ temporib⁹ omnia
suo vnius nutu administrante, eruto crematóque ipsius

G.j.

in eadem academia cadavere anno domini 1556, die
sexta Febr. martyrii palmam tulit: quarto rursus post
anno admirabili rerum vicissitudine sub Elizabetā re-
gnante, iudicio aduersus innocentem publicē rescisso,
in integrum restitutus. cui sumus versiculis istis gra-
tulati.

Natales, Bucere, tuos Germania iactat,

Natalibus felix tuis.

Quis verò & quantus fueris, tua scripta loquuntur,

Ad littus orbis ultimum.

De vita si quis rogaret, Germania dicet,

Inuita Bucerum expuli.

Ast ego sic pulsum (pia dixerit Anglia) foui,

Tandemque texi mortuum.

Verum mox eadem (factum ô immane) sepulcro

Flammis cremauit eritum.

Fallor ego, totus terræna fecis an expers.,

Bucere sic cælum tenes?




PAVLVS FAGIVS.





PAVLVS FAGIVS, GERMANVS, TABERNENSIS, ECCLESIAE ARGENTINENSIS PASTOR, AC TANDEM IN CANTABRIGIensi ACADEMIA THEOLOGIÆ PROFESSOR.


ABSIT ut mortuos seiungamus quos eadem fides, eadem in vna ciuitate functio, idem exilium, idem denique martyrium coniunxit. Hic igitur ille est Paul^o Fagius apud Tabernas Rhenanas, Palatinatus oppidū, natus: Capitonis (cui postea successit) hebræam linguā Argentinæ profitentis tam diligens, quamuis premēte paupertate, auditor, ut tandem, ipsis quoque testantibus Iudeis, eius linguae peritissim^e euaserit. Isnā enim ad pastoris munus accito, ut olim Origeni Ambrosius quidā, sic Fagio diuinitus contigit Petrus Bucerus, ex ordine illius ciuitatis senatorio, cuius próptissima sanctissimāque liberalitate fretus, illum Iudeorum à multis seculis doctissimum Heliam ad se acciuit, & typographiam instituit hebræis excudendis libris, non illis fabulosis, impiis & ineptis, sed utilibus & ad veram religionem accommodatis destinatā: maxima quoque proculdubio præstiturus, nisi difficultates aliae obstatissent. Tadēm igitur Argentinam euocatum, ibique tum pastoris tum doctoris munus egregiè sustinentem, eadem illa quæ Bucerum hunc quoque tempestas in Angliam expulit: vbi vix salutata Cantabrigia, anno Domini 1555. pridie Idus Novembbris, annum vitæ 45. agens mortuus, eandem quinto post anno cum charissimo collega Bucero martyrii palmam Marianis temporibus tulit, simul postea cum eodem, sub Eduardo rege, ipsius memoria in integrum restituta.





GASPARVS HEDIO, GERMANVS.
ETLINGENSIS, ARGENTINENSIS EC-
CLESIÆ PASTOR.

GASPARVM Hedionem, honesta familia natum, & Basileæ, vixdum renata in Germania Euangelii luce, Matæologiæ doctorem, ac deinceps Moguntinum Ecclesiasten creatu, ademerat nobis tēporū illorum infelicitas, nisi Dominus tum ipsius tum Ecclesiarum suarum missus, illum veritatis luce Illustratum, Argentinā, Matthiæ Zellio & Martino Bucero, tunc primū Argentinæ verum christianismum instaurantibus, adiutorem futurum extrusisset: vbi quum Concionatoris munere totos annos viginti tres, summa cum fide ac diligentia perfunctus esset, editis etiam nonnullis historicis scriptis, anno Domini CIC. IC. LII, XVII. Octobris, magno sui desiderio cunctis reliquo, feliciter in Domino obdormiuit.



WOLFGANGVS FABRICIUS CAPITO, GERMANVS, ARGENTINENSIS ECCLESIAE PASTOR.



WOLFGANGVS FABRICIVS
CAPITO, GERMANVS, ARGENTINEN-
SIS ECCLESIAE PASTOR.

WOLFGANGI Fabricii Capitonis nomen eruditio
singulatis in hebraicis præsertim literis, & eximia
pietas, nunquā interire patientur: quarū testimonia pau
ca quidem, sed luculenta edidit, plura multò habituris
posterioris, nisi quæ verbis docebat, agendo potius quām
scribendo confirmare maluisset: in eo quidē felix, quod
ex hac vita prius euocatus quām Argentinensem Eccle
siam bellorū tempestatibus exitio proximā videret, cha
rissimis collegis Martino Bucero & Paulo Fagio, exilii
in Angliam comes non fuit, sed dux potius in cælum,
anno Domini CIC. XLII, pestis lue sublatuſ, præiuit.

WOLFGANGVS MUSCVLVS.





WOLFGANGVS MVSCVLVS, LOTHARINGVS, DV SANVS, IN EC- CLESIA BERNENSI THEOLOGIÆ PRO FESSOR.

ACTENT alii nobiles natales quos nimiū s̄epe vi-
tiis insignibus contaminant: nobilitatē autem suā
eximiis plurimis virtutibus quod ipsa quoque augusta
facies testari videtur, inchoarit Wolfgangus Musculus:
quem Dusæ, Lotharingicæ ditionis oppido, Alsatiæ pro-
ximo, patre tenuis admodum fortunæ natum, neque
paupertas quominus honestis omnibus studiis incum-
beret, neque monachatus pedicæ (quibus tūc facile fuit
homines, pietatis & honesti otii specie, illaqueare) reti-
nuerunt, quominus agnita veritate, Pauli exemplum se-
quutus, textrinā etiam disceret, qua sese, quietus in do-
mo Dei permanens, nemini grauis, sustentaret. Sed la-
tēre diutius non potuit quem Dominus ad res magnas
gerendas à tam paruis initiis destinarat. Itaque Argen-
tinæ magno illi seruo Dei Martino Bucero pietate do-
ctrināque sua approbata, designatus ab Augustana Ec-
clesia Vrbani Regii doctissimi optimique viri successor,
tantum effecit, ut vrbs illa antea in vtramque partem
claudicás, Euangelicam doctrinā apertè amplecteretur:
& ipse tum concionando, tum sacras literas laboriosissi-
mis commentariis illustrando, tum Græcorum scripta
latinè interpretando, multis dēnique obitis pro tuenda
vera religione in Imperii comitiis legationibus, clarissi-
mū in Ecclesia Dei nomen meritò sit adeptus. Sed quæ


Bucerum & Fagium in Angliam expulerat belli tempes-
tas, Musculum quoque frustra, summo etiam cum vita
discrimine, in confirmandis suis Augustanis omnia ex-
pertum, vrbe exceedere coegerit: que benigne exceptum
inclita Bernensium ciuitas sacros libros maximo cum
ecclesiarum omnium fructu interpretatem totos annos
quatuordecim fouit, donec videlicet annum agens vita
sexagesimum sextum, placida morte, quemadmodum
omnibus utilis, nemini grauis vixerat, III. Cal. Sept. an-
no Domini 1563, ad dominum migraret: hoc etiam à Deo
beneficiū consequutus ut filium Abrahamum Musculū
relinqueret, fidem Ecclesię Bernensis Ecclesiasten, &
in quo renatus meritò videri possit. Nos autem illi sic
parentauimus.

*Magnum dicere musculum pusillum
Quum sit auribus insolens latinis,
Magnum hunc dicere Musculum quod ausim,
Quamuis puluere conditum pusillo,
Si causam rogitas, viator: audi.
Haud quaquam fuit iste mus pusillus,
(Ipsum si libeat vocare murem)
Illarum ex numero famelicarum
Quæ felis rapidos verentur unguies:
Sed qui ipsos potius catos rapaces,
Quantumvis solitos potentiorum
Ipsis cum dominis domos vorare,
Vnius perculit, & suo pauentes
Adhuc nomine territat sepultus.
Immo quem tremuit quoque illa rupis
Tarpeia arcibus incubans leæna,*

Orbis magnanimos vorans monarchas.
Magnum & dicere Musculum pigebit,
Quanvis puluere conditum pusillo?



H. iii.



HERMANNVS WIDENSIS COMES,
COLONIENSIS ARCHIEPI-
SCOPVS, SACRI ROM.
IMPERII SEP-
TEMVIR.



HERMANNVS, WIDENSIS COMES,
COLONIENSIS ARCHIEPISCOPVS,
SACRI ROM. IMPERII SEPTEMVIR.


Si magnis in rebus vel voluisse satis est, quæ tibi laus debetur, Hermanne, qui Septemuirorum Ecclesiasticorum Imperii primus, non oculos modò aperuisti ad exortam Euangeli lucem, sed etiā accitis quoque doctissimis theologis Melanchthon & Bucero, ut omnes tibi attributæ Ecclesiæ lumé istud tecum intuerentur pro viribus efficere studiisti? Sed erant illorum plerique nimirum tanto beneficio indigni. Tu verò haud secus quam olim à Iuda C H R I S T V S à tuo Ioanne Gropperō proditus quum esses, retulit quidem hīc quo que proditor stipendium peccati mortem, Cardinalitii galeri vinculis strangulatus: tu verò non modò conscientiam tuam liberasti, sed teipsum quoque memorabili seculis omnibus exemplo superasti, quum vltro vi maiori cedes, paternis bonis cōtentus, placide Christianéque viuere, quam licet immerito erēptam dignitatē tuorum subditorum sanguine tutari maluisti.

Electus hic Archiepiscopus anno Domini C I O.

*I O. X, Cæsare Carolo vim alioqui illaturo
cessit archiepiscopatu anno Domini C I O. I O.*

*X L U I, placidissima postea morte, Biuerni
sue Widensis ditionis oppido, feliciter mortuus
anno Domini C I O. I O. L II.*

ANDREAS GERARDVS.





ANDREAS GERARDVS, FLANDER,
HYPERIVS, THEOLOGIÆ PROFESSOR
MARPVRGENSIS.


HIc ille est Andreas, Hyperius à patria cognomina-
natus, quem Hyperarū ciuitas non tātūm Ecclesiæ
& academiæ Marpurgensi, in qua theologiam vir citra
controversiam eruditissimus simul & diligentissimus, to-
tos annos viginti duos docuit: sed vniuersæ potius Ec-
clesiæ christianæ genuit, vt pote quam ne mortuus qui-
dem libris, scientissimè solidissimèque scriptis erudire
desinat: plura etiam multò posteris relicturus nisi maio-
rem vtilitatis publicæ, quām valetudinis curam geren-
tem intempestiua mors sustulisset, quem mortuum hoc
carmine sumus prosequuti.

*Non Hyperis dedit hoc, Hyperi, tibi patria quondam,
Quod superis potius ducis cognomen ab oris:
Nec tibi sors olim tribuit temeraria nomen,
Andreae: at ipsa suo ornauit te nomine virtus.
Hoc sancti mores, teneris hoc omnis ab annis
Vita probat, superum curæ celoque sacrata.
Ecquis enim melius, quisnam te fortius uno
Tarpeia aggressus depellere rupe tyrannum?
Certius an quisquam erranti per deuia turbæ
Commonstrauit iter superas quod dicit in artes?*

Maëste igitur vertute, Hyperi, quem nec fera totum
 Mors domuit, totum nec seruant claustra sepulcri,
 Quin superi meliore fouent iam parte receptum,
 Altera dum tumulo quæ nunc pars clausa quiescit,
 Exanimisque licet iam cœli ad lumen anhelat,
 Euigilet fælix: & quod tu diceris, illud
 Enadas, Hyperi, sum re, tum nomine totus.

Obiit Marpurgi ubi annos XXII, & amplius
 theologiæ professus est, anno Domini 1564, Cal.
 Februarii, annum vita agens L III.

67



L. 11.

IOANNES SLEIDANVS

Historicus.



Sleida dedit vitam: turnulum Argentina domumq;
Religio per me Teuton. nota viget.


M. D. LVI.



IOANNES SLEIDANVS , BELGA.

IOANNEM, à patria Sleidanum cognominatū, Lutetiae bonis disciplinis excultum excepit Argentina, vbi quum & eruditionis & prudentiae atque pietatis multiplex specimen indidisset, dignus est habitus cui licet peregrino res longè maximi momenti procurandæ committerentur. Itaque tum in Anglia communis Prætestantium, quos vocant, nomine, legationem obiit, tum etiam interfuit Tridētino conciliabulo ciuitatis Argentinensis legatus: in quo utroque munere, quamuis difficultatum pleno, talem se præstítit, vt magnam ab iis, à quibus missus erat, laudem reportarit. Sed aeternum illi³ laborum testimonium est historia illa de reip. & religione in Germania statu ab initio instaurati à Lutero Christianissimi diligentissimè viginti quinque libris, non hortante modo, sed etiam materiam ei suppeditante clarissimo viro D. Iacobo Sturmio, verissimè simul & elegantissimè perscripta, adiecit etiam de quatuor monarchiis eruditissimo commētario: hanc ipsius gloria, quamvis nō absque insigni Ecclesiæ totiusque Germanici imperii detrimēto, augente eorum culpa, qui, siue negligētia, siue præpostero metu, siue quodd illum æquare se posse desperarant, conticescere, résque tam memorables pati silentio perire, quām opus ab illo cœptum perse qui maluerunt. Obiit autem Sleidanus Argentinæ ex epidemicō morbo, anno ætatis dūtaxat quinquagesimo, qui fuit annus Domini CIC.LVI.


I. iii.





VLRICHVS HVTTENVS , GERMA-
NVS , FRANCO .

VLICHVM Huttenum generis nobilitatem, gen-
tilio cognomēto, & virtute quoque militari te-
statam, animi vigor insignis magis etiam nobilitauit,
quum ad eruditionem non paruam, acumen quoque &
festiuum in primis ingenium ad poetiken natum, (sicut
variis carminibus & aliquot etiam lepidissimis dialogis
declarauit) adiunxit, easque dotes ad veræ pietatis
propugnationē contulisset, acrior tamen, & mordacior,
ut multò solidiorem ac viuaciorem gloriam meritò fue-
rit adepturus, nisi mors illum intempestiuā, annum vi-
delicet x̄tatis tricesimum quintum agentē, priusquam
illa ingenii vehementia maturesceret, è viuis sustu-
lisset.





BEATVS RHENANVS, GERMANVS, SELESTADIENSIS.

BEATVM Rhenanū, quomin⁹ vt nomine ita recipſa quoque penitus beatē vixiſſe arbitremur, illud obſtat quòd veram religionem ſic approbarit, vt illā tamē apertē non ſit profefſus, ſiue iſtud timiditate quadam fecit, homo vſque adeò tranquillioris vitaꝝ appetens, vt in patria nullum publicum munus vñquam ſubire, ac ne vxorem quidem, quanquam vnicus patris hæres, & qui-dem ſatis locuples ducere iuſtinuerit: ſiue quòd ſeſe cuiuſpiam aliquando communi conſenſu conſtituendæ in religione concordiaꝝ ſpe paſcer et: ſiue potius Eraſmi e-xemplum hac etiam in re aliquatenus ſequutus, cui plu- rimum in omnibus tribuebat, & quem Baſileꝝ ſtudioſiſ- ſimè coluerat. Vt cūque ſit, multū illi ſedulo & pereru dito antiquitatum obſeruatori, omnes bonarum litera- rū ſtudioſi debēt, vt qui, & ſi nō omnia ſit aſsequutus, plu- rima tamen acutē ac diligenter animaduerterit, & aditū ad alia cognoscenda multis ante tenebris obſitum ape- ruerit: quod & illi de Germanicis rebus libri, & doctiſli- ma tú Tertulliani, tum etiam Taciti, Plinii, Liuii, Sene- cæ, Paterculi recognitio, abundē demonstrat. Vixit i- gitur in patria cœlēbs inculpatē, gratus omnibus, nemini grauis, ad ſexagesimum vſque ſecundum annum, quo ex balneis rediēs, Argētorati eſt mortuus, anno Domini CIC. IC. XLVII, indeque in patriam, cui inſtructiſſi- mā bibliothecam legarat, deportatus, ibique meritiſ- ſimo & honorificentissimo cum elogio ſepultus.

THE CHIEF WORKS OF

VAN DER AVENNE & VAN DER


AVENNE

1. A HISTORY OF THE DUTCH
REPUBLIC IN THE SEVENTEEN
CENTURIES, IN EIGHT VOLUMES.
2. A HISTORY OF THE DUTCH
REPUBLIC IN THE SEVENTEEN
CENTURIES, IN EIGHT VOLUMES.
3. A HISTORY OF THE DUTCH
REPUBLIC IN THE SEVENTEEN
CENTURIES, IN EIGHT VOLUMES.

4. A HISTORY OF THE DUTCH
REPUBLIC IN THE SEVENTEEN
CENTURIES, IN EIGHT VOLUMES.
5. A HISTORY OF THE DUTCH
REPUBLIC IN THE SEVENTEEN
CENTURIES, IN EIGHT VOLUMES.
6. A HISTORY OF THE DUTCH
REPUBLIC IN THE SEVENTEEN
CENTURIES, IN EIGHT VOLUMES.
7. A HISTORY OF THE DUTCH
REPUBLIC IN THE SEVENTEEN
CENTURIES, IN EIGHT VOLUMES.
8. A HISTORY OF THE DUTCH
REPUBLIC IN THE SEVENTEEN
CENTURIES, IN EIGHT VOLUMES.




SEX GERMANIÆ EXIMII
MARTYRES.





HENRICVS ZUPPHANIENSIS, GER
MANVS.

HENRICVM Zupphaniensem ex academia Wi-
tebergensi, in qua doctis omnibus ac presertim
Philippo Melanchthoni charissimus aliquandiu vixe-
rat, in Dithmarsiam ad cælestem propagandam doctri-
nam anno Domini CIO. IO. XXII. euocatum, & à
Monachis tandem post infinita superata discrimina Al-
torffio expulsum, neque tamen propterea de pristino
zelo quanquam remittentem, exceptit Meldorfum, ubi
Dominicanorum impulsu à tumultuante plebe eodē
momento captus, omni crudelitate excarnificatus, indi-
cāque demum causa vstulatus, sese quasi Germaniæ pri-
mitias, anno Domini CIO. IO. XXIII, consecravit





WOLFGANGVS SCHVCVS,
GERMANVS.


VI V s altero post anno vestigia sequutus Schucus in Lotharingiae oppidulo quod S. Hippolitū vocant, Euangelium constanter tum voce, tum etiam eruditio ad Antonium ducem scripto professus, quum ob eam rem periclitari ciuitatem ipsam vidisset, boni illius pastoris exemplum sequutus, vltro Nanceium ad principem venit, vbi in teterimum carcerem coniectus, indeque crudelissimi Franciscani Monachi Bonauenturæ Renelii conuitis oppressus, & mox ad ignem abreptus, ea constantia pyram accensam Psalmum quinquagesimum primum decantans subiit, vt mortem ipsam lacesere videretur, XIX Augosti, anno Domini CIC. ID. XXV, duobus paulò post ex iudicium numero, à quibus damnatus fuerat, subita morte sublatis.





LEONARDVS CÆSAR, GERMANVS, BAVARVS.

VDVICVM, cognomento Cœsarem, honesta familia ortu in Rabœ, Bauarię oppidulo, liceat nobis Imperatorem etiam nominare, veterum Romanorum more, suos duces rebus egregiis gestis hac acclamatiōne honestantium: ut qui proditoriè visendi moribundi patris obtentu Witteberga accitus, & mox pro heretico damnatus, quo crudelius vitulatus fuit, eo gloriose exitu de morte ipsa, anno Domini **CIC. IC.** XXVII, XVI Aprilis, dignum etiam sua virtute preconem Martinum Luterum nactus, triumphauit.




GEORGIVS CARPENTÈ
RIVS, GERMANVS,
BAVARVS.





GEORGIVS CARPENTERIVS, GER-
MANVS, BAVARVS.

ALTERVM eodem anno vertente, insignis alias Christi athleta Georgius Carpenterius, Monaci, quem est Bauarię metropolis, in eiusdem generis certamine triumphum egit, sed eò celebriorem, quod & in vrbe frequentiore, & in spectatore pugna fides ipsius magis enituit, quum & oblatam si modò veritatem cuo caret vite veniam palam respueret, & aduersariis in ipsa morte fortiter repulsis, hoc verum (diceret) vobis fiduci meę signū esto, quod IESV nomē ad extremū usque hali tum inclamabo, quod & sancte, quamuis veluti repetitis mortibus usculatus, ipsis obstupescientibus carnificibus, re ipsa prestitis.





PETRVS FLISTEDIUS, ET ADOL.
CLAREBACHIVS, GERMANI.

No in sequente, nempe CIC. CI. XXVIII, mui
tis calamitatibus, fame videlicet, eoque morbo
quem Anglicum sudorem vocant, vastatione denique
per Turaas Hungarię illata, insigni, clamantibus ad ra-
uim Coloniensibus Theologis, iram Dei non nisi Lute-
ranorum, quos vocabant, suppliciis expiatum iri, duo i-
sti eruditione, & pietate, aliisque virtutibus insignes
iuuenes, Coloniæ eodem penè momento, ad dicendam
causam & ad supplicium abrepti mutuò sese cohortan-
tes, veritatem beata morte sanxerunt, tam fœcundis ip-
orum cineribus factis, ut malos ipsos consultores siue
mox consilii tum puduisse tum paenituisse constet.



PRÆCIPVI INSTAVRATO-
RES RESTITVTI NOSTRA MEMO-
RIA IN HELVETIA, VICINISQVE RE-
GIONIBVS VERI CHRISTIANISMI.

HVLRICHVS ZVINGLIUS.



5

IOANNES OECOLAMPADIVS.



M.i.



HVLRICHVS ZVINGLIVS, HÉLVETIVS TVGIENSIS, ET IOANNES OECO LAMPADIVS GERMANVS, CHERVCVS, WINSPERGENSIS, ILLE QVIDEM TIGVRINÆ, HIC VERO BASILIENSIS ECCLESIAE PASTOR.

PAR nobile Synaspistarum Hulrichū Zuingliū Tigurinæ & Ioannem Oecolampadiū Basiliensis ecclesiarum nobilissimarum instauratores! utrumque ex Antichristi faucibus omnipotentis Dei manu, ad illum verbi dei gladio iugulandum erutū: quorum secundum Deum excellenti doctrinæ, summæ fidei, laboribus incredibilibus, iniunctæ denique constantiæ, tot ubique animæ, ac præsertim Alpinarum gentium pars longè maxima, assertionem ex antichristi tyranide in christianam libertatem debet: longius etiam multò progressuris, nisi, sic merentibus hominū peccatis, opus Domini à quibusdam (proh dolor) eius ipsius architectis fuisse impeditum. Quos autem CHRISTI fortissimos athletas, mutuas sibi operas tradentes, idem pietatis amor coniunxerat, mors eodem anno superueniens, diuersa tamen, ad exiguum tempus separauit. Bello siquidem ab iis exorto qui fulgorem Euangelii ferre non poterant, Zuinglium in castris ministerio suo fungentem, hostilis manus cæsum cremavit, ut serui sui obitum Deus dupli ci decore coronaret. Quod enim sanctius aut honestius cuiquam mortis genus contigerit, quam si pro patria simul & pro Dei gloria moriatur? Oecolampadiū verò non ita multò post Basilę gregem suū, peste grassante

te vehementer afflictum, tum verbo Dei tum integrimæ vita exemplis consolantem; idem morbus placide in Christo morientem, commilitoni suo rursum in meliore illa vita cælesti adiunxit. O fœlix (iterum inquam) Dei seruorum iugum, si subigi & seri se se ab istis passus esset mundus. Nos autem gratis hominibus succidentes, agendum sic utrique parentemus.

HVL RICHO ZVINGLIO.

Zwinglius arderet gemino quum sanctus amore,

Nempe Dei in primis, deinde etiam patriæ,
Dicitur in solidum se deuouisse duobus,

Nempe Deo in primis, deinde etiam patriæ.
Quam bene persoluit simul istis vota duobus,

Pro patria exanimis, pro pietate cinis!


IOANNI OECOLAMPADIO.

O Ecolampadius, serena nuper
Lampas, æde sacra Dei coruscans,
Qualis limpidiörue, puriorue
Vix ullis micuit lucerna seclis,
En mortis iacet obrutus tenebris.
At vobis male sit, malæ tenebrae,
Lucis munere quæ breui fruentes,
Eheu, nos miseris homunciones
Nocte sic premitis tenebricosa.
Sed bene hoc cecidit, nigræ ô tenebrae,
Quod dum ipsam petitis, malæ, lucernam,

Laterna tamen obriūstis vnam
 Laterna ut lateat quidem hic sepulta,
 Ipsa sed magis emicet lucerna.
 Cæsus est ac mortuus crematus Zwinglius anno

Domini 1531, die Octobris XI, anno vita
 XLVIII. Oecolampadius autem anthrace
 correptus Basileæ obiit eodem anno Cal. De-
 cembbris anno etatis XLIX.

CONNI OECOLAMPADIO



M. iii.



BERTHOL-
DVS HALLERV,
HELVETIVS, ETFRANCI
SCVS KOLBIVS, GERMANVS,
ROETILENSIS, BERNENSIS EC-
CLESIÆ PRIMI, PROFLI-
GATO PAPISMO, IN-
STAVRA-
TORES.





BERTHOLDVS HALLERVS, HEL-
VETIVS, ET FRANCISCVS KOLBIVS,
GERMANVS, ROETILENSIS, BER-
NENSIS ECCLESIAE PRIMI, PROFLIGA
TO PAPISMO, INSTAVRATORES.

VANTVM illustri Bernensium Reipubl. christia-
næ omnes Ecclesix, tantum ipsa Berna duobus i-
stis, omni virtutum genere , ac præsertim pietate præ-
stantissimis viris, restituto , ipsorum potissimum opera,
christianismo debet . Quorum ille postquam Coloniæ
gradum Theologiæ primūm adeptus esset , canonicus
simul ac concionator Bernæ constitutus, veritate paulò
post ex ore simul & scriptis Hulrichi Zuinglii cogni-
ta, tam fortis illius propugnator fuit , vt Ioanne Eckio,
illo Romanensem sophistarum acutissimo , in Baden-
sibus totius Helueticę gentis comitiis , publica disputa-
tione confutato, Berna anno consequente papismum e-
iurarit : hic verò quum illorum temporum infelicitate
abreptus, Basilęa ex S. Martini schola , vbi iuuentutē ali-
quādiu docuerat digressus,& in Suevia, tranquillioris ad
exercēda studia vita studiosus, monasticā vitā esset pro-
fess⁹, deinceps perspecta & ipse veritate, Bernā ob erudi-
tionis & pietatis famā accitus, ac Bertholdo in cōcionā-
di munere cōiunctus fuit. Itaque postea mutuas traden-
tes operas, anno Domini 1527. indicta Magistratum
decreto publica disputatione, papismi defētores ex Dei
verbo reuicerūt, adeò vt communi consensu tū in vrbe,
tū in vniuersa, quæ amplissima est, illius reip. ditione, ve-
ra Euangelii restitutio sit recepta: in quo stadio feliciter

26

vterque tū puræ doctrinæ præceptis,tum integerrimæ
vitæ exemplo cunctis preiens ad obitum vsque perse-
uerauit,Kolbius quidem septuagenarius anno Domini
1535. mortuus:Hallerus autē anno insequente ,imma-
tura planè morte,quum annum vitæ duntaxat quadra-
gesimum quartum ageret ,in Domino piè placidequé
hac vita defunctus.





IACOBVS MEIERVS,
CONSVL BASI-
LIENSIS.





IACOBVS MEIERVS, CONSVL BASILIENSIS.

V. v m plerosque ornare soleat Magistratum dignitas, hic cōtra Tribunatū simul & Consulatum, ad quas suæ illum virtutes in patria extulerunt, maximis difficultimisque gestis rebus, exornauit: bello videlicet, quod rusticorū vocant, summa prudentia cohibito: vera religione, admirabili quadam fœlicitate, in urbem, citra magnas turbas, anno Domini 1529. recepta: acade mia paulatim collabente in integrum restituta, ciuibus denique ad antiquam morum simplicitatem & integritatem ipso quoque habitu testādam reuocatis: qui bus studiis incumbentem & iam annis non minus quam meritis grauem quum pestis, anno Domini 1541, sustulisset, ciuitas illum haud secus quam patriæ parentem luxit, publicoque honestissimo elogio sepultum decorauit.

100

AMBROSIVS. BLAVRERVS.



.ii. V.

AMBROSIUS ET THOMAS BLAV-
RERI, FRATRES, CONSTANTIENSES,
CIVITATIS CONSTANTIENSIS, IL-
LE QVIDEM PASTOR., HIC VERO
CONSVL.

Boc illud est par fratum, quo haud satis scio an
vllum hisce temporibus extiterit plurimis diui-
nis donis cumulatius. Vterque siquidem parentibus ci-
uitatis Constantiensis nobilissimis natus, non modò eru-
ditione, pietate, prudentia, verùm etiam facundia sin-
gulari excelluit: & hic quidem auctoritate ac consilio
patriam, quandiu libera fuit; Consul felicissimè gu-
bernauit. Ambrosius verò quasi diuinitus hoc nomen
sortitus, totusque à teneris annis promouendæ Chri-
sti glorię additus, sicut zelo (vt tempora tunc fere-
bant) prepostero monachatum erat professus, ita, ac etiā
multò ardenter, veritatem agnitam amplexus, christia-
nismum in patria restituit: Bernæ, Vlmæ, Wormaciæ, fi-
dis pastoribus ac doctoribus succenturiatus, veritatis
hostes profligauit: Tubingæ constitutam Ecclesiam ful-
ciuit: Constantia denuo (cuiuscunque tandem culpa
id factum sit) vi maiori cedente, vterque patriæ conspe-
ctu, ceterisque bonis carere, quām tantæ inconstantiae
spectator & particeps esse maluit. Et quidem Thomas
in vicinam Heluetiam sese recipiens, Scipionis illius A-
fricani maioris memoriam renouauit: Ambrosius autem
in incepto persistens, honeste recusato maiorum ecclæ-
siarum onere, Bielis primum, quod oppidulum est Neo-
ćomo proximū & Bernensibus confederatū, ac de-
mum Vitoduri, non procul Tiguro, maxima cum mo-
destiae laude, gratis prædicandi Euangelii munere per-
functus, tandem, quām annum vitæ ageret L X V I I ,
placidissima morte, ingrata patria neutrius ossa seruatu-
ra, beatus ad Dominum emigravit.

N. iii.

102

HENRICVS BVLLINGERVS.





103

HENRICVS BULLINGERVS, BREM- GARTENSIS, HELVETIVS, ECCLESIÆ TIGVRINÆ PASTOR.

¶ ec illa est veneranda Henrici Bullingeri canities, hominis orbe toto christiano, quam plurimis æternum mansuris scriptis, à doctrina, pietate, & mirifico quodam ingenii ac stydi candore celeberrimi: quæ fœlicissimè exantlatos labores, annum quidē vitæ septuagesimum primū, sacri verò publici in ecclesia ministerii quinquagesimum agentem (quorum annorum septem partim in vicis Capellæ cenobio vicinis, partim in patria, reliquos autem quadraginta tres in Ecclesiæ Tigurinæ vna cum doctissimis collegis administratione omni laude maior consumpsit) Dominus quidem ipse tandem, quasi anno iubileo fidissimum sibi seruum manumissum, æternæ libertatis præmio, die Septembribus decima septima, anno partę salutis millesimo quingentesimo septuagesimo quinto donauit: Ecclesiæ verò tum propinquæ tum remotissimæ, veluti communem parentem luxerunt, in quibus & ego quem viuum ut alterum parentem colui, his versibus celebraui mortuum.


*Doctrina si interire, si Pietas mori,
Occidere si Candor potest,
Doctrina, Pietas, Candor, hoc tumulo iacent,
Henrice, tecum condita.
Mori sed absit illa posse dixerim,
Quæ viuere iubent mortuos.*

fob

Immò interire forsitan illa si queant,
Subireque tumuli specum,
Tutu illa doctis, tu piis, tu candidis,
Et non mori certissimis,
Tenaci ab ipsa morte chartis afferas,
Ipsò approbante numine.
Fœdus beatum! mortuum illa te excitant,
Etu mori illa non finis.
A hunc, amici, cur fleamus mortuum,
Qui viuit aliis, & sibi?



O. j.





LEO IVDÆ, HELVETIVS, EC- CLESIÆ TIGVRINÆ PASTOR.

LEONEM, cognominatum Iudæ, concionantem, vt
in Theologiae studio, sic in sacro ministerio ma-
gni illius Zuinglii socium audiit, & meritò adamauit
Ecclesia Tigurina: cuius ea fuit in audiendo collega-
tum diligentia tum modestia, vt non pœnitēdam illius
scriptorum partem summa fide ex ore ipsius exceptam
ei debeanius. Sed præcipuum ipsius eruditioñis testi-
monium, nec vñquam interiturū, illa est duplex Biblio-
rum versio, vna veteris Testamēti latina, in qua certan-
tem cum styli simplicitate sermonis elegantiam nō im-
meritò admiratus est vsque adeo Vatablus, Christiano-
rum seculi nostri hebræorum doctissimus habitus, vt eo
minimè inuito Lutetię quoque, paucis immutatis, à Ro-
berto Stephano sit excusa: altera verò integrorum Bi-
bliorum Germanica, quæ summæ quoque fidei à doctis-
simis viris habetur. Hæc igitur Leonis studia, hi labores
fuere, ad annum vsque Domini 1544, quo iam ingre-
sus senectutis limen in æternam quietem, præclara sui
memoria relicta, demigravit.

SIMON GRYNÆVS.





SIMON GRYNÆVS, GERMANVS,
GRÆCARVM LITERARVM ET
THEOLOGIÆ IN ACADEMIA BASI-
LIENSI PROFESSOR.

BEATAM Basileá, loci amœnitate & vrbis ampli
tudine, sed multò magis bonarum literarum sede,
tantoque præstantissimorum virorum paucis annis nu-
mero, quantus vel in ullo maximo terratū orbis regno
exitit: Typographis quoque artis suæ emulatione cum
illorum ingenii fœcunditate certantibus, & tū his tum
illis vrbem nobilitatibus! Sed qualis ille Solis radiantis
splendor cæterorum syderum lumen obscurat, talis in-
ter cæteros exitit Simon ille Grynæus, in quo modestia
singularis cum disciplinarum omniū exæcta cognitio-
ne, amabilissimi mores cum grauitate, cum pietate de-
nique zelus certauit: sibi ipſi quidē satis longæuus, licet
vigente adhuc ætate mortuus, anno Domini 1541, vt
pote cui nihil amplius quod disceret superesse videre-
tur: cæteris verò intempestiuè nimium eruptus, quos
nimirum, quò plura didiscerat, eò docere plura, vir iu-
uandis aliorum studiis natus, potuisset. Nos autem illi
hoc epicædion cecinimus.

Te quicunque, Simon Crynæe, aspexit, amauit.

Splenduit in vultu gratia tanto tuo.

Te quicunque, Simon Grinæe, audiuit, amauit,

Facundo fluxit tantus ab ore lepos.

Anplius at cur non audire & cernere fas est?

Scilicet hoc fari vis inopina vetat.

Imo fallor ego: nam sint paucissima quanuis


Ingenii nobis scripta relicta tui,


Te spectamus adhuc, te nos miramur in illis,

Aeternoque manes dignus amore Simon.

Obiit Basileæ ex peste anno Domini 1541,

anno etatis XLVIII, Cal. Augusti.







CONRADVS PELLICANVS , GER-
MANVS , RVBEAQVENSIS , SACRARVM
LITERARVM IN ECCLESIA TIGVRI-
NA PROFESSOR.

CONRADVM quoque Pelicanū nobis Frāciscano-
rum cloaca Basiliensis absorbserat , quum illū Dei
manus erutum,in eadem vrbe Basiliensi primū , ac
deinceps Tiguri,singulare decus illius scholæ futurum
sibi consecrauit : Hebraicarū præsertim literarum , sicut
præclara ipsius in vniuersum sacrarum literarum cor-
pus scripta testātur , vsque adeò peritum , vt ex ipsis quo-
que Iudæorum Rabinis pauci cum eo conferri posse vi-
deantur . Ad hanc autem eruditionem accessit maxima
vitæ integritas , summāque modestia , in qua ad extre-
mam vsque senectam perseuerás , nemini grauis , omni-
bus gratus , ex hac vita Tiguri , anno Domini **CIC. CI.**
LV , feliciter migravit .

PETRVS MARTYR.





PETRVS MARTYR. FLORENTINVS, IN ECCLESIA TIGVRINA THEO LOGIAE PROFOSSOR..

PETRVM Martyrem honesta & locuplete Verimis
liorum familia Florentiae natum, & è Sauonarola
veluti cineribus prodeūtem phœnicem, operæ pretium
est intelligere quibus anfractibus circuactu Deus Opti
mus Maximus in Ecclesiâ suam perduxerit, & perductum
seruauerit. Quis igitur eredat per ipsos inferos viam in
cælum patere? at qui res ita se habet, quoties ita illi vi
sum est qui lucem ex ipsis tenebris eruit. Martyr igitur
noster ab ipsa penè pueritia studio bonarum literarum
ac pietatis in primis inflammatus, quum sese monaste
rio Fesulano, Florentiae proximo, vbi qui sese regulares
sancti Augustini canonicos vocant, cæteris monachis
seueriore disciplina vti, & diligentius etiam studia lite
rarum excolere videbantur, anno ætatis decimosexto
adiunxi set, ita porrò sese inter monachos illos gessit, vt
nulla occasione prætermissa, Patauii græcæ linguæ to
tiusque philosophiæ cognitionem, Bononiae verò he
braicarum literarum exactam notitiam adeptus, habi
tisque in præcipuis totius Italiae urbibus concionibus sa
cris, omnium illius ordinis sodalium princeps esset & ha
beretur, maxima quidem cum eorum monachorum in
uidia, quorum ipse mores non modò non ferebat, sed
etiam quibuscumque poterat modis castigabat. Et hæc
quidem illius ad pietatem, velut in mediis inferis medi
tandam progymnasmata fuerunt, donec Neapolii Ioâne
Valdesio Hispano illi occurrente, sic inter illos deputio
ris religionis capitibus conueniret, vt Ecclesiæ quoque
Christianæ cœtum aliquem cogeret, primæ etiam nobis

litatis tum viris tum fœminis frequentatum. Id verò
 quū neque Satā neque eius emissarii ferre possent, accu-
 satus Romæ Martyr, sed mirabiliter amicorum opera
 quos in vrbe plurimos potētissimos habuit, seruatus, &
 Lucam in eiusdē ordinis collegium, summa cum digni-
 tate translatus, vsque ad eò constanter in incēpto cursu
 perseuerauit, vt instituta in ipso monasterio, in quo Pau-
 li Epistolas interpretabatur, trium linguarum profes-
 sione, hebrēam quidem Emanuele Tremellio, generē
 hebrēo, sed religione christiano, grēcam verò Celso, ex
 illustri comitum Martinenghorum familia, latinam de-
 nique Paulo Lacisio Veronensi profitente, prima in ea ci-
 uitate instaurandi christianismi fundamenta iecerit:
 mox scilicet Romæ vſtulandus, nisi amicorum suasu, in-
 gratę Italę valedicens, Tigurum primūm, indè Basileā,
 Argétinā denique procurante Martino Bucerovocatus,
 venisset. Discedenti comes adhæsit Bernardinus ille O-
 chinus, maximi prius in Italia nominis monachus, & Ca-
 pucinorum (quos vocant) ordinis auctor, idémque, quod
 multis demum post annis patefecit, sceleratus hypocri-
 ta. Sed huius longè dissimiles fuerunt qui Martyris exē-
 plum ex eiusdē ordinis monasterio sequuti sunt, Paulus
 Lacisius Argentinæ postea grēcas literas ad mortē vsque
 professus: Celsus Martinengus Italic Genevensis ec-
 clesię pastor, ibidem mortuus: Hieronymus Zanchus, &
 Emanuel Tremellius, vterque, quum hęc scriberem ad-
 huc Dei benignitate superstites: & ille quidem tum in
 Germanicis ecclesiis Argentinensi & Heidelbergensi,
 tum in Rhetia, ac nunc demum in Neostadiana scho-
 la clarissimum eruditionis ac pietatis nomen adeptus:
 hic verò suo merito hebræorum etatis nostrę doctissi-
 mus habitus. Ceterūm vt ad Martyrem redeam, quę bel-
 lorū tempestas Bucerum & Fagium, eadem quoque
 Martyrem Argentina in Angliam ab Eduardo sexto
 Rege euocatum transtulit: vbi qualem & quantum se-
 se in Oxoniensi Academia prēstiterit; doctissima ipsius

119

scripta, ac præsertim disputatio de Cœna Domini, testi-
flicantur. Marianis autem mox sequutis temporibus, sæ-
uissimæ illi carnificinæ diuinitus rursum eceptus Mar-
týr, quum Argentinæ in pristinum locum esset restitu-
tus, Tigurum tandem, ecclesiæ rogatu, theologiam pro-
fessurus transiit, ubi quum ad quinquennium, maxima
cum omnium attentione & admiratione, sacras literas
esset interpretatus, flagitante Catharina Medicæ Flo-
rentina, Caroli Francorum Regis pupilli matre, Regnique
Gallici gubernatrici, & Nauarrotum Regis ac pia-
rum infinitorum hominum rogatu, ut conuentui qui
religionis constituendæ causa Pissiaci, oppido Lutetiæ
vicino, indictus fuerat, interesse vellet, in Galliam usque
venit: & veritatis causa, quamuis non eo prorsus quem
omnes boni optabant successu, fortissimè tamen nec in-
feliciter etiam defensa, quum Tigurum ad stationem
suam rediisset alter sp̄st anno, qui fuit à nato C H R I-
S T O 1562, pridiè Idus Nouembri, annū ipse ætatis
agens 63, placidissima beatissimaque morte, in Bullingeri
& aliorum amicorum veluti sinu obdormiuit: te-
stes maximorum & sanctissimorum suorum laborum,
non modò plurimos nunquam abolendos libros, sed i-
psam quoque Italiam, vniuersam Germaniam, Angliam,
Heluetiam, Galliam denique relinquens: quem nos su-
mus hoc carmine prosequuti.

Tuscia te pepulit, Germania & Anglia souit,
Marryr, quem extinctum, nunc tegit Heluetia.
Dicere quæ si vera volent, te & nomine dicent,
Hic fidus Christi (credite) ^{M&P&TVP} erat.
Utque istæ taceant, satis hoc tua scripta loquuntur;
Plus satis hoc Italos exprobrat exilium.

P. iii.

IOSIAS SIMLERVS.





119

IOSIAS SIMLERVS, HELVE- TIVS, CAPELLENSIS, IN ECCLESIA TI- GVRINA THEOLOGIÆ PROFESSOR.

IOSIA M Simlerū, Petri Martyris in theologiæ pro-
fessione in ecclesia Tigurina successorē, quis nō mi-
retur paucis annis, & quidē sœuissimis duobus morbis,
calculo videlicet ac podagra, confitantem, id esse con-
sequutum, quod paucissimis hominibus vita longior &
asfidua diligentia contulit? Quis enim in mathemati-
cis disciplinis, & quidem *αὐτοδίδακτος*, extiterit, non
modò qui docentē illum audiuerunt, sed etiam & li-
bri & instrumenta nobilissima ab ipso excoigitata testi-
fificantur. Quantus autē in historia fuerit, ostendunt scri-
pta, præsertim quibus patriā immortalitati consecrauit.
Quād denique in Theologicis excelluerit (quæ fuit ipsi⁹
propria professio) quantique in scribendo tum acumi-
nis, tum iudicii, veterum quoque Theologorū lectione
cōfirmati, satis supérque demōstrant Samosateniani, Ar-
riani, Nestoriani, Eutychiani, Macedoniani, Tritheitæ
denique nostris temporibus rursum ab inferis excitati,
& diuini verbi gladio fortissimè Simleri manibus vibra-
to iugulati. Quid non igitur ab hoc ingenio potuit expe-
ctari, si paulo firmius corporis domiciliū habuisset, & ni-
si mors illum immatura planè sustulisset? annum siqui-
dem agens duntaxat quadragesimum quintum, die se-
cunda Iulii, anno Domini 1576, nobis est erexitus, me
quidem immaturum illius obitum sic deplorante.

Simlere, mi Simlere, quo superftite

Tot mortui reuixerant,

Quos ira nobis numinis, tam pauculis

Ademit annis plurimos.

IT SIMLERE, QUEM TREMUUIT RENATUS ARKUS

Tremuuit renatus Eutyches,

Vastator ille Poloniae, hic Germaniae,

Læsi flagella numinis.

Heu subita es immatura te mors auferens

Quam multa tecum sustulit.

Lamenta amicis quanta, quot iustissimos

Secum dolores attulit!

Quos inter, ecce Beza quondam haud ultimus,

His irrigat te lacrymis:

Beza repetito vulnero isto saucius,

Communis ad tumulum patris.

LOGCHIWAZ LADY



Q.J.

IOACHIMVS VADIANVS.





IOACHIMVS VADIANVS, HEL-
VETIVS, SANGALLENSIS, EIVSDEM
CIVITATIS CONSVL.

IOACHIMVM Vadianum Sangallensem, Poëtam
excellentem, Mathematicum ac præsertim Geo-
graphum exactissimum, quod ipsius in Pomponiū Me-
lam commentarii & trium orbis partium epitome de-
monstrant, insignem denique medicum, adde etiam ea
tum prudentia tum integritate vité præditum, ut ei pa-
tria summum magistratum vltro detulerit, omnes sibi
disciplinæ certatim vendicant. Sed illum sibi Théolo-
gia optimo præ ceteris iure sibi asserit, ut qui tū in Cœ-
næ Domini controuersiis explicandis, tum in fanaticis
Schuuenfeldii deliriis refutandis, quibus Eutychetis &
Enthusiastarum errores renouauit, diligentissimam si-
mul & utilissimam operam nauauerit: quarum omniū
virtutum gloria fruens, iam senex, placidissima felicis-
simaque morte, beatam sui memoriam reliquens, è vi-
nis excessit.

Q. ii.



PETRVS CHOLINVS, HELVETIVS,
TVGIENSIS, BONARVM LITE-
RARVM IN TIGVRINA
ECCLESIA PRO-
FESSOR.





125

P E T R U S C H O L I N V S , H E L V E
T I V S , T V G I E N S I S , B O N A R V M L I T E R A
R V M I N T I G V R I N A E C C L E S I A P R O-
F E S S O R .

Bsīt , vt te indictum prēteream , Choline , non tā
quōd priuato beneficio longē maximo tibi sum-
obstrictus , quē totos annos quatuor sub Meliore Volma-
rio præceptorem fidelissimum ac doctissimum habui :
quām quōd tua summa tum doctrina tum pietas memo-
riam merentur sempiternam . Paucos enim etatem no-
stram habuisse tecum in trium linguarum ac grece præ-
sertim , cognitione conferendos , Gulielmum ipsum Bu-
dæum non semel Lutetię , quum ad illum ventitares , te-
statum fuisse cōstat , Gallicę quoque linguaę , quāmuis ti
bi peregrinę , vsque adeò peritum , vt absolutissimam etiā
eius grammaticen conscripseris . Sed illud inter cætera
palmarium in te fuit , quōd ambitiosę vitę fugitans , ad
docendam iuuentutem , ac præsertim ad amplificanda
sacra studia , libros , quos apocryphos appellant , è grēco
sermone in latinum summatū fide tum eruditione in-
terpretatus , contuleris : longē plura & maiora procul
dubio nobis prēstiturus , nisi te intempestiuā mors ad-
huc etate firma , anno Domini 1542 , nobis eripuisset .

SEBASTIANVS MVNSTERV.





137

SEBASTIANVS MUNSTERVS,
GERMANVS, INGELHEIMEIENSIS, IN
ACADEMIA BASILIENSI THEOLO-
GIÆ PROFESSOR.

Non aliud Basiliensis Academiæ, suique adeò seculi decus, Sebastianum Munsterum, admirabili quoque Dei prouidentia, ex Franciscano Christianum factū, hebrœ & chaldaicę linguę accurata cognitione, plurimisque tum in sacras literas, tum in varias Matheſeos partes editis scriptis, ac præsertim laboriosissimo illo volumine nobilem, quo duce, peregrinari terrarum orbem, domi etiam manendo, licet. Sit igitur perehnis illius viri memoria qui tot regionum, ciuitatum, famularum, virorum denique nominibus, immortalitatem pro virili conciliauit.

*Obiit ex peste anno Domini 1552, annum vi-
tae agens LXXXII.*

CONRADVS GESNERVS.





CONRADVS GESNERVS, TI- GVRINVS, IN ACADEMIA TIGVRINA PHILOSOPHIÆ PROFESSOR.

CONRADVM Gesnerum, Tiguri honestis quidé, sed tenuis fortunę parentibus natum, inter ètatis nostræ clarissimos homines sua tum pietas tum cruditio, probitas denique singularis meritò collocarunt, vt plurimarum linguarum, ita omnium physices partiū, & intimorū naturę arcanorum usque adèd peritum, tamque diligentem ac laboriosum scriptorem, vt si stylum excolere quam simpliciter ex aliis optima fide collecta pleraque proponere maluisset, neque mors illum immatura sustulisset, ætas hęc nostra in unico Gesnero tum Varronē alterum, tu Plinium quoque renatum fuerit habitura: cuius ut amicissimi & sub Meliore Volmario communi præceptore Biturigibus suauissimi cora discipuli obitum istis *in quinque* versiculis celebraui.

*Te cælo mutante solum, Gesnere, volucres
Quæcunque pennis aëra permeant,
Repleuere modis omnia tristibus,
Migrantem amicum, extrema supra sidera,
Omnes eum sonitu graui insequutæ.*

*Te cælo mutante solum, Gesnere, feroce,
Gemuere in antris belluæ,
Et stabulis pecudes relictis.
Sibilis colubrite feri gemunt lugubribus,*

R. i.

130

*Imisque quotquot sub caueris
Occulta terrarum colunt:
Et flaccidum plantæ virentes,
Et pallidum flores nitentes,
Et marcidum arbores comantes.*

*Regna te per humida,
Et belluosus quâ ferit undique
Reboantia littora pontus,
Planctu sonoro deflet Amphitrite,
Et liquidis sub aquis pisces natantes mutitant.*

*Natura te omnis denique ut fidum suorum antistitem
Plorat sacrorum, mura
Futura deinceps, ni loquaris mortuus.
Haec inter tibi turbatus, Cesnere, parentat
Beza tuus, vati vates, & amicus amico,
His incompositis innumeris numeris.*

*Obiit anno Domini millesimo quingentesimo sexagesimo quinto, die decimatertia Decembris,
anno vitæ quadragesimo nono.*

R. ij.

132
IOANNES CALVINVS.





IOANNES CALVINVS, PICARDVS, NOVIODVNENSIS, ECCLESIAE GENEVENSIS PASTOR.

ESTIMONIVM filii pro parente quum carere vix suspicione possit, res ipsæ, Caluine, testificantur selectissimum fuisse te Dei Optimi Maximi organum, cuius ministerio perficeretur vera religionis instauratio, aliquot ante annis ab aliis feliciter inchoata. Nam tu is es cuius præcipue doctrinæ, diligentia, & indefatigabilitate Gallia quidem & Scotia restitutum apud se CHRISTI regnum meritò acceptum ferut: aliae vero per orbem terrarum innumerabiles ecclesiæ plurimum se debere profitentur. Testes harum rerum sunt, partim nunquam interitura monumenta quibus nihil in sacris explicandis, neque iudiciosius, neque enucleatus, neque magnificientius, à quoquam verbi diuini interprete adhuc scriptum fuisse vere pii doctique omnes agnoscunt: partim furiosorum matæologorum rabies in te unum precepit, tum viuum tum mortuum accessa. At tu interea Caluine fruere apud CHRISTVM fidem serui premis: vos autem ecclesiæ Christianæ (crepante inuidia) Caluino quoque mortuo vos docente, pergitte erudiri. Vos denique Sophistæ, exitio deuotum sceleratorum hominum genus, sanctissimo doctissimo que theologo magis ac magis oblatrantes, vestram tum stultitiam deridendam, tum improbitatem abominandam patefacite, tantisper dum iustus ille iudex suu cuique redditurus adueniat. Obiit autem Genevæ Caluinus ex phtisi vigiliis & ieuniis immodicis contracta, quum illam ecclesiam, infinitis cum difficultatibus stabilitam, totos viginti tres annos conti-

R. iij.

nuos vñà cum doctissimis suis collegis felicissimè gubernasset, anno Domini millesimo quingentesimo sexagesimo quarto, die Maii vicesima septima, annum agens vi
tæ quinquagesimum quartum: quem mortuum, & sicuti iussérat, nullo sepulcri apparatu elatum, non modò ciuitas Geneuensis vniuersa, sed etiam pii per orbem terrarum plurimi ceu parentem luxerunt. Inter quos & ego sic illum mœstissimus hoc carmine *enipuisit* deploraui,

*Romæ ruentis terror ille maximus,
Quem mortuum lugent boni, horrefcunt mali,
Ipsa à quo potuit virtutem discere virtus,
Cur adeò exiguo ignotoque in cespite clausus
Caluinus lateat, rogas?
Caluinum aßiduè comitata modestia vivum,
Hoctumulo manibus condidit ipsa suis.
O te beatum cespitem tanto hospite!
O cui inuidere cuncta possint marmora!*

139



GVILLELMVS FARELLVS.





GVILLELMVS FARELLVS, DELPHINAS, GAPPENSIS, NEOCOMENSIS ECCLESIÆ PASTOR.

GVILLELMVM Farellum Delphinatem,nobili familia ortum , & descendis bonis artibus Lutetiae, hortatu Iacobi Fabri Stapulensis,cuius supra meminimus, sese in Cardinalis gymnasio(quod vocant) exercentem persequutio aduersus Meldenses exorta , & pietatis propagandæ studium in Heluetiam pertraxere , vbi amicitia cum doctissimis Helueticarum ecclesiarum,tunc instaurari cœptarum,pastoribus , Bertholdo Hallero Bernensi,Vlricho Zuinglio Tigurino,Ioanne Oecolapadio Basiliensi,inita, mox sese ex illorū cōsilio,propagando Euāgelio in vicino Gallici idiomatis regionū tractu dedidit,tanta quidem animi contentione,tantōque ardore,vt illum diuinitus ad hoc munus accitum res ipsa demonstraret . Hic enim ille est qui nullis difficultatibus fract⁹, nullis minis, cōuitiis,verberibus denique inflictis territus , Möbelgardenses,Neocomenses,Lausanenses,Aquileienses,Geneuenses denique Christo lucrificit.Fuit enim in hoc homine præter pietatem , doctrinam,vitæ innocentiam,eximiāmque modestiam ,singularis quædam animi præsentia ,ingenium acre,sermo vehementiæ plenus,vt tonare potius quam loqui videretur : ardorque denique tantus in precando ,vt audientes quasi in cælum usque subueheret . His illum virtutibus in ecclæsia Neocomensi florentem,& ne in senectute quidem de pristina diligētia quidquam remittente,Dominus ad se tandem placida morte,annum vitæ agentem septuagesimū sextū euocauit,anno partæ salutis 1565 , X III . Septembris , quum charissimo suo Caluino annum unum menses tres & dies quatuordecim superuixisset.

S. j.

165
PETRVS VIRETUS.





PETRVS VIRETUS, SABA
DVS, ORBENSIS, ECCLESIAE LAVSA
NENSIS PASTOR.

PETRVS Viretus, Orbæ natus ditionis Bernensis oppidulo Burgundis proximo, fuit & ipse consti-
tuendis in toto illo tractu ecclesiis, Farelli videlicet in-
diuiduus comes, quæ etiam Lutetia cognouerat, à Deo
excitatus: homo & eruditione præstans, moribus suauif-
simis prædictus, & oris facundia præcipuè excellens, ut
meritò nonnulli Caluinum, Farellum, & Viretum, ut ci-
iusdem muneric functione, sic etiam animis coniunctif-
simos, lectissimam quâdam præstantissimorum pastorū
triadem vocarint, eruditionis quidem penes Caluinum,
vehementiæ verò penes Farellum, facundia denique
laude penes Viretum manente. Quod ego versiculis i-
stis aliquando cecini.

*Gallica mirata est Caluinum Ecclesia nuper,
Quo nemo docuit doctius.
Est quoque te nuper mirata Farelle tonantem,
Quo nemo tonuit fortius.
Et miratur adhuc fundentem mella Viretum,
Quo nemo fatur dulcius.
Scilicet aut tribus his seruabere testibus olim,
Aut interibis Gallia.*

F V I T autem Viretus imbecilli per se corpusculo,
quod naturæ vitium vehementer auxerunt, partim ve-
S. ij.

nenum ipsi à Geneuenis cuiusdam canonici seruo propinatum, partim vulnera in agro Paterniacensi à sacrificulo ipsum per insidias inuadente inficta, vsque adeq grauia vt iacentem pro mortuo relinqueret. Liberatus autem à totidem mortibus, quum multos annos docens ac scribens in ecclesia Laufanensi maxima cum laude consumpsisset, ac deinceps Lugdunum, Gallicarum ecclesiarum precibus accitus, durissimis ciuilis belli tempestatibus & sequissimæ mox consequutæ pestis temporibus Lugdunensem ecclesiam vnà cum suis collegis sapientissimè gubernasset: tandem cogente Iesuitarum factione, primum quidem in Occitaniam, deinde verò pientissimæ Nauarrorum Reginæ Ioannæ rogatu in proximos Pyreneos saltus profectus, ibi tandem magno cù bonorū omnium luctu, anno Domini **CIC. IC. LXXI.** ex hac vita in alteram illam meliorem sexagenarius emigravit.

THE
LAWSON
COUNSEL
AND
ATTORNEY
GENERAL
OF
CALIFORNIA



IOANNES FROBENIUS, GERMA-
NVS, HAMELBVRGENSIS, NO-
BILIS TYPOGRAPHVS
BASILIENSIS.





IOANNES FROBENIVS, GER-
MANVS, HAMELBVRGENSIS, NOBILIS
TYPOGRAPHVS BASILIENSIS.

JOANNEM Frobenium, cuius diligentiae, fidei, industria, tot optimos trium linguarum scriptores magnificientissime simul & emendatissime excusos, ac velut è tenebris in lucē reuocatos legimus, ecquis tandem sua laude fraudari sustineat? Viat igitur æternūm, inuita morte, quæ repentina paralysi correptū anno Domini millesimo quingentesimo vicesimo septimo sustulit è viuis, eius hominis memoria, qui tot præclaris tantorum virorum monumentis quandam immortalitatis speciem conciliauit, & in auitas virtutes utinam ipsius posteri perpetua serie succedant.

145

ILLVSTRES GALLI QVORVM
ALII BONAS LITERAS, ALII PRÆTE-
REA VERVM CHRISTIANISMVM IN
GALLIIS INSTAVRARVNT.

T. j.

FRANCISCVS I. FRANCORVM REX.





FRANCISCVS, EIVS NOMI- NIS PRIMVS, FRANCORVM REX.

NEQUE te, Rex potentissime, pudeat (quod tamen
absque villa fastigii regii deminutione fiat) in hu-
ius sacrarii vestibulo, nec longius progressum, consiste-
re, iis alioqui solis dicati quibus es tantopere viuus ad-
uersatus: neque tu (religiosior spectator quisquis ades)
ad huius licet aduersarii cōspectum cohørresce. Debe-
ri sancte videtur aliqua huius decoris pars ei qui tres lin-
guas bonaque disciplinas, quasi atricenses huius ædis fu-
turas, expulsa barbarie, suo loco restituit: cuius etiam
virtutia fecerunt subsequitorum temporum mores, ut pe-
nè virtutes videri possint.

148
MARGARETA VALESIA.





1649

MARGARETA VALESIA, FRANCISCI REGIS SOROR, EADEMQUE NAVARRÆ REGINA.

FRANCISCO Regi fratri Margaretam sororem adiungere fas esto, dignam licet quæ vel in ipsius sacrarii penetrali collocetur: fœminam ut ingenii elegancia & acumine fratri parem, sic pietatis cognitione & iuuandæ Christi Ecclesiæ Zelo, quo fratri iras pro viribus temperauit, & cui conseruatos plurimos optimos viros debemus, laude dignam sempiternam: quanuis ipsius gloria nonnullam in ultima tandem ipsius ætate credulitas labem asperserit.

150

GVLIELMVS BVDÆVS.





GVLIELMVS BVDÆVS, GAL-
LVS, PARISIENSIS, SVPPPLICVM LIBEL-
LORVM MAGISTER.

D E S T O in hoc vestibulo doctissime Gulielme Budæ, quasi tuo regi apparitor, quādoquidē illius quidē auctoritati tuis cōsiliis excitatae, tuxē verō eruditio-
ni restitutā Græcæ linguae cognitionē debere se Gal-
lia & omnes eius alumni profitentur: plenissimam certè
laudem consequiture, si ad incomparabilem illam e-
ruditionem & inculpatam alioqui vitam, veræ quoque
religionis cognitionem maiorem adiunxisses! Luxerūt
te verō & xternūm lugebunt ut alterum parentem Græ-
cæ Musæ Helicone exulantes, & tuis auspiciis Lutetia
receptæ, ex quibus olim hos quoque versiculos exce-
pisse me memini.

Οἵτις Βυδαῖον γλώσσον ὄνομά σου τὸ Φοῖβον
Αὐμοτέρας, ὅφθες Φοῖβον ἔειπε μάλα.
Αἴγιαδ' ἐκ ἔιπεν. μείζων γάρ κ' οὐδίοιο,
Οὐδὲ θητοῖσι φάθε καὶ καταδύε παρέχει.

Obiit anno Domini 1540, XXII Augusti.
annos natus 73.

FRANCISCVS VATABLVS.





FRANCISCVS VATABLVS,
GALLVS, EX PICARDIÆ PROVINCIA.

AT te, Vatable, quem Hebræa docentem Hebrei quidē sunt ipsi admirati, Christiani verò plurimi maximo cū fructu audierunt, quo tandem loco habebimus, qui quod aliis sacras literas interpretando imperiebas; usque adeò neglexeris, ut etiam eiuraris? Age tamen, summa eruditio, diligentiaque tua, locum tibi quoque in huius sacrarii vestibulo compararint, quamuis quòd alios introduxisti, nūquam ipse yideri possis ingressus.

IACOBVS TVSSANVS.





IACOBVS TUVSSANVS, GRÆ-
CARVM LITERARVM IN ACADEMIA
PARISIENSI REGIVS PROFESSOR.

Acobo Tussano singulari trium maximarum in docendo virtutum exemplo, summæ videlicet in docendis græcis literis fidei, perpetuæ diligentia, inculpatæ & ab omni ambitione remotæ vitæ, perenne istud monumentum mœrēs Gallia, nullum adhuc multis post annis parem doctorem nacta, consecravit.

MICHAEL HOSPITALIVS.





MICHAEL HOSPITALIVS, AR- VERNVS, GALLIÆ CANCELLARIVS.

IC ille est Michael Xenius, siue Hospitalius, quem
admirabilis simul & peramabilis eruditio, mu-
sis etiam omnibus illi tanquam alteri Apollini suo
fauentibus, ingenitam grauitatem suauissima qua-
dam moderatione temperans, per omnes honorum
gradus, velut antiquis moribus, quamuis corruptissi-
mo seculo, in summum togatae militiae gradum (vel
ipsa fauente inuidia) prouexit: & aliquantò post, asperri-
mis Gallorum ciuiliū bellorum tempestatibus, scelerá-
torum quorundam factione, à Reipubl. Gallicæ gubern-
aculis semotū fuisse maximo suo malo sensit. Gallia tamen
démque morte sublatum & virtus sua, & successor
prorsus dispar summè desiderabilem effecerunt. Huic
tamen ad iustum laudis cunilum id videtur defuisse,
quod partim ne sibi ad pios iuuandos aditum præstruc-
ret si verā religionem apertè profiteretur, partim vana
quadā expectatione delusus, eo luto ex quo erutos om-
nes optabat, penitus extricare scese quū diu neglexisset,
postea volēs id præstare nō potuit. Sed ecquis illius me-
moriā non celebrarit, qui, vt aliis consulceret, seipsum
tamdiu penè neglexit? Addatur autē hoc quoque fatali
cuidam ipsius decori, quod, vt ex antiquissimo numis-
mate apparuit, summū illum omnium Philosophorum
principem Aristotelem sic ore toto retulit, vt alterius
ex altero imago expressa videri posset: sorte tamen in
eo dispari, quod (vt de pietate taceam) quæ deambulans
Aristoteles in umbra porticus disseruit, Hospitalius no-

468

ster reipsa exercuit. Sic itaque nos illius aliquando cum
Aristotelea comparatam imaginem descripsimus.


Talis Aristoteles oculos atque ora ferebas,
Sculptoris docta nunc reduuiue manu.
Pars autem illa tui melior, melioribus olim
Expressa in tabulis, nec peritura manet.
Sed quid opus sculptisve fuit scriptisve tabellis?
En viuo in Xenio viuis Aristoteles.

Deinde sic illi parentauimus.

Presidio natum patriæ, patriæque salutem
Uitæ anteponentem suæ,
Quæ malesana sibi, tibi summè ingrata, Michael.
Acciret ut sibi aduenam,
Gallia te clavo amouit, tibi, naufrag a mille
Parentat, ecce, cladibus.

139





IVLIUS CÆSAR
SCALIGER.




IVLIVS CÆSAR SCALIGER.

V L I V M Cæsarem Scaligerum, ex illa vetustissima nobilissimâque Scaligerorum familia, Veronæ totiusque illius tractus Domina superstitem, absit ut indicum prætereamus: auorum nobilitatem armorum virtute partam, postquam potentiorū vi & iniuriis cef-sisset, incomparabilis ingenii opibus facile p̄santem: criticum grammaticum acerrimum, poëtam excellen-tem, philosophum eruditissimum, alterum in medicina Aesculapiū, & quidē(dictu penè incredibile)hæc omnia quū xtatis iuuenilis parte in armis consumpta, serius fæse literarum studiis dedidisset, tū ingenii extra ornē aleam positi præstātia, tum indefatigabili labore, quamuis aduersante valetudine, consequutū: atque adeò (ne quid ipsius felicitati deeset) doctissimorum liberorum, Syluii ac Iosephi, huius quidem certè summè admirabili tum eruditione tum iudicio præditi, parentem: cui denique non Agenni modo ciuitas, vbi domiciliū illi medicinam facienti sua virtus posuit, sed Aquitania penè ipsa (piis ipsius dōmo tanquam hospitio vtentibus, eoque vicissim sua illos auctoritate pro viribus, quantumvis asperis temporibus, adiūuante) veræ pietatis in-staurationem magna ex parte debet. Quiescite igitur in C H R I S T O pii manes: qui faxit ut penes Scaligerorum familiam sicut olim armorum, ita nunc erudi-tionis & pietatis gloria quam diutissimè permaneat.

X. j.

MELIOR VOLMARIUS.





MELIOR VOLMARIUS. ROT-
VILLENSIS, IVRIS CIVILIS ET GRÆ
CARVM LITERARVM: IN ACADEMIA
TVBINGENSI PROFESSOR.

MELIOR EM Volmarium (sic enim eius nomen, quū
Antea Melchior vocaretur, vir doctissimus, & eius
in academia Tubingensi collega, Ioachimus Camerarius
probitatē hominis admiratus, emolliit) genuit Rotuilla
ciuitas Heluetiis cōfederata, puerū aluit Berna, bonis li-
teris imbuit Lutetia, eundémque mox graeca latinaque
facundia excellentem est admirata, vt & Aurelia, & Bi-
turigum ciuitas: vbi, Margaretæ Valesiæ Nauarrorum
Reginæ ac Biturigū Ducissæ stipendiis, vtramque lin-
guam profitens, simûlque Andræ Alciati, iurisconsul-
torū etatis nostræ facile Principis iudicio, legum doct̄r
creatus, domum ipsius bonis ac piis quibusque frequen-
tantibus, inter quos Ioannē quoque Caluinum non pu-
duit pro græcæ linguae præceptore Volmarium agnosce-
re, quum priuatam quoque scholam ingenuis & selecte
indolis pueris aliquot aperuisset, hoc est consequutus
vt nemo erudiendæ iuuentuti magis idoneus, nemo plu-
res bonæ frugis discipulos aluisse videretur: maiores
multò fructus inde collecta Gallia, nisi partim sequities
aduersus pios recrudescens, partim Ulrichi ducis Wir-
tēbergenis eum iniuitantis auctoritas, illum Tubingam
anno Domini millesimo quingētesimo tricesimoquinto
euocasset. Ibi verò annos amplius viginti ius ciuile
& Græcos etiam authores maxima cum laude interpre-
tatus, tandemque rude donatus, quum suam. Margaretæ

vxoris patriam,familiam transstulisset,vitam finiit,post-
quàm aliquot menses ex paralysi decubuisse,etdem e-
tiam die vxore ex animi ægritudine defuncta,vt simul
elati eodem tumulo cōderentur quos sanctus amor totos
27 minimum annos cōiuixerat. Fuit autē vir iste omnib⁹
tum corporis tū animi dotibus excellens, ac præfertim
eximia in pauperes munificentia insignis, & ab omni
ambitione tā remotus, vt, quanuis Græcè & latinè scri-
bendo excelleret,nihil tamen prætervnicam perelegā-
tem præfationem grammaticæ græcæ Demetrii Chal-
condylæ præpositam ediderit:quem ego à pueritia vni-
cum præceptorē nactus, & viuum ceu parentem al-
terum semper colui ,& mortuum vnā cum ipsius vxore
sic deploraui.

*Coniugii exemplum rarum certumque beati,
Spectate cuncti coniuges.
Una dies nobis Meliorē sustulit,vna
Et Margaritam sustulit.
Sic uno quos vita thoro coniunxerat,uno
Mors una tumulo condidit:
Una ambos donec reddat lux vnius olim
Beatitatis compotes.*

IN EOS DEM.

*Mi Melior,quo nec melior nec doctior ullus
Nostrum beauit seculum,
Tu ne iaces,mutique taces sub more sepulcri?
Et Beza stat,Beza loquitur?*

Stat

Stat certè & loquitur: sed cui nec vivere dulce,

Nec dulce posthac sit loqui:

Verum dulce mori fuerit, tecumque sepulcri

Uno latere sub specu.

Nanque iacent tecum Charites, iacet ipsa venustas,

Et omnis Aonidum chorus.

IN EOSDEM.

Quum tumulo lateat Melior Volmarius isto,

Cui Margarita adest comes,

Est illi cur inuidas, Mausole, diuque

Celebrata pyramidum strues.

Nanque nihil melius Meliore, nec India quicquam

Fert Margarita carius.

Obiit Isna anno Domini millesimo quingentesimo

sexagesimoprimo, anno etatis sexagesimo-

quarto.

166

IACOBVS FABER.





IACOBVS FABER, GALLVS, STAPVLENSIS, SORBONICVS THEO- LOGVS.

VERE admirabilem dei prouidentiā. Quis enim homun culi vnius opera barbariem , nobilissimæ totius orbis Academiæ tot iam annos securè incubantem, detrudi posse existimasset ? Præsttit hoc tamen non minima ex parte primus ætate nostra Iacobus hic Faber, neque genere insignis , neque patria celebrandus, (Stapulis nimirū ignobili Picardiæ prouincia portu) sed eruditione, pietate, & animi generositate nobilissimus, licet, quod magis mireris, in ipsa fœdissima barbarie educatus. Hic ille est igitur qui tum voce, tū scriptis eruditissimis, pro sophistica veram Peripateticorū logicen, & quatuor mathematicarum disciplinarum studia in Academia Parisiensi restituit : ac deinceps novi Testamenti vulgatæ translationis emendationem, & purioris religionis instauracionē fortiter aggressus, tantam barbarorum quorundam matæologorum tunc Sorbonicum collegium dehonestantium, indignationem incurrit, vt voluntaria secessione vix illorum manus crenas effugerit. Seruauit illum tamen tum innocentia, tum vel maximè illius heroinæ Margaretæ Valesiæ Nauarorum Reginæ apud fratrem Franciscum Regem intercessio, in cuius postea ciuitate Aquitanica Neraco, ad extremam senectutem, summa cum pietatis & incredibilis modestiæ laude, quietam vitam transegit : hoc etiam à Deo consequutus, vt sicut olim ex Isocratis schola optimi quique oratores , sic ex Stapulensis auditorio præstantissimi viri plurimi prodierint.

163

IOANNES¹
MERCERVS, GALLVS,
OCCITANVS, HEBRAL-
CARVM LITERARVM IN
ACADEMIA PARISI-
ENSI REGIVS PRO-
FESSOR.






163

IOANNES MERCERVS GAL-
LVS, OCCITANVS, HEBRAICARVM
LITERARVM IN ACADEMIA PARI-
SIENSI PROFESSOR.

JOANNES Mercerus apud Occitanas honesto loco natus, quem utramque linguam adhuc adolescentes didicisset, & eousque in iuris ciuilis cognitione profecisset, ut Harmenopuli *ωεχηπον* quod vocat, è græco latinū faceret, mutato cōsilio, simulatque Vatablū Hebræa Lutetiae docentem audiuisset, tanto animi ardore studium illius linguae est amplexatus, ut illo è viuis sublato, dignus unus videretur qui tanto viro in illius professione succederet. Hic verò quantum scese præstiterit, adiuncto ad quatuor linguarum exactam cognitionem, summāque diligentiam, iudicio longè acerrimo, doctissimæ ipsius prælectiones partim iam editæ, partim deinceps edendæ satis superque testantur. Accedebant autem ad hanc eruditionem summum pietatis studiū, candidum ingenium, modestia singularis, vita prorsus inculpabilis, adeò ut feruente ciuilibus ob religionem bellis Gallia, quanuis sacros libros non modò Grammaticè, sed etiam Christianè explicaret, saluum tamen illum & inuiolabilem amabiles ipsius mores fortiter in suo munere perseverantem præstiterint, & ex eius unius penè schola prodiisse constet, quicunque in Galliis hodie paulò felicius hebraissant. Repetitis verò bellis Venetas ornatissimū quendam virum sequutus, ibique Hebræorum doctissimis admirationi habitus, quum ad stationem suam reuertens per Occitaniam iter ficeret intempestiua planè morte sublatus, maximum sui desiderium doctis piisque omnibus reliquit.

Y. j.



ROBERTVS STEPHANVS, PA-
RISIENSIS, REGIVS TYPOGRAPHVS.

I diuinum meritò censetur illud characterum
inuentum quorum ope absentes compellamus,
mortui etiam ipsi loquuntur, vis illa denique temporis
omnia cōsumentis infringitur : cui potius quam eidem
Optimo Maximo Deo compendium illud scribendi pe-
nè incredibile acceptū feremus, quod Typographicen
appellant? Sicut igitur vituperatione maxima digni sūt
qui tanto Dei munere, vel ad bona deprauāda, vel ad ea
publicanda quæ potius nunquam extitisse oportuit, a-
butuntur: ita summam laudem merentur qui suam o-
peram, in arte tam laudabili tamque necessaria, strenue
simul & sincerè conferunt. Eiusmodi sanè fuit Venetiis,
patrū memoria, diligēs simul & eruditus ille Aldus Ma-
nutius Romanus, adeò quidēm ut summū in hac ar-
te gradum assequutus videretur. Eius vestigia Basileæ
præsertim & Ioannes Frobenius & alii aliquot sequuti
sunt, quibus res literaria plurimum debet. Sed quanto
illi cæteros antecelluerunt, tanto maiorem tibi, Robér-
te Stephane, superiores omnes longè latèque supèrgres-
so gloriam tribuēdam esse vel ipsa ftemens inuidia co-
fitetur. Nam ut alii tecum nonnulli de libroru[m] quorun-
dam excusorum elegantia & venustatē certent, nemo
tamen vel in operosissimis libris tecum in emendatio-
nis fide ac dilectioni fuerit comparandus. Tibi linguam
Hebræam magnopere illustrataim: tibi Græcorum cha-
racterum summam elegantiam: tibi partim in lucem
reuocatos, partim fœlicissime restitutos, tū Græcos tū
Latinos scriptores plurimos: tibi denique infinita qua-
dam industria & inexhaustis laboribus ex omniū classi
corum auctorum penū depromptum latinæ linguæ The-
saurum debemus. Sed hęc tua præcipua laus est, quod
non inanis gloriae, non lucri cupidus, officinam tuam sa-

cris præsertim excudendis Bibliis consecrasti : quo in
opere toties recudendo, emendando, modisque omni-
bus illustrando, te ipsum quoque superasti. Nemo igitur
tibi suscepta cū Matæologis certamina, nemo stramineū
illud simulachrum expobret, in quod illi qui te viuum
vstulare non potuerunt, omnem suam rabiem effude-
runt : sed hinc potius omnes quæ tua in illis oppugnan-
dis animi magnitudo, quæ in propugnâda veritate con-
stantia fuerit, animaduertant: quum cæteris rebus omni-
bus conscientiæ tranquillitate anteposita, solum etiam
vltrò, ingrata relicta patria, verteris, in pristino instituto
iuandæ rei literariæ ac præsertim Ecclesiæ perfueras,
donec annum agens vitæ LVI, anno Domini 1559, ad
meliorem vitam die Septembri septima demigrares,
ad cuius tumulum hos versiculos cecinimus.


Ταῖς ποτὲ Ιουδαίν τε ἡ Ελλάδος, Αὐστρίν τε
(Φεῦ, φεῦ) ταῖς Μούσας δεῖν ἀπελαυνομένας,
Λιβυκήν μέστη Στέφανος ξενίσσατο δῖος,
Οὐ Στέφανος, πάντων χαλκογερέφων σέφανος.
Εἰσόνει μισοκάλων εὐδελοντης τοληθεον αἵρεων
Εἰξας, πουλυεπῆ οῖς πολέμους χρόνον,
Ωχετο πατερίδει λιώ φρύγων, ἀχαριστον ἐσύσταν,
Γάιας τ' ἀλλοδεπῆς γῆναι ἀμετέφεν εἶν·
Κάκει χαλκοβατῆ κούρας δόμον ἐνέα δείμας,
Εἰς μακάρων τελέως ὅλειος ἦνε δόμας.
Αὐταρπόποτε μέρου πτῶμα ξένιοι λαβοῦσα,
Πλινίασαι τ' ιδίοις δάκρυσιν Άογίδες,
Ἐγγέα τ' ἀμφὶ νέκια ξένον ἥματα πακύσασαι,
Τῇ δειπτῇ χλοερῷ θάλαν ἐνὶ πεδίῳ.
Ωὶς ἀμφάρατον δεῖ οὐ πάντα ἐς ἥματα ζαντα,
Χαλκογερέφων θάλατταν τὸν Στέφανον σέφανον.



Y. ii.

1776

CLEMENS MAROTVS.






175

CLEMENS MAROTVS, CA-
DVRCENSIS, GALLICVS POETA.

CLEMENTE Marotū citrā vllā linguarū yel artiū cognitionē, rara & excellēte quadam ingenii felicitate Gallos omnes poëtas priores superantem, idcirco placuit tantis viris adiungere, quod religionis causa bis exul in Psalterii triēte gallicis rythmis exprimēdo ut illissimam, æternāque memoria dignam operam Ecclesiis nauarit, quanuis (vt qui in aula, pessima pietatis & honestatis magistra, vitam ferè omnem consumpsisset) mores parum Christianos ne in extrema quidem ætate emendarit: Taurini, Pedemontani præfecti Regii fauore tutus, circiter annum vitæ sexagesimum mortuus.






IACOBVS PAVANAS, BOLO- NIENSIS.

Ge nunc ad ipsos veros verbi diuini ministros,
eosdémque Martyres accedamus. Gulielmus Bri-
conetus, nobili in primis familia Parisiis ortus, & Meldar-
rum Episcopus, quæ ciuitas vnius diei itinere ab urbe
distat, quum cœpisset in Galliis quoque CHRISTI Euá-
gelium allatis Luteri libris illucescere, primus ausus est,
concionandi munere in sua dioceſi monachis mendicantibus interdicto, anno CHRISTI 1523, tum ipse-
met, nouo prorsus exemplo, veritatem annuntiare, tum per adscitos ex Iacobi Fabri Stapulensis schola doctos
quosdam Theologos promulgandam curare: tanti ope-
ris laudem proculdubio cateris prærepturus, nisi partim
crucis statim oblatæ terrore percussus, partim à nonnul-
lis quibus nimium tribuebat dementatus, turpi palino
dia gloriam hanc omnem ipse sibi inuidisset. Sed ô factū
bene! Tantùm enim abfuit ut aberrantem pastorem o-
ues sequerentur, ut contrà Iacobus quidem Pauanas, Bo-
lonia, Picardiæ ciuitate celebri, ortus, eorum vnuus quo-
rum opera vsus ille initio fuerat, crudeliter Lutetia
anno Domini 1525 vſtulatus, protomartyris ibi nomen
ac palmā retulerit: ex grege verò ipso alii cōstantia v eri
fui pastoris confirmati, nullis minis, nullaque suppliciorum
acerbitate territi, quanuis quatuordecim martyribus
anno Domini 1546, die Octobris sexto, uno co-
démque igne crudelissimè crematis, ad hoc vſque tem-

Z.j.

pus fortissimè in veræ fidei professione perseuerarint:
alii verò vi tempestatis huc & illuc disie & tū prima Me-
tensis,Aureliensis,Syluane&tensis,Albiniacensis Ecclesia
rum fundamenta iecerint: eò admirabiliore Dei virtu-
te quòd mechanicos omnes illos , pañorum videlicet
textores,fuisse constat,tam bonarum artium & peregrini-
narum linguarum prorsus imperitos,quām in sacrorum
librorum lectione ad miraculum usque exercitatos. Sic
quò magis videtur interiisse veritas eò gloriosius viuit.

Zz.ij.




IOANNES CLERICVS, GALLVS,
MELDENSIS, ECCLESIAE
METENSIS PRIMVS IN-
STAVRATOR.



IOANNES CLERICVS, GAL-
LVS, MELDENSIS, ECCLESIÆ METEN-
SIS PRIMVS INSTAVRATOR.

IVIUS Ioannis Clerici artificium fuit lanam p-
etere, in quo dictum illud C H R I S T I Domini no-
strri re ipsa fuit confirmatum, gratiam agentis patri quod
veram illam sapientia, potentibus, & doctis celatam, vi-
libus & abiectis patefecisset. Hic igitur animosæ fidei
plenus, quam partim ex Episcopi Briçoneti concionati-
bus, partim ex gallicè vtcunque tum versis Bibliis, & a-
liis pauculis libellis diligenter lectis didicerat, apud suos
Meldenses, quod affixa in summo templo papisticis in-
dulgentiis scheda, Papam Antichristum vocasset, virgis
cæsus, quum se Metas anno Domini 1523 receperisset,
& inter suos idem artificium exercentes prima futuræ
insignis Ecclesiæ fundamenta, Apostoli apud Corin-
thios exemplum sequutus, iecisset: tandem peculiari
quodam, ut exitus docuit, diuini Spiritus afflatu im-
pulsus, noctu extra urbem euersis in facello quodá, quo
tota ciuitas Metensium erat postiudie concursura, ido-
lis, manè apud vrbis portam deprehensus, captus, & eō-
dem penè momēto damnatus: quo crudeliore poena est
affactus, (altero videlicet pugno truncatus, naso canden-
tibus forcipibus abrepto, iisdemque brachio vtroque,
ipsisque mammis crudelissime perustis) tādem flammis
subiectis vstulatus, eo gloriofiorem victoriam tulit, quū
inter hæc tormenta ipsi crudelitati insultas, & illud Da-
uidis altissima voce recitans, Idola gentium sunt argen-
tum & aurum opus manum hominum, tanta constan-
tia tu aduersariis territis, tum piis magnopere confir-
matis, feliciter ad Dominum migraret.





L V D O V I C V S B E R Q V I N V S

A T T R E B A S .

Non Ludouico Berquino Attrebate, quem verè possumus *λύθην* simul & *ξέχον* appellare, Gallia fortassis alterum esset Luterum nacta, si qualem iste Saxonum ducem, talem hic Franciscum primum eius nominis Galliarum Regem esset expertus. Nec enim ei vel doctrinæ, vel promouendæ veritatis studium defuit: adfuit autem animi tāta generositas, vt maximè omniū tunc metuēdos crabrones in ipsis eorū cauis, Bedam vi delicit & à Quercu (de quibus scriperat procul illos cōfigens Erasmus, Lutetiæ Betam sapere & Quercum concionari) Matæologorum eius seculi principes, in ipso eorum sterquilinio sit austus non modò vtcunque lacefseret, sed impietatis etiam accusatos non vnius anni certamine tum voce tum scriptis strenuè exercere. Sed tunc quidem, vt postea sāpe, (CHRISTO nimirum non nisi sub cruce in Galliis triumphaturo) damnata in Berquino veritate, quum delecti iudices exurenda ipsius scripta ipsomet cernente & præterea perpetuīs carceribus, excepta Regis venia, ipsum coercendū pronuntiasent: at ego, inquit ille, mortem subire quām veritatis damnationem vel tacitus approbare malim. Sequuta igitur vt in contumacem seueriore sententia, strangulatus, ac deinceps crematus Berquinus, qua constantia scribere & loqui consueuerat, eādem mortē perpessus, verè de aduerſariis qui viētores videbantur, iudicū sententia veluti cælitus rescissa, triumphauit: frugibus nocte post interitum illius proxima (qui fuit vndecimus dies Nouembbris anno Domini 1529) in tota Gallia fri gore perustis, & grauissima tum fame tum etiam peste consequuta.




IOANNES CADVRCVS, OC-
CITANVS, LIMO-
XIENSIS.





IOANNES CADVRCVS, OC- CITANVS, LIMOXIENSIS.

IOANNEM Cadurcum Limoxiis, non ignobili Oc-
citaniae oppido, natum, sicut iura humana docen-
tem admirata est Tholosa, sic ius diuinum afferentem
est abominata: vsque adeo grassata superstitione, vt quū
vtriusque iuris vnuſ & idem sit & auctor & præcipuuſ
finis, nullos tamē Euangelica veritas infestiores & per-
tinaciores iam pridē hostes habuerit, quām eos qui ſe ius
ſuum cuique tribuere gloriantur. Cadurcum igitur, quū
legum humanarum explicádarum peritia eſſet aliquan-
diu tutata, tandem anno Domini 1532, in aliquot pio
rū hominū cœtu, Bacchanalia, quæ in Epiphaniæ festo
celebrari pſeudecclesiæ Romanæ more confueuerunt,
aſum liberius & redarguere & emendare, ſenatus Tho-
loſanus ſimul penè in carceres abreptum, & vitæ veniā,
ſi modò palinodiam in ſchola publica vel leuiſſimè testa
retur, recuſantem, damnatum, minimè tamen inultum
cremauit: ſiquidem ex pyra, quaſi ex pulpito, habita
diuinissima concione, veritatem quam ſuo ipſius ſanguine
ſanciebat, ſic afferuit, vt quum in eam longè frequentiſ
ſimam Academiam ex omnibus Galliæ partibus con-
fluere maximus ſtudiorum numerus cōſueuerit, non
modò Tholosæ, verū etiam in vniuersa Gallia purum
verbi Dei ſemen ſparsiſſe meritò videatur.





ALEXANDER CANVS, GAL LVS, EBROICENSIS.

ALEXANDRVM Canum, ex Dominicano Christia
num factum, sicut amplius cognoscendæ verita-
tis desiderium in Sabaudiam ad Gulielmum Farellum
audiendum pertraxit: ita eiusdem propagandæ incre-
dibile studium in Galliam reduxit. Lugdunum igitur
veniens, ibique piorum aliquot fratrum rogatu, quum a-
liquot conciones priuatim habuisset, mox in vincula cō-
iectus, damnatus, & Lutetiā, quō prouocarat, abductus,
qua animi fortitudine veritatem Euangeliū promulgare
cōperat, anno Domini 1534 gloriosissimi martyrii pa-
mam tulit. Et hæc quidem instauratæ Lugdunensis Ec-
clesiæ felicia primordia fuerunt.



188


IOANNES MASSO, GALLVS, AN-
DEGAVENSIS, EIVSDEM
ECCLESIAE PASTOR.





IOANNES MASSO, GALLVS,
ANDEGAVENSIS, EIVSDEM ECCL-
SIÆ PASTOR.

VIBVS te satis dignis celebrauero laudibus Ioannes Masso, cui in ipsa adolescentia, annum videlicet vicesimum secundum agenti, diuinitùs datum est, amplis spretis opibus, & paternis tum precibus tum minis inflexibili, opus illud ingens, & nullis humanis vi-ribus præstandum aggredi simul & confidere? Quantum enim illud fuit, in media Lutetia, id est, intra ipsam piorum vstrinam atque in ipso superstitionis penetrali, crebro Christi vexillo, signum vniuersæ Galliæ regno abolendæ falsæ religionis dare? Sed & tibi peculiariter Andegauens festi, itidémque Trecenses constabili-
litum apud se C H R I S T I regnum debent. Quibus maxi-
mis sanctissimisque laboribus ne martyrii corona dees-
set, ecce te domum, vel ad tuam stationem potius pau-
lò ante crudelissimam illam carnificinam Lutetia re-
uersum, & in hortulo securè meditabandum, sceleratus latro Monsorellus, generis sui nobilitate infinitis sceleribus contaminata, interfecit, paulò post eius ipsius ministris, cuius auctoritatem quasi imperato sce-
leri prætexuit, iustas paulò post pœnas daturus. Quid i-
gitur egisti scelerate? fores nimirum æternæ vitæ illi a-
peruisti, quem voluisti perditum, ut in exitium tuis sce-
leribus dignum te ipsum vltrò præcipitem dares. Cæsus
est autem vir iste præstantissimus annum agens vitæ tri-
cesimum nonum, ab hoc grassatore Lutetia dispositis
equis ad patrandas piorum cædes excurrente, anno Do-
mini C I C. ID. LXXII: mense Septembri, anno
Domini C I C. ID. L V, Ecclesiæ Parisiensis post ali-
quot secula instauratæ primus pastor institutus.




IOANNES BORDELLVS,
MATTHÆVS VERMELLIVS,
PETRVS BVRDO.




IOANNES BORDELLVS,
MATTHÆVS VERMELLIVS,
PETRVS BVRDO.

VÆ regio in terris (inquit ille apud poëtam) nostri
non plena laboris? At hoc liceat Gallis Martyribus
sine fictione usurpare, quorum sanguine Oceanus
ipse Americanus rubuit. Huius sceleris auctor fuit Nico-
laus quidam Villagagno, ex Rhodiorū equitum ordine,
homo tum vasti corporis mole, tum ingenii feritate Po-
lyphemum illum Cyclopem planè referens: qui quum
Gasparis Colignii, magni Franciæ Thalassiarachæ, apud
regem Henricum secundum gratiosissimi intercessio-
ne binas instruetas naues & aliquid pecuniaæ obtinuisse-
& cum iis ad Brasiliæ littus, fluuiisque, quem Ienarum vo-
cāt, ostiū, gradibus trans æquinoctiale tribus ab antarcti-
co polo distas appulisset: simulato vrbis ibi condendæ, &
veræ religionis, cui fauere Amiralium norat, constituens
studio missis etiam ad Geneuensem Ecclesiam lite-
ris obnixè petens vt ad se vnâ cum ministris duobus ali-
quot fratres pii, seminarium Ecclesiæ futuri, transmitte-
rentur, facile scilicet quod petebat, non paucis feso vltrò
tâtæ rei nouitate incensis offerétabus, impetravit. Mittû-
tur igitur ministri duo, Petrus Richerius & Gulielmus
Carterius, spectatae vtérque tum doctrinæ tum pietatis,
quibus feso non pauci ex diuersis Galliæ partibus vnâ
cum vxoribus & liberis adiunixerunt, & eos quidem post
difficilem multorum mensium nauigationem tandem
appulso initio Villagagno quâm benignissimè excipit:
Geneuenisibus per literas gratias agit ingentes: Amira-
lio quiduis in posterum pollicetur: Ecclesiam pastorum

consilio instituit : denique magna quadam spe complet
omniū animos, adeò vt in Gallia de frequentissima pio-
rum colonia eò deducenda deliberaretur. Sed ecce Vil-
lagagno Henricum Regem istarum rerū nuntiis offend-
sum intelligēs, quod diu texerat apertè prodit, & quid-
quid recte constitutum erat paulatim euertens, alios mi-
serabili scrutute premit, aliis dira minitatur, palam de-
nique sœuam & horribilem tyrannidem exercet. Sece-
dunt itaque nonnulli, & opportunitatem cuiusdā Brit-
tonicæ nauis naœti, redditum in Galliam parant, quò vix
tamen, inaudita fame tolerata, coria etiam ipsa mande-
re coacti, semianimes peruererunt. Erāt autem ii omni-
no sedecim, ex quorum numero quatuor de reditu de-
sperantes vix octodecim miliaribus confectis in conti-
nentem, ac deinceps ad Villagagnonem regressi, tantū
abest vt immanem illum Cyclopem rationibus aut pre-
cibus vllis ad misericordiam flectere potuerint, vt con-
trà compedibus constrictos, & in tetterimum cárcerem
coniectos fidei suæ rationem ab illis exegerit. Respon-
dit constanter suo & sociorum nomine Ioannes Bordel-
lus, quæ confessio in gallica Martyrum historia legitur.
Quid plura? tres ex illis in veritatis confessione perse-
uerantes, quarto nonnihil vacillante, Oceano mergen-
dos curat, quorum beatam memoriam hoc loco cele-
brandam putauit. Et hæc quidem anno Domini 1558.
vertente contigerunt, quum in Americam Villagagno
die 15. Iulii, anno 1555. appulisset, vnde ipse postea
desperatis rebus, in Galliam reuersus, & scriptis ineptis-
simis veritatem aggressus oppugnare, inglorius & pro-
insano habitus, miseram tandem vitam, igne sacro illū
inuadente, finiuit.



1944



193



ANNAS BVRGIVS, GALLVS, ARVERNVS, IN SVPREMA CVRIA PA- RISIENSI CONSILIARIVS.

Ic ille est AnnasBurgius,cuius patruus sub Francisco primo Rege Cancellariatu, summo togato munere,functus est:qui ius ciuile primū maxima cū eruditionis laude in academia Aureliensi professus, ac deinceps vltrō in Parisiensē curiā adscitus, ibique integrissimi diligentissimique iudicis famam adeptus,tandem que occultis adhuc piorū cœtibus adiunctus; quum Hérico,eius nominis secundo,Rege pro tribunali sedente totōque audiente Senatu, sententiam de pœnis in eos quos hereticos vocabant statuendis,rogatus,liberimē de vera religione,iustaque conuocanda synodo,decima Iunii anno Domini millesimo quingentesimo quinqua gesimonono disseruisset,Rege mox per Cardinalem Lothingum eō vsque commoto,vt neglecto maiorū morte,illum mox in carceres trahi iuberet,tandem post durissimam capituitatem,ad varia iudicū subsellia pertractus,edita preclara Christianæ fidei confessione , vi cesima prima Decembris,cōdē anno vertente,hæreseos damnatus,primū quidem stragulatus ac deinceps crematus,piam animam Christo reddidit:Rege quidē ipso (alioqui per se non malo)tribus post illum in carcerem coniectum hebdomadibus,in medio nuptiarum sororis apparatu,in ludicro hastatorum certamine, eius ipsius manu à quo prehēdi Burgium iusserat,lethaliter vulnerato,& vndeçim post diębus mortuo : Senatu verò sese (paucorum quorundam culpa)ab eo die quo Burgium damnauit,longè maxima libertatis & auctoritatis antiqua parte (vt plerique existimarunt)vltro abdicantc.

Bb. ij.

AVG VSTINVS MARLORATVS.






199


AVGVSTINVS MARLORATVS,
LOTHARINGVS, ROTOMAGENSIS EC
CLESIÆ PASTOR.

V G V S T I N V M Marloratū in pseud Augustiniano
rum mendicantium cloacam vix ostenem, agna
torū astu ipsius bonis inhiantiū abreptū, singularis que-
dam numinis prouidentia ex illo cœno mirabiliter e-
rutum, in Ecclesiam Christianam, magnum eius futurū
ornamentum, traduxit. Linguarum enim & purioris
Theologiæ studiis deditum tandem puduit pigris alen-
dis ventribus, ipsius eruditione ac labore ad turpe lu-
crum abutentibus, operam suam diutius commodare.
Itaque postquam Biturigibūs, Piœtauis, & Andegauis Eu-
angelium, quantum quidem cucullato licebat, promul-
gasset, Lausanam, Bernensis Reip. academiam, venit:
vbi quietem studiis suis opportunam & sui exercendi fa-
cultatem nactus, Viuiacēsis videlicet Ecclesiæ haud pro-
cul extremo lacu Lemano designatus, vix credibile est
quantum & legendo & scribendo profecerit, id quod
præclari ipsius tum in Genesim tum in Esaiam, tum in
omnes noui Testamenti libros commentarii, perpetuo
quodam nexu ex optimis quibusque recentioribus in-
terpretibus mirabiliter contexti, demonstrant. Inde
verò Rotomagū accitus, Ecclesiam illam populosissimā
tunc primum post multa secula renascentē, tā sanctè si-
mul ac prudenter erudiit, vt sua illum probitas tutū ab
omnibus quantumuis saeuientibus aduersariis præstite-
rit. Deinceps autē postquam Pissiacenæ disputationi in-
terfuiisset, exorto paulò post ciuili bello, ipsaque Roto-
Bb.ij.

125

magell ciuitate post durissimā obsidionem expugnata,
captus, quanuis in tanta crudelissimorum aduersariorū
urba nullus ipsum accusaret, imò etiam ex aduersariis
plurimi saluum cuperet, nihilominus tamen, vt ni-
hil ad extremam sc̄uitiam deesset, Anna Monmoratio
Conestabili, & Francisco Duce Guisio sic iubetibus, vna
cum tribus aliis præcipua dignitatis ciuib⁹ suspendio
innocentem vitam finiens, æternam hereditatem adiit,
XX X. Octobris, anno Domini C I O. L. C I. annos
natus L V I.







VALDENSES ab Alpium anfractibus, in quos sece-
 iam pridem receperunt, appellatos, liceat mihi ve-
 teris Christianæ purioris Ecclesiae semen vocare, vt po-
 te quos constet verè admirabili Dei prouidentia, ne-
 que illis infinitis tempestatibus, quibus est per tot secu-
 la Christianus orbis concussus, & Occidens tandem à
 pseud-Episcopo Romano miserè oppressus, neque aduer-
 sus illos propriè excitatis horribilibus persecutionibus
 eò potuisse adduci, vt idolomania & Romanæ tyranni-
 di assentirentur. Eorum igitur alii sunt pauperes Lugdu-
 nenses vocati, quibus Ioannes quidam Lugdunensis mer-
 cator præfuisse existimatur, addito etiam illi cognome-
 nto à Valdo, quem perperam nonnulli Valdensium
 fratribus, quasi sectæ cuiusdam, auctorem faciunt, quùm
 ipse potius, quod inter Valdenses celebris esset ac ha-
 beretur, cognomentum inde acceperit: alii in alpinis
 saltibus constiterunt: alii sunt Albigenses vocati, quòd
 in eas Occitaniae Galliae partes secesserint: alii traiecta
 Italia in Apulia & Calabria sedes posuerunt: alii deni-
 que in Mœraiam usque secesserunt: qui omnes (excep-
 tis Albigensibus logissimo tandem bello partim attritis
 partim expulsis) frustra repugnante Satana etiamnum
 hodie tum doctrina tum innocentissimæ vitæ exem-
 plis florentes Ecclesias habent. Ac de ceteris quidem
 fortassis aliâs, quum nunc sit à nobis de solis Alpinis
 sermo institutus. Eorum igitur alii Sabaudiæ Duci sub-
 sunt, alii Galliæ Regi. Utrosque incredibile est dictu
 quibus & quot modis perdere certatim, instigante Pon-
 tifice Romano, Princeps illi studuerint, tutante tamen
 eos, tum aduersus prædones paupertate, tum aduersus
 infinitas calumnias, testatissima vita innocentia. Obso-

Cc. j.


leuerat tamen inter eos paulatim doctrinæ puritas , sed
 pietatis studium minimè refrixerat . Itaque quum de
 puriore Christianismo in Heluetia vicinique regioni-
 bus annuntiato cognouissent , duos ex suis pastoribus
 quos Barbas (id est patruos) vocant , Bernam ad Ber-
 tholdum Hallerum , Basiliæam ad Oecolampadium , Ar-
 gentinam ad Bucerum & Capitonem , Neocomum de-
 nique duos alios ad Gulielmū Farellum miserunt , con-
 filium de instaurandis ipsorum Ecclesiis petituros . Ho-
 rum vnum MARTINVS GONINVS , Ecclesiæ Angro-
 nianæ pastor , Gratianopoli in redditu cum literis depre-
 hensus , & veritatem constanter professus , nocte intem-
 pesta submersus (qui enim malè agunt lucem fugiunt)
 martyrii palmam tulit . Id verò tantum abest ut Val-
 denses perterrefecerit , vt contrà auctis animis , non
 suas modò & Calabrensiū fratribus Ecclesiis , prio-
 rum temporū veluti rubigine quadam obsitas , repurga-
 rint , sed etiā (seculis omnibus memorabili in omnes
 Gallias Ecclesiis beneficio) quanuis inopes , & vndique
 turbulentissimis illis temporibus Satana ippos adorien-
 te , primam illam Gallicam ex hebræis Bibliorum inter-
 pretationem , auctore quidem Petro Roberto hebrææ
 linguaæ peritissimo , adiutore verò Ioanne Caluino abso-
 lutam , suis sumptibus Neocomi , anno Domini 1535 ,
 excudendam curarint : vt quod hodie Biblia gallicè le-
 guntur , (quāquam paulatim postea exactiore cura cum
 hebreis collata) Valdensium Ecclesiis acceptum meritò
 feratur . Hæc igitur ferre quum Antichristiani non pos-
 sent , eò vsque tandem illos homicida ille spiritus impu-
 lit , vt , auctore Ioanne Miniero senatus Aquensis Præsi-
 de , senatus consulo iniquissimo facto , & Rege Franci-
 sco Cardinalis Turnonii calumniis circumuento , mense
 Aprili , anno CIC. ID. XLV , peditum equitum
 que copiis aduersus innocentissimos & inermes homi-
 nes

nes eductis,nullo neque ætatis,neque sexus discrimine
promiscuè in quosuis fæuierint,atque adeò nō ædificiis,
nō arboribus ipsis pepercerint: addito interdicto sub ca-
pitis pœna, si quis miserè vagatibus & famelicis vel tan-
tillū opis præberet:sic igitur ea strages est edita,qua nul-
lam vñquam immaniorem nc inter barbaros quidem
extitisse constat.Seruauit tamen Dominus suorum re-
liquias,vñque adeò fœcundas,vt nunc tursus & religio-
nis puritate & omnium Christianarum virtutum exem-
plis insignes Ecclesiæ habeat,Deo quoque variis pœnis
Minierum illum & alios nō paucos,quibus homines pe-
percerant,horribiliter vtlo.Nec ab eo tempore aliud
præter minas sunt experti,donec vñus ex eorum mini-
stris Georgius Varalius Taurini interceptus,ibidem pul-
cerrima edita cōfessione,anno Domini 1558,die De-
cébris penultima cremaretur.Restituta verò Duci Phil-
berto Emanueli Sabaudia,& si pontifice Romano Du-
cem alioqui ad Valdenses turbandoz minime propen-
sum,assiduis clamoribus cogéte,bello sunt appetiti,có-
que feruente,vici S. Germani pastor crudelissimè fuit
Pignerolis vñstulatus: tamē ipsis quidem pacem tolerabi-
libus conditionibus,manente præsertim integro Euan-
gelii ministerio,consequutis,Duce verò datam ipsis fi-
dem sancte obseruante,felix illius motus fuisse finis me-
ritò videtur.

304

CHRISTIANISMI IN ANGLIA
RESTITVTI INSTAVRATORES ET
ASSERTORES CONSTANTISSIMI.

Cc. iij.



V M à Ioannis vsque Wiclefi temporibus, veritatis semen subinde, sanguine martyrum aliquorum tum virorum tum fœminarum, rigatum emersisset: sub Eduardo, beatæ memorie rego, quām diligentissimè excultum, Mariæ tandem temporibus, quo ardenterius, præeunte Cardinali apostata Reginaldo Polo, illud radicitus extirpare restituti pseud-Episcopi sunt conati, tantò fœcundius, quasi certatim ad martyrium concurrentibus omnium ordinū hominibus effloruit: quorū aliquos sufficiat nominasse. Huius igitur pulcerrimi triūphi quasi choragus fuit IOANNES ROGERIVS, qui Cantabrigiæ bonis literis imbutus, indéque Tyndallū ac Couerdallum, (vtrūque pietate & eruditione insignē, ac illum quidein in primis Anglica bibliorum versione celebrē, & martyrio tandem, anno Domini 1530, per Louaniēses theologos Wiluordi coronatum) in Brabātiā profugentes sequutus, vxore ibi ducta, Witebergā venit, ibique Germanicæ linguae vsque adeò peritus euasit, vt etiam Euāgelii ministerio sit defunctus: donec, Eduardo Rege Christianismum in Anglia instaurante, ipse quoque in patriam reuersus, auctore magno illo Nicolao Ridlæo Episcopo Londinensi, professor Theologiæ atque adeò concionator in æde S. Pauli designaretur. Succedente verò post Eduardum fratrem christianum Maria christianismo inimicissima, & seuerissimis editis Euangelicum ministerium inhibéte, perstigit nihilominus in suo munere Rogerius, donec in carcere tractus, qua cōstantia Christi veritatem annuntiarat, eadem illam moriens, veluti ianua martyrii cæteris patefacta, Londini IIII. Februarii, anno Domini CIC. CI. LVII, sanciuit. Hunc in eadē causa, parique prorsus constantia munere concionandi, tum in oppido quod Northamptonum vocant, tum in ipsa vrbe Londinensi, fortissimè defunctus, vir eruditissimus LAVRENTIVS SVNDERSIVS, sequutus quarto post Rogeriū die, VIII

videlicet Februarii Couentriam Londino ductus , pul-
 cherimum de morte triumphum tulit: ut eiusdem men-
 sis die 22, R O L A N D V S T Æ L O R V S , Hadle-
 ensis Ecclesiæ in Suffolciæ prouincia minister: itemque
 biduo post GEORGIVS MARCHÆVS Ecclesiæ Lög-
 thoniensis pastor , vtérque suum gregem , ille quidem
 Hadleïæ vrbis presentē pio suo pastori illachrymátem,
 iste verò grauissimis ex carcere literis scriptis,in quo to-
 totos ferè octo mēses excruciatuſ est,ad constantiā cohore
 tatus.Sed quinque præterea martyruſ inter cæteros ad-
 mirabilia certamina fuerunt, I O A N N I S videlicet
 BR A D F O R T I in Ecclesia Londinensi ministri(cu-
 ius aduersus pseud-Episcopos acerrimæ disputationes
 extant)Londini X. Iulii, anno Domini C I C . I C . L V ,
 vnà cum octodecim annorum adolescenti I O A N N E
 LIEFA cremati: ROBERTI SAMVELIS Ecclesiæ Bar-
 thoitensis in Suffolciæ prouincia pastoris,postquam cru-
 delissima quæque,ac præfertim horribilem famé in car-
 cere Norduicensi, decernente pseud-Episcopo Nord-
 miensi perpeſsus effet,tandem ibidem II. Septembris eo-
 dem anno C I C . I C . L V . combuſti : I O A N N I S
 PHILPOTI equeſtris familiæ & Vintoniensis Ecclesiæ,
 viuēte Eduardo Rege, Archidiaconi, cuius quæ quantá-
 que fuerit tum eruditio, tum pietas, ex eo conſtat quod
 illi fauēte nobilitate,nemo neque ſæpius repetitis dispu-
 tationibus fuerit acrius oppugnatus , neque solidius, tū
 ex ipſo Dei verbo,tū ex patrū scriptis aduersarios refuta-
 rit. Itaque fuit & ipſe viuus Lōdini anno Domini C I C .
 I C . L VI , annū agens duntaxat XLIIII,crematus. Idem
 annus duorum præterea diuersæ conditionis, THOMÆ
 videlicet VIDLEI & GEORGII EGLI , martyrio cele-
 bris fuit: quorū ille Kyrbeicēsis Ecclesiæ parochus, quum
 aduersus Mariana edita munere ſuo fungi non desiste-
 ret,captus & à Bonero Londinensi pseud-Episcopo tan-
 dem etiam blāditiarum genere illeatus, ſubſcripsit qui-
 dem contrariis erroribus , ſed eodem penè momento
 quum

162

quum repetitam à scriba schedam abiurationis discer-
psisset, ab Episcopo crudeliter verberat⁹, & vicesima die
Ianuarii, anno Domini 1556, Londini crudeliter cre-
matus, tum quæ sit ipsorum etiā electorum imbecillitas,
tum quæ in illis quoque collapsis rursum erigendis, Dei
Opt. Max. benignitas simul ostendit: alter verò Eglus
nomine, artificio sutor, admirabili zelo ductus, quod Ec-
clesias pastoribus destitutas videret, percurrere illas
ipse, & prout egregiis Dei donis pollebat, sigillatim etiā
quoscunque poterat consolari & confirmare prius non
destitut quām palam proscriptus, amplisque præmiis ei
propositis qui deprehensum sisteret, captus tandem &
quasi violatæ Maiestatis Regiæ cōiectus, semivius exē-
teratus & membratim disceptus martyrii palmam fer-
ret. Liceat denique mihi superioribus exemplis duplex
aliud adiungere: vnum adolescentis & genere & virtu-
te nobilis GVLIELMI HVNTERI, quem pro Christi
nomine anno Domini 1555. cremandum, & psalmum
octuagesimum quartum concinnetem pater & mater
cohortantes sunt ad rogum usque comitati, vetere illo
Machabeorum fratum exemplo renouato, hoc tamen
excepto, quod illa quidē fuit suis liberis in ipsa quoque
morte socia, istis verò, quanuis libenter filio commori-
turis, pepercisse in pœnam lentiorem videtur aduersa-
riorum clementia: quos tamen superstites filio manere
Deus voluit, ut spectatius & diuturnius extaret tantæ
virtutis exemplum: alterum IOANNIS HVLLERI
Ecclesiæ Padamensis in Cantabrigensi ditione pastoris,
codem anno martyrii palmam consequuti, cuius literas
quæ extant sub mortem ynà cum precibus adiunctis
conscriptæ vtinam omnes ii legant & meditentur qui
gloriæ Dci zelum humana prudentia temperandum es-
se somniant. Sed tempus est ut ad celebriores etiā alios
accedamus.

Dd. j.

218

THOMAS CRAMMERVS.





THOMAS CRAMMERVS, AN-
GLVS, CANTVARIENSIS ARCHIEPI-
SCOPVS, ANGLIÆ PRIMAS.

Ter felix quinquartium, veterum Martyrum Episcoporum obsoletam memoriam renouans! O beatam quoque tantis viris Angliam, nisi gentis decus immanitas quorundam penè totam aboleuisset! Horum primus age commemoretur Thomas ille Crammerus, Cantuariensis sub Eduardo sexto Rege Archiepiscopus, veræ religionis instaurator atque propugnator fortissimus: quem quum Mariæ Reginæ, Marii illius crudelitatem verè referentibus aut etiā superantibus temporibus abreptum, & miserrima biénii captiuitate aliquatenus fractū, pseud-Episcopi accusatores simul & iudices ad ignis pœnā dānassent, At tu(inquit)dextra quæ dannatae schædæ, metu mortis, subscrisisti, pœnas huius facinoris luito: moxque receptis animis, vltróque conscēsa pyra, dextram intrepidus altissimè sublatam, flammisque iniectam, tantisper dum penè tota, illæso maxima ex parte reliquo corpore, cremaretur, immotam mediis in flammis tenuit: minus certè memorabili futura tanti viri constantia, nisi ex admissa culpa creuisset. Liceat autem hīc mihi Basilii magni verba in Barleami, fortissimi in eadē causa sub Diocletiano Martyris, haud dissimile factum commemorare. Flamma (inquit ille) & Martyris dextra inter se commissæ luctabantur, sed penes dextram nouo quodam luctationis arte stetit victoria, flamma quidem per medium manum sese effun-

Dd.ij.

dente,dextra verò semper rigidè ad luctam intensa. O
manū ignibus ipfis in certamine obstinatiorem! ô manū
igni cedere indocilē! ô ignem manu vinci edoctum! Fer
rum igitur resolutum ignis tyrannidi succubit, ac ignis
potetiæ cedit, à quo se se quoque superari lapidum duri-
ties quantunuis renitens fatetur : sed vis tamen illa flam-
mæ quantunuis se se intendentis, rigidam Martyris dex-
tram minimè inflexit, vt meritò propterea Martyr apud
Dominum clamare potuerit, Corripuisti manum dexte-
ram meam, tuoque me consilio deduxisti , & gloriose
me assumpsisti. Et hic quidem fuit Crammeri sexagesi-
mum octauum annum agentis triuphus Londini actus,
vicesima prima Martii, anno Domini millefimo quin-
gentesimo quinquagesimo sexto.



Dd.ij.




HVG
LATIMERVS,
WOLCESTRENSIS EPI-
SCOPVS, ET NICOLAVS RI-
DLEVS, LONDINEN-
SIS EPISCO-
PVS.





H V G O L A T I M E R V S , W O L -
C E S T R E N S I S E P I S C O P V S , E T N I C O -
L A V S R I D L E V S , L O N D I N E N S I S E P I S -
C O P V S .

PRÆIER ANT Crammero, eo ipso loco & ob ean-
dem causam crudelissimè vstulati duo constanti-
fimi martyres Episcopi, Hugo Latimerus octuagenario
maior, ex Cantabrigiensi academia ad Episcopatum
meritò ascitus, & Nicolaus Ridleus, Londinensis Episco-
pus, tum genere tum omni virtute nobilis : ille quidem
planè ceu Polycarpus alter, siue supplicii causam & ge-
nus, siue ætatem, & sermones in morte habitos spe-
cimus : hic verò cum Ignatio planè comparandus, si præ-
sertim eius scriptum de Cœna Domini, breue quidem
illud sed Apostolico planè spiritu dictatum expendatur:
nisi fortè Reginaldum Polum Cardinalem, & Stephanum
Gardinerum Vintonensem pseud-Episcopū, & Bonerum itidē
pseud-Episcopum Londinensem, minus
crudeles bestias fuisse arbitremur, quam quæ Ignatium
vorarunt.





219

JOANNES HOPPERVS, GLO-
CESTRENSIS EPISCOPVS, ET ROBER-
TVS FERRORVS, SANCTI DAVIDIS
EPISCOPVS.

AT illi tuæ diuini prorsus animi fortitudini commemorandæ, Ioannes Hoppere, quæ tandem voces suffecerint? quem ob veram religionem sub Eduardo Rege fortiter & verbis & inculpatæ vitæ exemplis affer tam, Marianis temporibus arreptum, non carcerum squalor, non sœuissimæ pœnæ grauitas, non procerum & amicorum malè sibi & tibi consulentium preces & lacrymæ, non iamiam pyrā consensuro propositū ob oculos Reginæ diploma, quo tum vita tum maximi honores abiuraturo concedebantur, vel tantillum commouerunt, quominus, ut fortissimus ille Gordius Basilio magno tantopere celebratus, ignem vtrò subires, ibique (dictu penè incredibile) tribus horæ quadrantibus immotus in mediis flammis perstans, intestinis etiam ipsis in ignem effusis, alteroque decidente in flamas brachio, confirmatis tâtæ constantiæ exépto Glocestren sibus tuis, quos anteà fidus Episcopus syncera doctrina paueras, ipsa denique sese vietam fatente hostium immunitate, Christo tuo adiungereris. Sunt autem hæc acta Glocestriæ decima quarta Februarii, anno Domini millesimo quingentesimo quinquagesimo quinto. Huc verò ut in functione pari, sic in fide, in quietaque constantia so cius, Robertus Ferrorus, sancti Dauidis Episcopus, duodecimo post die sequutus est, Carmardis, Diocesis suæ ciuitate, nec minus crudeliter vñstulatus, nec minus fortiter Christum professus.

E e. j.

215



212
RESTITVTI IN SCOTIA
CHRISTIANISMU INSTAVRATORES
PRÆCIPVI.

Ee. ij.

200

IOANNES CNOXVS.



221



JOANNES CNOXVS, SCOTVS, GIFFORDIENSIS.


¶ ETSI distincta fuerunt semper Anglia & Scotia regna suis tū finibus tum regibus, dixisse tantum liceat fuisse nostra patrūmque memoria tum aduersus Christum initio consociata, tum ad Christum rursum mutuis operis adiuncta. Sicut autem illius aduersus veritatem conſpirationis auctor quidem præcipuus fuit Romanus ille pontifex, ad ministrī verò Cardinales & pseud-Episcopi, totus ille denique pseudoclerus, ab illo haud secus quām à suo numine dependens: sic ad ius illud suum recuperandum CHRISTVS fidos homines admirabili virtute instructos utrobique excitauit. Ac de Anglis quidē dictum esto, à quibus ad Scotos transi- tibus primus occurrit magnus ille IOANNES CNO- XVS, quem si Scotorum, in verò Dei cultu instaurando, velut Apostolum quendam dixero, dixisse me quod res est existimabo, & sequēs vera ipsius vitæ narratio testabitur. Cnoxus igitur (vt manifestè appareat to- tum hoc admirabile Domini opus esse) ad Ioannis illius Maioris, celeberrimi inter Sophistas nominis, ve- luti pedes in Sanctandreae oppido educatus, atque adeò sacerdos factus, apertaque celebri schola, quum iā vide- retur illo suo præceptore nihilo inferior Sophista futu- rus, lucem tamē in tenebris & sibi & aliis accedit. Si quidem Hieronymi & Augustini libros ibi nactus, ex eorū scriptis, non fastidire modò, sed etiam redarguere multa usque adeò liberè cœpit, Edimburgum præsertim re- giam ciuitatem euocatus, ut Hamestonum vnicum tū- piorum asylum perfugere cogeretur. Ibi verò tandem

Ec. iij.

liberrima edita cōfessione, p̄emium illud à Dauide Be-
 tono Archiepiscopo Sanctandreano,& quidem Cardina-
 li, Scotiæ primate tulit, quale ab hoc hominum genere
 piis persolui solet, hærefeos damnatus absēs, sacerdotio
 exutus, per insidias etiam, appositis percussoribus, truci-
 dandus, nisi Dei prouidentia commendatum illum Lan-
 gudrio præcipua nobilitatis viro conseruasset. Sequuti
 sunt postea tumultus in Scotia maximi, cæso ab ini-
 micis Cardinali, arce Sanctandreana à Gallis expugnata,
 intercepto quoque Cnoxo, qui contra pseudEpiscopo-
 rum expectationem liberatus, Veruicum urbem in An-
 gliæ & Scotiæ finibus sitam quum venisset, & in certa-
 mē cū illius ciuitatis pseud-Episcopo descēdisset, vt ro-
 que ad supremum Angliæ senatum reiecto, (tum autem
 Eduardus regnare cœperat) tantum effecit vt victo-
 ria penes veritatem stante, damnaretur quidem falsæ
 religionis pseudEpiscopus, ipsum vcrò tum pietas tum
 diligentia magnopere commendaret. Inde Nouocastrū
 ac deinceps Londonum ad Regem accito quum Episco-
 patus quidam offerretur, tantum abest ut illum recepe-
 rit, vt etiam in totam illam verè Satanicam potestatem
 grauiter sit inuectus, vt quę diuino iure nullo nitatur, ac
 ne ex veteribus quidem canonibus administretur: qua
 in re, & si non obtinuit (quod si & in Anglia & alibi factū
 esset, id est si causa illa Tyrannidis omnis Ecclesiastica
 præcipua & primaria esset sublata, longè alia facies Eccle-
 siarum esset) cōsciētiā tamē suam singulari cū christia
 nā modestiæ exemplo liberauit. Excepit hæc tempora
 tempestas illa horribilis quę Cnoxum, inter ceteros Ge-
 neuam vsque expulit, vbi aliquot annos vnā cum reli-
 quis Anglis exilibus maxima cum omnium virtutū lau-
 de versatus, tandem consiliis omnibus cum Ioanne Cal-
 uino communicatis, in patriam anno Domini 1559. re-
 uersus, incredibile est quanta diuini planè spiritus virtu-

223


te fatus Euangeliū annuntiarit, vsque adeò vicissim ipsius pietati ac diligētiæ fauente numine, vt velut ipsius cōspectum ne idolis quidē ferētibus profligata Idolatria, non verā tātūm doctrinā, sed etiam verā & ad diuinī verbi normam exactā disciplinā passim tum verbis tú reipsa statuerit. Neque verò fuerunt breuis alicuius tēporis illi labores, Satana modis omnibus hoc opus impe diente, sed tredecim totos annos Edimburgi athleta Christi fortissimè depugnauit: donec corporis imbe cillitate victus, anno Domini 1572, V. Idus Nouēbris, haud secus quām olim Eradium Augustinus, ita Cnoxus legitimis Ecclesiæ suffragiis sibi, non in vlla gradus pseu d-Episcopatus tyrānide, cui meritò fuit inimicissimus, sed in Euangelico ministerio vnā cum reliquis colle gis & presbyteris æ quo prorsus iure administrando, Ioan nem Lausonium, spectatissimæ tum doctrinæ tum in tegritatis hominem, successorem designatū, maxima cū gratulatione amplexus, Ecclesiæ valediceret: vita ad vi gesimumquartum vsque diem Decembris domi in lectulo tam piè & sanctè producta, vt integerima quinquaginta septem annorum vita beatissimo exitu veluti coronata, meritò ambigatur meliusne vixerit an beatius vitam finierit, singulare quidem certe felicissimæ tum vitæ, tum mortis exemplum cunctis reliquerit.





PATRICIVS HAMELTO,
SCOTVS.

SEv i r quidem Cnoxus verbi diuini semen in Scō
tiā quam latissimē, sed solo iam antea cēde non-
nullorum martyrum subacto, inter quos primum locū
tenet PATRICIVS HAMELTO, vt qui Hameltonū
familia Regiū quoque sanguinem attingente natus, quū
literarum studio feraens in Germaniam quoque venis-
set, tantūmque ibi in bonarum artium ac lingūarum
cognitione profecisset, vt Marpurgi, nobili Lantgrauio-
rum Hassiæ Academia, maxima cum eruditionis laude,
sit illas aliquandiu professus, postea in patriam rediens,
CHRISTI cruce cunctis vitæ cōmodis anteposita, anno
Domini 1530, à Dauide Betono Archiepiscopo Sanct-
andreano, egregiam operam Romanæ bestiæ nauante,
hæreseos damnatus, regium Hameltonum genus à suis
gentilibus postea contaminatum, pretiosissima illa mar-
tyrii corona nobilitauit.





ADAMVS VALLACVS, SCOTVS.

Ex t o post Patriciū anno, quinque martyres velut ex illius cineribus exorti, ex variis ordinibus, ciuidē Cardinalis opera cremati sunt Edimburgi, duo videlicet Dominicanī monachi, sacerdos vñus, Canonicus quidā, vñus denique ex nobilitatē, omne quodam felici futurum vt tandem in Scotia Christus omnium ordinum homines ad se adscisceret. Sed insigne fuit in primis Adami Vallaci martyrium, in eadem vrbe anno Domini 1559. mensis Iulii die decimaseptima, publicè in magno confessu audit, damnati, cremati, tantò maiore cum fructu, quanto plures illum liberè Christum áfferentē, & aduersarios solis conuitis & minis pugnantes verbo diuino refellentem, constantissimè denique morientem audierunt, oculisque suis conspexerunt.



ALEXANDER ALESIVS,
SCOTVS, LIPSIÆ THEO-
LOGIÆ PRO-
FESSOR.



A. ALESIVS.




ALEXANDER ALESIUS, SCO- TVS, LIPSIÆ THEOLOGIÆ PROFES- SOR.

ALIVD eximum Scotiæ decus in patria futurus erat Alexander Alesius, nisi Deus illū prius ex hac vita euocasset, quām Scotia, receptis oculis, Euangelii lumen penitus amplecteretur. Expulsus igitur Scotia, venit in Angliam, vbi Thomæ Cromellii, maxima tum auctoritate apud Henricum VIII. Regem pollutis, benevolentia fretus, tum priuatim, tum etiam in publico omnium Episcoporum tum fortè à Rege, Romani pontificis propter nouas nuptias inimico, conuocatorū confessu, fortissimè, quāuis non eo prorsus quem boni optabant successu, veritatem asseruit. Sed quod Scotia & Anglia neglexerant arripuit audiissimè Saxoniam, vt quæ exceptum Aleſium ad mortem usque fouverit, doctis omnibus charū, magno illi præsertim Philippo Melanchthoni tam probatum, vt illum sibi præ cæteris ad pacandam Norimbergensem Ecclesiam Oſiandri deliriis turbatam collegā adſciceret, ſolidè videlicet ac ſyncerè veritatem aduersus ſophistas tueri cōſuetum, quod ipsius quoque ſcripta, pauca quidem illa, ſed eruditioñis & iudicii plena, demonstrant.

280



EVANGELII APVD BELGAS
RESTITVTI INSTAVRATORES PRÆ-
CIPVI.



ΠΟΛΥΑΝΔΡΙ-
ON KENOTAFION
FORTISSIMIS BELGIS
OMNIVM ORDINVM, OMNISQ
ÆTATIS, TVM VIRIS TVM
FOEMINIS, CHRISTI
MARTYRIBVS.



VSQVAM certè nostra patrūmque memoria Satā maiore nixu veritatem oppugnauit, nec fortius etiam est repulsus, quām in Belgica regione, sicut teterimorum hæreticorum, ita constantissimorum martyrum tum virorum tum fœminarum feracissima. Initium autem putioris in illis regionibus instaurandi Christianismi à duobus ordinis Augustiniani fratribus cœpisse creditur Bruxellis, HENRICO VOEZIO & IOANNE ESCHIO, vtrōque ibidem anno Domini 1523. cremato. Antuerpiæ verò anno consequente NICOLAVS quidam, Melsensis parochus (qui locus vno miliari ab vrbe distat) apertè Christum annuntians, eoque nomine Antuerpiam pertractus, ibique submersus, prima illius Ecclesiæ fundamenta sanguine suo feliciter aspergit. Eodem tempore in Hollandia IOANNES PISTORIUS Wordensis, antea sacrificus, quum Christum incredibili successu tōto biennio annuntiasset, Hagæ tādē à Louaniensibus matæologis hæresos damnatus anno Domini 1525, Septembris die 15, carmen illud insigne TE DEVVM LAVDAMVS, quod Ambrosio & Augustino tribuitur, alta voce canens, succinentibus etiam illi duobus captiuis quos in carcere Christo lucrifecerat, martyrii palmam tulit. Et iam quò crudelius omni pœnarum genere, tum in viros tū in fœminas, quas ex edito solenni viuas defodiebant, vndique fæuiebatur, eò copiosius sanguis martyrum fœtificauerat, inter quos Duaciensis parochus qui-

Gg.j.

232

dam PETRVS, & EGIDIUS TILMANVS Bruxellē
sis magnopere memorantur , quum Tornacenses, missis
Argentoratum nuntiis, quempiam ad sc̄ mitti postula-
rūt, cuius consilio & authoritate apud ipsos Ecclesia cō-
stitueretur. Tū autem in Ecclesiæ Gallicæ ministerio PE-
TRVS BRVLIVS Lotharingus, spectatx pietatis ac e-
ruditionis homo, Iānni Caluino: primo illius pastori suc-
cesserat, quem vt maximè idoneum , Martini Buceri,
& ipsius collegarum suffragiis delectum, Tornacenses,
anno Domini 1544, mense Septembri exceperunt,
eiusque consilio tum pastores, tum etiā presbyteros &
Diaconos, ritè & ex diuini verbi præscripto constitue-
runt. Hoc exemplum plerisque populis ac præsertim
Insulanis, Valentianésibus, Duacésibus, Attrebatensibus
sequutis, quū eo quoque profectus Brulius feliciter om-
nia disposuisset, ac Tornacum regressus, Antuerpien-
ses visere ac deinceps Argentinam ad suum gregem
redire decreuisset, comperto ipsius redditu aduersa-
rii, clausis vrbis portis, vndique illum peruestigant.
Fratres igitur illum haud aliter quàm olim Pau-
lum Damasceni per vrbis mœnia fune demittunt, ex
quo dum ille sese explicare conatur , ecce lapis in-
gens in illum decidens femur ipsi confringit : ex cu-
ius vulneris dolore quum vociferaretur, à vigilibus
captus, & in carcercem coniectus, verum illud Apostoli-
cum dictum esse confirmauit, vinciri quidē seruos Dei,
sed minimè propterea vinclum esse Dei verbum. In car-
cere siquidem totos penè menses quatuor captiuus, non
modò fortiter Christi veritatem aduersus matæologos
asseruit, verùm etiam grauissimis plurimis literis tum
Ecclesiæ Belgicas, tum etiam priuatim alios confir-
mauit, donec XIX Februarii, anno Domini. CIC. IO.
XLV, quum Calendis Nouembris anno superiore Ca-
ptus esset, quò crudelius, lenta videlicet flamma, fuit
vstulatus, eò certiorem inuidæ constantię laudem tulit:
Martyribus postea penè infinitis ex illius rogo exortis.


235

(25)



CHRISTIANISMI APVD POLO-
NOS RESTITVTI INSTAVRATOES
PRÆCIPVI.

Gg. iiij.



IOANNES A LASCO,
POLONVS.



IOANNES A LASCO POLO- NVS.

IOANNEM à Lasco, Polonū, nobilissima Lascorū familia prognatum, heroica specie insitam animi generositatem præ se ferentem, multò magis pietas cù insigni zelo coniuncta nobilitauit: quem, vt Christo liberè seruiret, patria vltro relicta peregrinis variarum gentium eandem ob causam exulantibus adiunctum Germania vidit & Anglia: vnde quoque Marianis tēporibus expulsos, & per inhospitas maris insulas oberrātes illos iuuare, tum doctrina scriptis etiam testata, tum vitæ exemplo prius non destitut, quām sedes illis aliquas naētus, & à patria paulatim resipiscēte reuocatus ad suos tandem rediret. Ibi verò paulò post, promoto quantum potuit Christianismo, vitam hanc caducam cum altera illa sempiterna commutauit, morte quis, si ætatē speāctes, satis matura, tamen quod ad Ecclesias attinet valdē intēpestiu: sed in eo demùm ipsivaldeopportuna, quod Arrianismi, Tritheismi, & aliarum plurimarū heresēōn tēpestates iam imminētes effugit. Nec tamen defuerūt qui veritatem aduersus illa teterrima monstra fortiter assenserent: veluti Melius, Carolinus, Hellopœus, Thretius, Lasicius & alii, plenius, vt spero, à nobis aliquando commemorandi.



341



RENASCENTIS IN ITALIA PV
RIORIS CHRISTIANISMI INSTAV-
RATORES PRÆCIPVI.


Hh.j.



FANINVS, ITALVS, FAVEN- TINVS.

Sicut olim Christus in domum vsque Neronis illius truculentissimæ belluæ, Apostolo teste, penetravit: ita nostra quoque memoria in Italiam , alterius quæ illi successit nihilominus immanis bestiæ sedem, immo Romanam ipsam vsque illius penetrale, peruenit : inde tandem etiam eum oris sui flatu depulsum, in stagnū illud ignis & sulphuris præcipitem dat urus. Præclaram autem hac in re operam nauarunt non illi tantum quos supra commemorauimus, P. Martyr, Lacisius , Tremelius, Zanchus, Martinenghus, aliique plurimi qui sponte exulantes, Rhœticas, Helueticas, Sabaudicas, Germanicas, Anglicas denique Ecclesias auxerunt, sed aliquot etiam insignes alii qui ad sanguinem vsque pro Christo constanter decertarunt. Eorum vnum ac ferè primus fuit Faninus quidam, Fuentia, vrbe ob artis figulinæ opera in Romania(quam hodie vocat) celebri, natus: qui dum cæteri ciues terreis fingendis vasis occupantur, operi diuino in animis hominum sculpendo intetus, eoque nomine captus, postquam vxoris & amicorum precibus eò vsque cessisset, vt veritatem ciuraret, mox facti pœnitentia ductus, non in patria modò, sed etiam vltro citróque factum suum detestatus, Euangelium quaenque potuit occasione promulgauit. Captus igitur de nuo in Ferrariæ vicinia, indéque Ferrariam perductus, quum totu penè bienniu ex carcere liberrimè maximoque cù fructu veram religionem & verbis, & non paucis etià Italicè scriptis libris esset professus , Iulio illo tertio Pontifice, homine perditissimo, qui Paulo tertio successit, mandante, Ferrariæ tertia ante diluculum hora stragulatus, eodemque die circa meridiem crematus, martyrii palmam, quam ipse sibi videri poterat inuidisse, recuperatam circiter annum 1552 tulit.

Hh. ij.




POMPONIVS ALGERVS,
ITALVS, NO-
LANVS.



245
POMPONIVS ALGERVS, ITA-
LVS, NOLANVS.


Væ ciuitas olim Paulinum illum inter veteres celeberrimum Episcopum habuit, eadem Pomponium Algerum ciuem, nostris temporibus, illo fortassis etiam excellētiorem tulit: qui quum annum ætatis dūnta xat agens vicesimum quartum & in Patauina Academia studiorum causa versans, veram religionem priuatim inter nonnullos, diuinæ cuiusdam virtutis plenus, prēdi care cœpisset, mox ad eius urbis gubernatorcm Veneratum delatus, indēque Venetias primū, ac deinceps Romanam ipsam, postulante Paulo III. pontifice, Christoque veluti per medium Italiam suum triumphantem athletam circumvehente perductus, ita se se modestè simul ac fortiter gescit, ut nemo fortassis ex omnibus temporum nostrorum Martyribus, solidius aut neruosijs de promptis tum verbo Dei, tum ex ipso, quod vocant, Decrēto, testimoniis, pseud-Ecclesiam illam Romanam in aliquot capitibus conuicerit: vera religione post verbā sanguine quoque suo, quod crudelius fuit vstulatus, eò glorioſius in ipsorū non tam cocco quam Christianorū martyrum sanguine rubentium Cardinalium conspectu, constantissimè anno Dominim illeſimo quingente ſimo quinquagesimo quinto ſancita.





247 IOANNES LVDOVICVS PAS CALIS, PEDEMONTANVS.

Pascalis hic noster primis annis Sabaudo suo principi Nicæ militans, ibique primum de puriore Christianismo aliquid audiēs, de cœlesti militia cogitare cœpit. Itaque quum Genevā primum, ac deinceps Lausanam venisset, ita vtrōbique fese tractando diuini verbi gladio, & fidis obseruandis ducibus exercuit, vt tandem etiam dignus qui ordines duceret haberetur. Rogantibus igitur Italica Genevensē Ecclesiam Valdensibus duorum Calabriæ oppidorum, Gardiae videlicet & S. Sexti incolis, vt idoneum ad se quempiā pastorem mitterent, delectus omnium suffragiis Pascalis, quā uis eo ipso tempore virginem sibi despōdisset, vtroque tamen Christum rebus omnibus anteponente, rectā simul & ad Euangelium & ad martyriū contendit. Mox enim excito rumore Geneua quendam aduenisse, à Salvatore Spinella illarum vrbium Domino cum aliis accersitus, vtrō ad eum Fiscaulam, Calabriæ vicum, veniens, indeque post octo menses in carcere consumptos, Cosentiam, tertioque post mense Neapolim ac Romanam tandem ipsam perductus, vix credibile est qua constantia, quamuis omni crudelitatis genere in carceribus vexatus, scriptis plurimis sanctissimisque literis, non sum modò gregem pauerit, sed etiam vxorem aliosque procul absentes amicos sit consolatus. In qua constatia perseverans, tandem anno Domini 1560, die Septēbris 10, quartoque postquam eō appulerat mense, è regione ipsius arcis quæ nūc S. Angeli vocatur, crematus, gloriofissima pro Christo morte, miseram hanc vitam cum illa beatissima commutauit.



OLYMPIA FVLVIA, MO-
RATA, ITALA, FER-
RARIENSIS.



OLYMPIA FVLVIA, MORA- TA, ITALA, FERRARIENSIS.

Bs i t à me verò, Oliopia, vt te præteream, quam
& excellens illa & supra fœminæ sexum eminens
tum in græcis tum in latinis eruditio, siue soluta oratio-
ne quidpiam scriberes, siue versus pangeres: & mores
integerrimi: pietatis denique tantum studium, vt per-
grinum hominem Germanum, pius alioqui & planè te
dignum coniugem, quem in eas regiones vbi C H R I-
S T V S purius ac liberius colitur sequereris, ambientibus
certatim Italìs anteposueris, immortalitati consecrarūt:
cuius denique constantiam bellica nulla rabies, quū ca-
pto direptōque Schuinfurto, coniugis charissimi patria,
rebus omnibüs amissis, vnicāque sub ucula tecto corpu-
sculo, per Germaniam oberrares, ne tantillum quidem
inflexit, quominus C H R I S T O penitus adhæreres: à quo
rursum præter omnem expectationem restitutum ma-
ritum nacta, Heydelbergam tandem veniens, diuturno
morbo corpusculum opprimente, cum alacritate in ve-
rum illum Olympum, Olympia, ad quem toto vitæ cur-
su contenderas, annum agens duntaxat X X I X , sub-
sequuturo mox Andrea Gronthero marito, demigrasti.

261

CHRISTIANISMI APVD HIS-
PANOS RENASCENTIS INSTAVRA-
TORES PRECIPVI.

II.iij.



ΠΟΛΥΑΝΔΡΙ-
ON KENOTAFION
FORTISSIMIS OMNIVM
ORDINVM, OMNISQ. ÆTATIS,
TVM VIRIS TVM FOEMINIS,
HISPANIS , CHRISTI
MARTYRIBVS.





Et illi quidem duo à nobis commemorati extra Hispaniam pro CHRISTI nomine cæsi sunt. Hi verò de quibus sum dicturus, velut in ipso inferorum adyto, népe Inquisitionis illius Hispanicæ penetrali, de Satana & morte gloriosissimè triumpharunt. Huius autem verè diuini operis quatuor præcipui administrí fuerunt: Valdolidi quidem AVGVSTINVS CACALLA, quem in Germania Carolus quintus concionatorem habuerat, tādem anno Domini 1559 mense Maio, ibidem crematus: Sybillæ verò, quam nunc Siuiliam vocant, IOANNES EGIDIUS, VARQVIAS, & CONSTANTINUS PONTIVS, omnes ex matæologis acerrimis constantes facti veritatis doctores, ac tandem etiam martyres, EGDIO quidem post mortem cremato, VARQVIA in ipso Inquisitorū certamine mortuo, CONSTANTINO denique, viro trium linguarum egregiè perito, & quo confessore, quē vocant, diu fuerat usus Carolus quintus, Siuiliæ damnato & cremato. Horum autem sanctissimum studium plurimum adiuuerat IOANNES PIERIVS, & ipse Hispanus, qui quū Geneuā venisset, vbi Hispanicā etiā Ecclesiā coëgit, plurimos hispanica lingua sacros libros edédos, & Siuiliā usque transportandos curauit: homo eximiatum doctriña, tū in primis probitate insignis,

qui postea Blesis, celebri ad Ligerim ciuitate, ac demum apud Renatā Ferrariēscm Ducissam ministerio functus, Lutetiæ tandem facultatibus suis omnibus ad hispanica excudenda Biblia legatis, ex calcudo decessit. His igitur illi libris adiuti, incredibile est quantopere paucis annis Euāgelium promouerint, donec sic statuente Domino suos probare, deprehenso, & in carceres cum iis qui supererant libris pertracto. IVLIANO FERDINA NDO, à quo Geneua fuerat asportati, viro corpore quidem tū exiguo, vt vulgo propterea PARVVS vocaretur, sed animo verè ingenti prædicto, horribilis illa tépestas Valdolidi quidem non paucis, Siuiliæ verò circiter octingen-
tis captis excitaretur: quorum plerique partim in carce
ribus mortui sunt, fidiculis omnique tormentorum ge-
nere excruciat, partim variis diebus publicè magno,
sicut illic solent, apparatu damnati & cremati, non nullis
imbecillioribus exceptis, & præter bonorum amissionē,
quibus boni patres illi præcipue inhiant, graui quoque
ignominia notatis. Inter martyres autē, præter illos quos
commemorauit, isti præcipue constantia singulari Christum
ad extremum usque halitum profesi celebrantur,
quorum etiam nominibus, veluti pretiosissimis quibusdā
geminis, hunc libellum exornandum putauit.

*Viri pro Christi nomine cremati in urbe Valdo-
lidi, Mense Maio, anno Domini 1559.*

Franciscus Biuerus, Doctoris Cacallæ frater, antea sacrificus.

Antonius Peresius, itidem antea sacrificus Valentia.

Christophorus Delcampius, Zamorencis.

Christophorus Padilla, itidem Zamorencis.

Antonius Hesuëllus, Torenensis.

Franciscus Errenius, Pegnarandensis.

*Fœminæ ibidem eodem anno & die eandem ob
causam crematæ.*

Leonoræ Biueræ pientissimæ mulieris, Cacallæ &
Francisci Biuerorum matris, cadauer.

Constantia & Leonora Biueræ, eorundem sorores.

Catharina Romana.

Isabella à Strada,

Ioanna Velasqua, Pedrozenses.

Catharina Ortega, Valdolidensis.

*Siuiliæ verò itidem cremati anno Domini 1559.
die Septembris 14.*

Ioannes Poncius ex antiquissima & nobilissima comitū
Baïlensum familia.

Ioannes Consaluuſ, Siuiliensis concionator,
Ferdinandus Santianus, ludimagister.

Morzilius S. Isidori monachus.

Iulianus Ferdinandus, cognomente Paruus.

Christophorus Losadas, medicus.

Christophorus Auellamus, itidem S. Isidori monachus.

Fœminæ nobiles eodem anno & diæ crematae.

Isabella Vaenia, cuius domus pijs omnibus patebat, id-
circo etiam, eodem Inquisitorum decreto, fun-
ditus euersa.


266
Maria Viroëza.

Cornelia.

Maria Bohorchia.

Francisca Chaueza, ex sanctæ Isabellæ monasterio.

Et de his quidem hactenus, tantisperdum ii quibus hic
meus libellus placuerit, meum hunc conatum adiuuc-
rint.



Kk.j.



IOANNES ENSINAS, SIVE
DRYANDER, HI-
SPANVS.





23

IOANNES ENSINAS, SIVE DRYANDER, HISPANVS.

JOANNES Dryander in ipsa vrbe Roma bestiam illam singulari magnitudine animi aliquoties in priuatis cœtibus detegere & redarguere aggressus, quū Ioannem Diaſium, quē CHRISTO lucrifecerat, & fratrem Franciscum Dryandrum, à quibus in Germaniam euocabatur, inuisere statuisset, ab aliis quibusdam Hispanis proditum, pontifex ipſe Cardinalibus suis stipatus quum videre & audire voluisset, sustinere diutius sanctā ipsius libertatem non potuit. Itaque ad vim conuersus innocentissimum hominem cremandum anno Domini 1545. curauit, paulò ante videlicet quam Alphonsus Diaſius adiūcto ipſi carnifice, ad fratrem Ioannem Diaſium interficiédum Roma in Germaniam alegaretur.
At tu Domine vsquequo?

IOANNES DIASIVS.






IOANNES DIASIVS, HISPA- NVS, CRVENTINVS.

Ic ille est Ioannes Diasius Cruentix regni Tole-
tani ciuitate natus, qui à Ioanne Dryandro co-
gnitione C H R I S T I imbutus, & Geneuæ confirmatus,
quum Argentinæ substitisset, ita scse gessit vt eū quan-
uis exterum, & quidem Hispanum, nihilominus Argen-
tinensis respublica Martino Bucero ad comitia Rati-
sponæ, religionis cōponendæ causa, anno Domini 1546
ineunte, indicta, legato adiungeret: vnde quum Neubur-
gum superioris palatinatus vrbem, ad Danubium, venis-
set, procurante Petro Maluenda pontificiarum partium
acerrimo simul & crudelissimo propugnatore, carnicifis
ab Alfonso Diasio Ioannis fratre, Romanæ curiæ aduo-
cato, & ad hoc ipsum tetterimum facinus comparato,
Neuburgum perducti manu, impacta in seminudi & ex-
lectulo ad salutandum fratrem prodeuntis caput, secu-
ri prostratus, Abelis à Caino interfecti exemplum reno-
uauit: tam immani scelere, quanvis Augustæ Vindelico-
rum captis homicidis, non modò non vindicato, sed etiam
Romæ digno cui gratia referretur habito, vt quo
spiritu ducantur Romani pontifices, amplius ambigi-
non possit.


EMBLEMA I.



*Principium in tereti quæris quicunque figura,
 Principium inuenies hīc ubi finis erit.
 Sic Christum vero quisquis reuereris amore,
 Quæ vitam hora tibi finiet, incipiet.*


263

EMBLEMA II.



*Cernis ut hæc medium cingat teres undique punctum
Linea, & hinc spatio distet & inde pari?
Scilicet illa refert quod nos tegit undique cælum,
Tellurem hoc punctum quod tenet ima notat.
Cur igitur doleas, quorsum dic, quæso, labores,
Tu patria pepulit quem pietatis amor?
Cælum si versus tendis, quounque recedes,
Hinc spatio cælum cernis & inde pari.*

264
EMBLEMA III.



*Stare cubum in tereti cernis quicunque figura,
Hinc vitae verum discito cautus iter.
Mores illa docet teretes, hic figere iussa
Te iubet immotos in statione gradus.*

EMBLEMA III.



*Aurea mendaci vates non unicus ore
Vellera phrixæ commemorauit ouis.
Noste, Christe, agnum canimus. Nam diuite gestas
Tu verè veras vellere solus opes.*

Ll. j.

EMBLEMA V.



*Scilicet incudem insanit qui frangere duri
Conetur ictu mallei.
Et non insanit Christo qui perdere sacra
Se posse speret agmina?*

26
EMBLEMA VI.



*Phænicemo, si vera ferunt, mors ipsa refingit,
Huic sit ut unus aut vitaque morsque rogo.
Ite o carnifex, Sanctorum sancta cremate
Corpora. quos vultus perdere flamma parit.*

Ll. ii.

EMBLEMA VII.



*Nil spectasse dapes, nil deglutiſſe iuuabit,
 Hac niſi ventriculi cuncta calore coquas.
 Sic coeruſ ſpectaſſe pios, diuinaque verba
 Audiſſe attenta nil licet aure iuuat,
 Haec niſi percipiātque fides, imoque reposta
 Pectore, diuino freta calore coquat.*


263

EMBLEMA VIII.



*Cernis ut in celum fuerat quæ machina torta,
Fit iaculatori mors properata suo?
In sanctos quicunque Dei ruis impie, seruos,
Conatus merces hæc manet una tuos..*

EMBLEMA IX.



*Pinge globum tenui quem libratum undique filo
 Sustineat summi numinis alta manus,
 Talis es vrb̄s Christi de nomine dicta beato,
 Qua nil firmius est, mobiliusque nihil.*

EMBLEMA X.



*Qualis eques rapido nemorosa per auias cursu
 Corruit, effreni præcipitatus equo,
 Corpore tu quemcunque Deus vel mente beauit,
 Talis es, ipsius te nisi frena regant.*

EMBLEMA XI.



*Quidquid edis quodcunque bibis, moriatur oportet,
Ut inde vita suppetat:
Et nos à Christi quod vitam morte petamus,
Philosophe rides impie?*

223

EMBLEMA XII.



*Ceu rutilis idem qui dis̄silit ignibus æther,
Fœcundas grauido pectore fundit aquas,
Vita fide sic Christus erit tibi viua receptus,
Spretus at hic idem mors tibi Christus erit.*

Mm. j.

EMBLEMA XIII.




*Soluuntur compacta licet bene dolia, firmis
 Constricta ni sint circulis.
 Sic legum pœnis quæ non firmata tenetur,
 Corruat oportet ciuitas.*

EMBLEMA XIII.



*Sectantes velut umbra fugit, fugientibus instat,
 Addita corporibus scilicet umbra comes,
 Sic fugit immerita captantes præmia laudis,
 Demissis contra gloria iuncta comes.
 Et tamen haud falso trutinata examine, quidnam
 Laus haec omnis erit? scilicet umbra leuis.*

EMBLEMA XV.



*In iuste partis opibus si forte beatos
 Putas auaros, falleris.
 E potis audi' lymphis quis posse beari
 Hydropicos existimet?*

297
EMBLEMA XVI.



*Libera ceu volucris, caueæ mox carcere clausa,
Libera confracto carcere rursus abit:
Liber homo natus, mortis dein clausus in antro,
Rursus abit Christo liber ad astra duce.*

Mm. iiij.

EMBLEMA XVII.



*Tota viden' ventis expandens vela secundis,
 Ut perit optato littore mersa ratis?
 Hac tu mente notes cui sors aspirat amica,
 Hac eadem ne te que vehit unda ruat.*

273

EMBLEMA XVIII.



*Obiectis ventos foribus, clausisque fenestris,
Estque etiam tota mos prohibere domo.
At aures, oculique, haec sunt utrinque decebat
Quas Satanæ clausas opposuisse fores.*

EMBLEMA XIX.



*Ad stricti glacie niti qui fluminis audet,
 Haud raro glacie dissidente perit.
 Hoc sapite exemplo istius quos commoda vitae
 Innumeris fallunt lubrica cuncta modis.*

EMBLEMA XX.



*Quod duro lima est ferro, mesſique flagellum,
 Auro quod ignis estrudi,
 Hoc tibi, si sapias, crux est, licet aspera: quisquis
 Cælum Deo petis duce.*

EMBLEMA XXI.



*Qualis quæ fuluo circumdata cernitur auro
 Gemma nitens, radio splendidiore micat:
 Talis formosè splendens in corpore virtus,
 Nescio quod prodit conspicienda decus.*

EMBLEMA XXII.



*Luna velut toto colluſſans lumine terras,
 Fruſtra allatrantes deſpicit alta canes :
 Sic quisquis Christum allatrat Christi veſtigia miniftriſ,.
 Index ſtultiæ ſpernit oruſque ſua.*

EMBLEMA XXIII.




*Quis sapere hunc credat sese qui posse vetandis
 Ventorum credat flatibus esse parem?
 Stultior at quanto est sese qui posse loquentis
 Obstruere insanus numinis ora putet?*

EMBLEMA XXIII.



*Tranquilli immotique prius velut æquoris undas
 Unica ventorum vis agitata ciet,
 Sic mundum meretrix Romana. Hanc tollite, Reges,
 Pacatus subito (credite) mundus erit.*

EMBLEMA XXV.



*Cæsareos cineres quæ moles clauserat olim,
 Arx est Romano nunc sacra Pontifici.
 Quam bene qui mortis nunc est mortalibus auctor,
 Mortis sacratas obtinet iste domos.*

EMBLEMA XXVI.



*Cernis ut hic cælum fœdo qui conspuit ore,
 Non cælum, immo suos conspuit ipse finus?
 Et tu cælorum Domini contemptor, in illum
 Non quot verba iacis, tot tibi probra vomis?*

EMBLEMA XXVII.



*Ludicra ridemus fabricantes tecta puellos,
 Seu stipulis fartum si meditantur opus:
 Quid melius plerique agitis, vanissima vitæ
 Quos huius miseros noxia cura premit?*

28

EMBLEMA XXVIII.



*Hi colubris colubri, cristas tollente Cerasie,
Conferti pariter, sinuosa volumina quorum
Dextra secat, gladium cæli que librat ab arce,
Quos signent rogitas? satis & re & nomine notos,
Quos Satan, armauit iusti quem numinis ira
Terrarum exitio, funesto exciuit ab orco.
Ast hominum tandem sortem miseratus acerbam
Exerto verbi Christus nunc dissecat ense.*

Oo.j.

230

EMBLEMA. XXIX.



*Adde alas: aures, & caudam, & cornua ceruo
Tollito: depictum sic tibi tempus erit.
Tempore nanque nihil currit velocius uno,
Nec semel elapsum quo renocetur habet.*

EMBLEMA XXX.



*Æra graui cunctos veluti campana sonore,
Ipsa licet penitus sint sibi surda', crient:
Sic es recta docens alios, peruersa sequute,
Quique aliis sapiens, non sapis ipse tibi.*

222

EMBLEMA XXXI.



*Ceu vacuum facilis vas est implere laboris,
Quod mero est plenum velle replere furor:
Sic cuius diuina animum sapientia cœpit,
Et vita inuasit quem melioris amor.
Aut vacuum humanis homo, mentem sensibus adfer:
Stultitiae plenus vel remaneto tuae.*

EMBLEMA XXXII.



*Viperei exedunt ceu matris viscera foetus,
Sic quos ipsa suo fouit alumna sinu,
Roditur heu! nimium sanctorum Ecclesia multis,
At non euentu nec ratione pari.
Vipera nam salua infelix prole interit, illis
Hac contra extinctis non peritura manet.*

EMBLEMA XXXIII.



*Incauto quicunque rosas collegerit vngue,
 Vix unquam illæso legerit vngue rosas:
 Hoc sapite exemplo locupletes, plurima nanque
 Hisce latent vestris spicula mixta rosis.*

295
EMBLEMA XXXIII.



*Stercora quod porcis, asinis quod carduus, hoc est
Barbaries nostris asinis porcisque Magistris.*

EMBLEMA XXXV.



*En Satan accensis hinc inde ut torribus urgens.,
 Sic tandem absumi spumantem hunc stultus ahenum
 Posse putat, lapsus complet quem cælitus humor.
 Sic liceat nobis sanctorum effingere sortem,
 Quos Saranas variis hinc inde laboribus instans
 Exercet, frustra seseque suosque fatigans.
 Ecquis enim tutus nisi quos fidusque potensque
 Tutatur cæli Christus qui confidet arce?
 Perge Satan. Nam quo torres ardentiùs omnes
 Accendes, tanto mage despumaris ahenum,
 Purior ut tandem fundo esca appareat imo.*

EMBLEMA XXXVI.



*Niliacus qualis serpens fugientibus instat,
 Instantes fugiens quanlibet ante ferox:
 Sic vetus ille draco, sœus mortalibus hostis,
 Te reprimente fugit, te fugiente premit.*

Pp.j.

EMBLEMA XXXVII.



*Nil mirum est statuas vos commendare libenter,
Ipsi quum sitis, Pontifices, statuæ.*

29

EMBLEMA XXXVIII.




*Belidas fingunt pertusa in dolia raves
Mox effundendas fundere semper aquas.
Nomine mutato, narratur fabula de te,
Ebrie, quæ meias qui sine fine bibis.
Quin etiam hoc in te quadrat turba ebria, quòd sint
Corpora quæ fuerant, dolia facta tibi.*

EMBLEMA XXXIX.



Quenam sic lacero uestita incedis amictu?
 Religio, summi vera Patris soboles.
 Cur uestis tam vilis? opes contemno caducas.
 Quis liber hic? Patris lex veneranda mei.
 Cur nudum pectus? decet hoc candoris amicam.
 Cur innixa cruci? Crux mihi sola quies.
 Cur alata? homines doceo super astra volare.
 Cur radians? mentis discutio tenebras.
 Quid docet hoc frenum? mentis cohibere furores.
 Curtibi mors premitur? mors quia mortis ego.

EMBLEMA XL.




Fraternis luna ut radiis aduersa refulgens,

Pleño coruscat lumine.

Sic Christi oppositos spectans Ecclesia vultus,


Splendore lucet integro.

302
EMBLEMA XLI.



*Lunam interveniens ceu teræ corpus opacum
Atra inficit caligine.
Sic interueniens hominum sapientia , purum
Ecclesia infuscat iubar.*

EMBLEMA XLII.



*Luna velut fratri propius coniuncta, perisse
 Stultis videtur funditus,
 Quæ tamen admoti spe etat quâ lumina Solis,
 Longè refulget clarior.
 Sic perisse pii vulgo qui morte videntur,
 Absit perisse dixerim,
 Ipsi qui potius Christo propiore potiti,
 Quod quæsierunt obtinent.*

3.02
EMBLEMA XLIII.



*Insanum hunc quicunque vides seseque suosque
Rate perforata mergere,
Ah, quam vera vides! nam quod pictu aspicis, horum
Viva est imago temporum.*

EMBLEMA XLIII.



Vidi ego carnificis metuentem verbera sæui,
 Qui medias sese Ligeris proiecit in vndas,
 Et quanuis sudore madens, expersque natandi
 Fluminis euasit pede calcans ima profundi,
 Quem mox non vna pœnas pro cæde luentem
 Vidimus impositum torrii viscera flammis.
 Hæc age dispicito rectæ qui tramite vitæ
 Deserto, magis atque magis periturus oberras:
 Nam quo tardior est, grauior fit numinis ira.

-306



NOMINA VIRORVM ET FOEMINARVM ILLVSTRIVM, QVO- RVM MEMORIA IN HOC LIBELLO CELEBRATVR.

A

DAMVS Vallacus, Sco-
tus, Ff iij.

Adolphus Clarebachius, Ger-
manus, L iiij.

Alexander Alesius, Scotus, Ff
iii.

Alexander Canus, Gallus, Ad
ij.

Ambrosius Blaurerus, Germa-
nus, N iiij.

Andreas Gerardus, Hyperius,
Belga, I j.

Annas Burgius, Gallus, Bb ij.

Augustinus Marloratus, Lotha-
ringus, Bb iij.

B.

Beatus Rhenanus, Germanus,
R j.

Bertholdus Hallerus, Heluetius,
M iij.

C.

Caspar Cruciger, Germanus, E
iiij.

Caspar Hedio, Germanus, G iiij.

Clemens Marotus, Gallus, Y iiij.

Conradus Gesnerus, Heluetius,
R j.

Conradus Pellicanus, Germanus,
P j.

E.

Erasmus Roterodamus, Belga,
C iij.

F.

Faninus Italus, Hh ij.

Franciscus primus, Gallorū Rex,
Gallus T ij.

Franciscus Kolbius, Germanus,
M iiij.

Frāscus Vatablus, Gallus, V j.

G

Georgius Anhaltinus, Ascaniae
Princeps, Germanus, D iiij.

Georgius Carpenterius, Germa-
nus, L ij.

Gulielmus Budæus, Gallus, T
iiij.

Gulielmus Farellus, Gallus, S j.

H

Henricus Bullingerus, Hel-
Qq. ij.

INDEX.


- uetius, N iiiij.
Henricus Zuphaniensis, Germanus, K iiij.
Hermanus Archiepiscopus Coloniensis, Germanus, H iiiij.
Hieronymus Pragensis, Bohemus, A iiij.
Hieronymus Sauonarola, Italus, B iiiij.
Hugo Latimerus, Anglus, Dd iiiij.
- I.**
- I**acobus Faber, Gallus, X j.
Iacobus Meierus, Heluetius, N ij.
Iacobus Pauanas, Gallus, Z iiiij.
Iacobus Sturmius, Germanus, F. ij.
Iacobus Tussanus, Gallus, V ij.
Ioachimus Camerarius, Germanus, F j.
Ioachimus Vadianus, Heluetius, Q ij.
Ioannes Caducus, Gallus, Aa j.
Ioannes Caluinus, Gallus, R iiij.
Ioannes Clericus, Gallus, Z ij.
Ioannes Cnoxus, Scotus, Ee ij.
Ioannes Diasius, Hispanus, Klz iiij.
Ioannes Ensinas, Hispanus, Klz i.
Ioannes Forsterus, Germanus, E ij.
Ioannes Frobenius, Germanus, S ij.
- S** iiiij.
- I**oannes Hopperus, Anglus, Ee j.
Ioannes Hussus, Bohemus, A ij.
Ioannes Lascus, Polonus, Gg iiij.
Ioannes Masso, Gallus, Aa ij.
Ioannes Mercerus, Gallus, X j.
Ioannes OEcclampadius, Germanus, M j.
Ioannes Pascalis, Italus, Hh iiij.
Ioannes Pomeranus, Germanus, E j.
Ioannes Reuchlinus, Germanus, C ij.
Ioannes Sleidanus, Belga, I ij.
Ioannes Wiclefus, Anglus, A ij.
Iosias Simlerus, Heluetius, P iiij.
Iulus Cæsar Scaliger, Italus, X j.
Iustus Jonas, Germanus, E ij.
- L**.
- L**eo Indæ, Heluetius, O ij.
Leopardus Cæsar, Germanus, L j.
Ludouitus Berquinus, Belga, Z iiij.
- M**.
- M**argareta Valesia, Navarrum Regina, Galla, T ij.
Martinus Bucerus, Germanus, G j.
Martinus Lutherus, Germanus, C iiij.
Martyres Galli in America, Aa ij.

INDEX.

- Aa iii.
 Martyres Angli insignes, Cc iiiij.
 Martyres primi Belge, Gg j.
 Martyres primi Hispani, Ii iij.
 Martyres insignes Valdenses, R.
 Cc j.
 Matthias Pfarrerus, Germanus, X ij.
 Matthias Zellijs, Germanus, F iij.
 Melior Volmarius, Germanus, X ij.
 Michael Hospitallius, Gallus, V iij.
 N.
 Nicolaus Ridleis, Anglus, Dd iiiij.
 O.
 Olympia Morata, Itala, II j.
 P.
 Patricius Hamelto, Scotus Ff. j.
 Paulus Fagius, Germanus, G iij.
 Petrus Buflerus, Germanus, F iij.
 Petrus Cholinus, Heluetius, X iij.
 Petrus Flistedius, Germanus, L iij.
 Petrus Martyr, Italus, P ij.
- Petrus Viretus, Sabaudus, S ij.
 Philippus Melanchthon, Germanus, D ij.
 Pomponius Algerus, Italus, Hh iij.
 Robertus Ferrorus, Anglus, Ee j.
 Robertus Stephanus, Gallus, Y ij.
 Sebastianus Munsterus, Germanus, X iij.
 Simon Gryneus, Germanus, O iij.
 Thomas Blaurerus, Germanus, Q iij.
 Thomas Crammerus, Anglus, Dd ij.
 Ulrichus Huttenus, Germanus, I iij.
 Ulrichus Zuingleus, Heluetius, M. j.
 Wolfgangus Capito, Germanus, H j.
 Wolfgangus Musculus, Lotharingus, V ij.
 Wolfgangus Schucus, Germanus, K iij.
- Qq.iij

Errata typographica sic emendato.

- A. ii,in extremo lege,c10,10.xxvii
A. iii,lin.3,lege,anferis (hoc enim, &c.
B. iii,lin.8,lege,quantam hanc
C. iii, in Greco epigrammate lege
Aneḡtōs & λογ̄ια ω̄δησ.
D. iii,lin.18,lege,ei debemus. Singu-
lare
E. iii,lin.6,lege,diuinitus adiunctum,
G. iii,lin.26,lege,1550
I. iii,lin.18,lege,perscripta,
L. ii,lin.8,lege,eintraret
N. iii,lin.8,lege,post felicissimē
P. i, altera pagina,li.27,lege,superstes
Q. i,lin.11,dele,sibi
S. iii,lin.7,lege,reuocatos debemus
X. i,lin.vltima,lege,quam Isnam.
Aa. iii,lin.15,lege,viginti tribus
Eb. i,lin.22,dele quidem
Cc. i,lin.5,lege,Sic igitur
Ee. iii, altera pag.lin.24,lege,obtinuit
quod & lin.25,lege,(id est si, & Ec-
clesiastica,& lin.26,lege,sublata) &
lin.27,lege,esser,
Ee. iii,lin.6,lege,stabilierit
Ii. iii,lin.1,lege,Illi quidem,& altera
pagina,lin.4,lege,calculo,; & lin.8,
lege,tam Ii. iii,lin.19,lege,cognos-
mento
Ll. i,versu 1,lege,Phoenicem, Ll. iii,
versu 5,lege,Hxc
Oo i, altera pagina,versu 2, lege
Quodque
Oo iii, l. 2, lege spumans hoc stultus
Pp i, altera pagina,versu, i, lege,
terræ



trir





